

Naqqiut

Siunnersuut 22. aggusti 2018-meersoq taarserpaa
(*Kalaallisut siunnersuummi oqaasertanik iluarsisoqarpoq*)

Siunnersuummut nassuiaatit

Nassuiaatit nalinginnaasut**1. Aallaqqaasiut**

Sermip erngullu niuernikkut iluaqutigineqarnissaat pillugu Inatsisartut inatsisaat nr. 7, 31. maj 2001-imeersoq (sermip erngullu avammut nioqqutiginnissaannut inatsit) ulloq 1. juli 2001 atuutilerpoq. Inatsisartut inatsisaat Inatsisartut inatsisaanni nr. 3, 15. maj 2014-imeersumi aamma Inatsisartut inatsisaanni nr. 35, 28. november 2016-imeersumi allanngortinneqarpoq. Inatsisartut inatsisaat kingusinnerusukkut allanngortinneqartartoq tulliuuttuni Inatsisartut inatsisaattut taagorneqarpoq.

Sermip erngullu niuernikkut iluaqutigineqarnissaat pillugu Inatsisartut inatsisaannut nutaamut siunnersuummi Inatsisartut inatsisaat annertuumik aallaavigineqarpoq. Siunnersuummi Inatsisartut inatsisaanni aalajangersakkat aalajangersimasumik annertussusilimmik allanngortinneqarput, ilanngullugu aalajangersakkanik nutaanik ilanngussinikkut.

Siunnersuut malillugu Inatsisartut inatsisaata allanngortinneqarnera, allannguutissatut inatsisikkut piviusunngortinneqanngilaq, kisiannili nutaamik Inatsisartut inatsisiliornikkut piviusunngortinneqarluni. Tamanna siunnersuutigineqarpoq ilaatigut inatsisip allanngortinneqartup pisariinnerunissaa paasiuminarnerunissaalu, taamaalillunilu atornerqarnermini paasiuminarnerunissaa atoruminarnerunissaalu eqqarsaatigalugit. Tassunga atatillugu taamatuttaaq Kalaallit Nunaanni niuerfiup ilaatinneqarnissaa aammalu imermik sermimillu avammut nioqquteqarnerup kisimi ilaatinneqannginnissaa, Inatsisartut inatsisaata atuuffissaanni erseqqissarneqarpoq.

Inatsisartut inatsisaat 2001-imi atuutilerpoq. Inuussutissarsiornermi suliaasaqarfiup aammalu avammut nioqquteqarnissaq siunertaralugu sermimik imermillu Kalaallit Nunaanniittumik atuinissamik soqutiginninnerup ineriartortinneqarnissai siunertaralugit suliarineqarpoq. Inatsisartut inatsisaanni siusinnerusukkut atuuttumi aamma taamatut ingerlataqarnernik pilersitsinissamut ingerlatsinissamullu tunngavissaliisoqarpoq aammalu taakkununga atatillugu kalaallit inuiaqatigiit soqutigisaat qulakkeerneqarlutik. Tassani tamatuma saniatigut aningaasaliisartut atugassarititaasunut killissaliussanik pilerinartunik siumullu

takorloorneqarsinnaasunik, suliassanik aningaasaqarnikkut pilerinaateqalersitsisunik, neqeroorfiginerisigut, Kalaallit Nunaanni aningaasaliisarnerup pilerinaateqarnissaata siuarsarneqarnissaa siunertaavoq.

2018-ip aallartinnerani misissueqqaarnissamut akuersissutit 6-it aamma avammut nioqquteqarnissaq siunertaralugu sermimik imermillu atuinissamut atuinissamut akuersissutit 5-it tunniunneqareersimapput.

Naalakkersuisut Inatsisartut inatsisaata atuutilerneraniilli suliassaqarfimmi ilisimasaqalersimapput misilittagaqalerlutillu. Ilaatigut Kalaallit Nunaanni aamma nunani tamalaani niuernernut aamma unammilleqatigiinnermut tunngasut aammalu Kalaallit Nunaanni sermimik imermillu avammut nioqquteqarnerup iluani periarfissaqarfiusut pillugit annertunerusunik ilisimasaqalernerq anguneqarpoq. Ilisimasat annertunerusut ilaatigut Kalaallit Nunaanni sermimit isumalluutit aamma imermit isumalluutit ilaannakortumik nunap assiliornerisigut anguneqarput.

Tamatuma saniatigut Naalakkersuisut ukiuni kingulliunerusuni danskit oqartussaasui suleqatigalugit Kalaallit Nunaanni inuussutissarsiornermut inatsisinik nutarterinernik suliaqarput. Suliaqarnermi ingerlasuni anguniagaapput ataatsimut isigalugu Kalaallit Nunaanni siuariartortitsinerulernissaq suliffissaqartitsinerulernissarlu aammalu Namminersorlutik Oqartussat isertitaqarnerulernissaat.

Siunnersuut Kalaallit Nunaanni inuussutissarsiornermut inatsisinik nutarterinermut ilaatillugu suliarineqarpoq. Siunnersuummi siunertaavoq ataatsimut isigalugu Kalaallit Nunaata nunanut allanut sermimik imermillu niuernikkut iluaquteqarfiusunut unammillersinnaassuseqarnissaata qulakkeerneqarnissaa, ilaatigut pisinnaatitsissummik pigisaqartup Kalaallit Nunaanni taamatullu nunani tamalaani niuerfimmi unammillernissamut periarfissaasa pitsanngorsarneqarnerisigut.

Akuersissuummi piumasaqaatinik aalajangersaanissamut, ilanngullugu pisinnaatitsissummik piginnittup suliaanut aningaasaqarnikkut pissutsinik siunnersuut pisinnaatitsissutinik arlalinnik imaqarpoq. Pineqartut tassaapput niuernikkut suliaqarfigisat, niuernermi pissutsit aamma piviusutut tunisassiornermi pissutsit akuersissuummi immikkut ittutut aningaasaqarnikkut piumasaqaatit aalajangersarnissaannut pingaaruteqassallutik. Taamaattorli tassunga atatillugu inuussutissarsiornermut aamma namminersorlutik oqartussanut aningaasaqarnikkut kingunerisinnaasanik nalunaarutigisat nalornissuteqarfiussapput, niuernermi pissutsit aamma akigititat il. il. piffissap ingerlanerani allanningsinnaassammata, taamaalillutillu aningaasaqarnermut inernerisanut taakkununga sunniuteqarsinnaallutik.

Inatsisartut inatsisaat malillugu atuinissamut akuersissut, sermimik atuinissamut akuersissutitut, imermik atuinissamut akuersissutitut imaluunniit sermimik imermillu atuinissamut akuersissutitut ataqatigiissitsiviusutut, tunniunneqarsinnaavoq. Atuinissamut akuersissutini assigiinningsuni pingasuni tamaginni sermimik imermillu niuernikkut iluaquteqarneq pineqartunut ilaavoq. Tulliuttuni akuersissutit atuinissamut akuersissutitut taagorneqassapput.

Inatsisartut inatsisaanni aaqqissuussinermi atuuttumi, nunami sumiiffimmut atuinissamut akuersissutit kisermaassisussaataaaffilimmik tunniunneqartarnera, aallaavigineqarpoq. Imaani sumiiffimmut atuinissamut akuersissut, akuersissutit kisermaassisussaataaaffilimmik tunniunneqarnissaanut pissutsit immikkut ittut atuussimangippata, kisermaassisussaataaaffeqanngitsumik tunniunneqartarpoq.

Naalackersuisut sumiiffimmut aalajangersimasumut kisermaassisussaataalluni atuinissamut akuersissummik pisinnaatitsissummik pigisaqartumut tunniussisimappata, Naalackersuisut aamma sumiiffimmut tassunga atuinissamut akuersissummik allamut tunniussisinnaanngillat, ilanngullugu nunami sumiiffimmi sermimit isumalluummut imaluunniit imermit isumalluummut aalajangersimasumut atuinissamut akuersissut.

Inatsisartut inatsisaannut taassumalu ulluinnarni atorineqarneranut tunngatillugu misilittakkat takutippaat kisermaassisussaataalluni atuinissamut akuersissutitut tunniussineq, Kalaallit Nunaanni sermimit isumalluutitut aamma imermik isumalluutitut sapinngisamik pitsaanerpaamik naapertuunnerpaamillu atuinissamut tamanna aporfiusinnaasoq. Tamatumunnga ilaatigut pissutaavoq, pisinnaatitsissummik pigisaqartut ilaasa sumiiffimmi akuersissummik peqarfimmini sermimit isumalluutitut aamma imermit isumalluutitut tamakkiisumik ilaannaasumilluunniit atuisannginnerat. Taamatut pisoqartillugu Naalackersuisut isumalluutit pineqartut ilaasa sinneruttut atorineqarnissaannut akuersissummik allamut tunniussisinnaanngillat. Tamatuma malitsigisinnaavaa, sermimit isumalluutit imaluunniit imermit isumalluutit sumiiffimmi akuersissuteqarfimmiittut ilaasa atorineqanngitsut, maangaannartinneqarnerat, aammalu isumalluutit pineqartut taamaalilluni naapertuunnerpaamik atorluarneqannginnerat.

Siunnersuummi pisinnaatitsissummik pigisaqartut arlallit sermimit isumalluummut imaluunniit imermit isumalluummut ataatsimut atuinissamut akuersissummik tunineqarsinnaanerat periarfissiissutigineqarpoq. Atuisartunut najukkameersunut pilersuinermit atugassatut aammalu atuinissamut akuersissut malillugu atuinissamut sumiiffimmi sermimik imaluunniit imermik atuinissamik pisariaqartitsineq, sermip imaluunniit erngup sumiiffimmi atorineqarsinnaasup annertussusaanit annertunerisimappat, isumalluutit qanoq agguarneqassanersut pillugu aalajangersakkanik aammattaq siunnersuut

imaqarpoq.

Siunnersuut aamma pissutsit allat pillugit aalajangersakkanik imaqarpoq, ilanngullugit pisinnaatitsissummik pigisaqartut Namminersorlutik Oqartussanut akitsuutinik akiliuteqartarnissaa pillugu aammalu piffissami atuiffiusussami ukiumi siullermi akiliutinik taakkuninnga aamma akileraarutinik akitsuutinillu akiliisussaatisinnginnissamut periarfissaqarneq pillugu aalajangersakkat nutaat. Siunnersuut aamma akuersissut malillugu sermip erngullu atorneqartussap annertussusaata annertunerpaajusinnaaffia pillugu aalajangersakkanik nutaanik imaqarpoq. Siunnersuut aamma ilaatigut sermip erngullu imerneqartussatut assigisaattulluunniit atorneqartussap imaluunniit atorneqarsinnaasup pitsaassusissaanut piumasaqaatit aamma pitsaassutsinik nakkutiginninneq pillugit, aammalu Kalaallit Nunaannut, Kalallit Nunaannit Kalaallit Nunannilu usinik imaatigut assartuineq pillugu inatsisip saneqqunneqarnissaanut aalajangersakkanik imaqarpoq. Takuuk matuma kingulianni immikkoortoq 2.2.

2. Siunnersuummi immikkoortut pingaernerit

2.1. Inatsisit atuuttut

Suliassa qarfirmi inatsit atuuttoq tassaavoq sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersoq (sermip erngullu avammut nioqqutiginnissaannut inatsit), Inatsisartut inatsisaanni nr. 3, 15. maj 2014-imeersumi aamma Inatsisartut inatsisaanni nr. 35, 28. november 2016-imeersumi allannngortinneqartoq, (matuma kingorna Inatsisartut inatsisaat).

Avammut nioqquteqarnissaq siunertaralugu sermimik imermillu atuineq aamma tamatumunnga atatillugu misissuineq, akuersissut Naalakkersuisunit tunniunneqartoq malillugu taamaallaat pisinnaavoq.

Avammut nioqquteqarnissaq siunertaralugu sermimik imermillu atuinissamut, atuinissamut akuersissut sumiiffimmut erseqqinnerusumik killissalersugaasumut aammalu atugassarititaasut erseqqinnerusumik aalajangersarneqartut tunngavigalugit tunniunneqartarpoq. Atuinissamut akuersissutit, nunani sumiiffimmut tunngassuteqartut, aallaaviatigut sumiiffimmi pineqartunut ilaasumi atuinermik suliaqarnissamut kisermaassisussaataaaffilimmik tunniunneqartarput. Atuinissamut akuersissutit imaani sumiiffimmut tunngassuteqartut, kisermaassisussaataalluni akuersissummik tunniussinissamut pissutsit immikkut ittut atuussimangippata, kisermaassisussaataaaffiliinngitsumik tunniunneqartarput.

Naalakkersuisut sumiiffimmi sermimit isumalluummik imaluunniit imermit isumalluummik pisinnaatitsissummik pigisaqartumut kisermaassisussaataalluni atuinissamut

akuersissummik tunniussippata, Naalakkersuisut aamma isumalluummut pineqartumut atuinissamut akuersissummik allamut tunniussisinnaannginnerannik, kisermaassisussaatitaaneq pingaartumik malitseqartarpoq.

2.2. Siunnersuut

2.2.1 *Sermimik imermillu atuinissamut akuersissut kisermaassisussaatitaaffeqanngitsumik aamma kisermaassisussaatitaaffilimmik tunniunneqarsinnaavoq*

Siunnersuut malillugu sermimik imermillu niuernikkut atuinissamut akuersissut kisermaassisussaatitaaffilimmik imaluunniit kisermaassisussaatitaaffeqanngitsumik tunniunneqarsinnaavoq.

Inatsisartut inatsisaannut taassumalu ulluinnarni atorneqarneranut tunngatillugu misilittakkat takutippaat kisermaassisussaatitaalluni atuinissamut akuersissutinik tunniussineq, Kalaallit Nunaanni sermimit isumalluutinik aamma imermik isumalluutinik pitsaanerpaamik naapertuunnerpaamillu atuinissamut tamanna killiliisinnaasartoq. Tamatumunnga ilaatigut pissutaavoq, pisinnaatitsissummik pigisaqartut ilaasa sumiiffimmi akuersissummik peqarfimmini sermimit isumalluutinik aamma imermit isumalluutinik tamakkiisumik atuisannginnerat. Atuinissamut akuersissut kisermaassisussaatitaaffilimmik tunniunneqarsimatillugu, Naalakkersuisut isumalluutit pineqartut ilaasa sinneruttut atorneqarnissaannut akuersissummik allamut tunniussisinnaasannngillat. Tamatuma malitsigisaanik sermimit isumalluutit imaluunniit imermit isumalluutit sumiiffimmi akuersissuteqarfimmiittut ilaasa atorneqanngitsut, maangaannartinneqartarput, taamaalillunilu isumalluutit pineqartut pitsaanerpaamik naapertuunnerpaamik atorluarneqartaratic.

Taamaattumik Naalakkersuisut atuinissamut akuersissummik kisermaassisussaatitaatitsinngitsumik tunniussinissamut periarfissinneqarput. Tassani pisinnaatitsissummik pigisaqartut arlallit sermimit isumalluummut imaluunniit imermit isumalluummut ataatsimut niuernikkut atuinissamut akuersissummik tunineqarsinnaalernerannut periarfissaqalissaaq. Taamaalilluni siunnersuut, Kalaallit Nunaanni sermimit isumalluutit aamma imermit isumalluutit pitsaanerpaamik naapertuunnerpaamillu atorneqarnissaannut, aammalu sermimit isumalluutit aamma imermit isumalluutit periarfissaqarfiusut ilaasa sapinngisamik maangaannartinneqannginnissaannut iluaqutaassaaq.

Siunnersuummi aammattaaq sumiiffinni pineqartunut ilaasuni atuinerup ingerlanneqarnissaanut atuinissamut akuersissutip kisermaassisussaatitaaffilimmik tunniunneqarnissaannut periarfissiisoqarpoq. Atuinissamut akuersissut, sumiiffimmut aalajangersimasumut, sermimit isumalluummut imaluunniit imermit isumalluummut aalajangersimasumut imaluunniit sumiiffimmit aalajangersimasumit imaluunniit sermimit isumalluummit imaluunniit imermit isumalluummit aalajangersimasumit atuinerup

aalajangersimasumik annertussuseqarnissaanut, kisermaassisusfaatitaaffilimmik tunniunneqarsinnaavoq. Tamanna ilaannakortumik Inatsisartut inatsisaannit ingerlateqqinneqarpoq, taamaattoq nunami sumiiffimmut atuinissamut akuersissutit nalinginnaasumik kisermaassisusfaatitaaffilimmik tunniunneqartannginnerat annertuumik allannguutaalluni.

Suliami pineqartoq siunnersuummi § 12, imm. 2 malillugu kisermaassisusfaatitaalluni imaluunniit kisermaassisusfaatitaanani atuinissamut akuersissummik tunineqarnissaq pillugu Naalakkersuisunit qinnuteqarsinnaavoq. Qinnuteqaatip akuerinissaanik Naalakkersuisut pisussaaffeqanngillat. Atugassarititaasut allat qinnuteqaatigineqartunit allaaneruset tunngavigalugit atuinissamut akuersissut tunniunneqassasoq, Naalakkersuisut aalajangiisinnaapput. Naalakkersuisut taamaalillutik, tamatuma qinnuteqaammit allaanerunera apeqqutaatinnagu, kisermaassisusfaatitaaffilimmik imaluunniit kisermaassisusfaatitaaffeqanngitsumik atuinissamut akuersissut tunniunneqassasoq, aalajangiisinnaapput.

Akuersissut kisermaassisusfaatitaaffilimmik imaluunniit kisermaassisusfaatitaaffeqanngitsumik tunniunneqassanersoq Naalakkersuisut aalajangiisussanngorunik, Naalakkersuisut pisuni ataasiakkaani pissutsit attuumassuteqartut tamaasa ataasiakkaatigut nalilersussavaat. Pissutsit attuumassuteqartut taakkua Naalakkersuisut aalajangiinerannut pingaaruteqarsinnaasut, ilaatigut tassaasinnaapput pisinnaatitsissummik pigisaqartup qinnuteqaammini kissaatigalugit oqaatigisimasai. Pissutsit pisinnaatitsissummik pigisaqartup atuinissamut akuersissut malillugu ingerlatassatut pilersaarutaannut tunngassuteqartut, ilanngullugit sanaartukkani, attaveqarnermi assigisaanniluunniit annertuumik aningaasaliinissaq pilersaarutigineqarnermoq, aamma nalilersuinermi ilaatinneqassapput. Aningaasaliinissaq annertunerusoq assigisaaluunniit pilersaarutigineqarpat, tamatumani kisermaassisusfaatitaalluni atuinissamut akuersissummik tunniussinissaq pineqassaaq. Pissutsit sumiiffiup imaluunniit isumalluutip atuinissamut periarfissaqarfii nut tunngassuteqartut aamma Naalakkersuisut aalajangiinerannut pingaaruteqarsinnaapput. Taamaattoq Naalakkersuisut atuinissamut akuersissummik, sumiiffimmut imaluunniit sermimit isumalluummut imaluunniit imermit isumalluummut aalajangersimasumut, atuinissamut periarfissaqarfiusut pisinnaatitsissummik pigisaqartup pisariaqartitsineranit annertuumik annertuneruppata, kisermaassisusfaatitaaffilimmik tunniussisinnaanngillat.

§ 4, imm. 4-imi uniffiup aappaani aalajangersagaq malillugu, akuersissut malillugu atuneq piffissamut killiliussaqaq akuersissummi Naalakkersuisunit aalajangersarneqartoq tikitsinnagu aallartinneqarsimanngippat, atuinissamut akuersissut ingerlaannaq atorunnaassaaq. Piffissamut killiliussaqaq akuersissutip tunniunneqarnerata kingorna ukiunit 5-init

kingusinnerusinnaangilaq. Aalajangersakkap siunertaraa atuinissamut akuersissut malillugu pisinnaatitsissummik pigisaqartup nunaminertaq atornagu "tigaasimaanginnissaata" (nunaminertamik inniminniineq) imaluunniit atuinissap annertussusaani atuinani "tigaasimaanginnissaata" (annertussutsinik inniminniineq) qulakkeerneqarnissaa. Taamaalilluni atuinissamut akuersissut malillugu pisinnaatitsissummik pigisaqartoq piffissaq akuersissuteqarfiusoq tamaat atuinermi ingerlatassanik suliaqassaaq. Piffissap akuersissuteqarfiusup aallartinnerani sumiiffimmi akuersissuteqarfiusumi misissuinerik suliaqarnissaq aammalu illutanik, sanaartukkanik ikkussuinerillu ilaalu ilanngullugit pilersitsinissaq amerlanertigut pisariaqartinneqassaaq. Pisinnaatitsissummik pigisaqartoq taamaattumik ataatsimut isigalugu, pisinnaatitsissummik pigisaqartup akuersissut malillugu atuinernik aallartitsinissamik pisussaaffeqalinnginnerani, misissuinerit naleqquttut suliarinissaannut aammalu illutat, sanaartukkat ikkussuinerillu ilaalu ilanngullugit pilersinnissaannut naleqquttumik piffissaqartinneqassaaq.

Sumiiffimmi najukkami atuisunut pilersuinermit aamma atuinissamut akuersissummut atugassamik sermimik imaluunniit imermik atuinermut pisariaqartitsineq, sermip imaluunniit erngup annertussusaanit sumiiffimmi atorneqarsinnaasumit, annertunerusimappat, sermip imaluunniit erngup pissarsiarineqarsinnaasup annertussusaa siunnersuummi § 7, imm. 1-imi allassimasutut aammalu tassani pingaarnersiunermit tulleriinnilersuineq malillugu, agguarneqassaaq.

Siunnersuummi § 7, imm. 1-imi aalajangersagaq malillugu, sermip imaluunniit erngup annertussusaa atorneqarsinnaasoq aallaavigineqassaaq.

Sermip imaluunniit erngup annertussusaa atorneqarsinnaasoq siullermik aammalu pingaarnersiunermit salliutillugu najukkami atuisartunut pilersuinissamik pisariaqartitsinermut atorneqartussatut agguanneqassaaq. Taamaalilluni pisortat suliffeqarfii pilersuisut najukkami atuisartunut pilersuisussaataasut, sermimik imaluunniit imermik, suliffeqarfiup pilersuisussaataanerminik naammassinnissinnaanissaanut pisariaqartumik, sapinngisamik atuisinnaanissaa qulakkeerneqassaaq.

Suliffeqarfiit pilersuisut tamarmik immikkut pisariaqartitsinerat tamakkiisumik naammassineqareerpat, sermip imaluunniit erngup annertussusaa atorneqarsinnaasoq sinneqarpat, tamatuma kingorna aammalu pingaarnersiunermit tulliutillugit pisinnaatitsissummik pigisaqartut, tamatumunnga atuinissamut akuersissut malillugu sermimit isumalluummit imaluunniit imermit isumalluummit pineqartumit atuisinnaatitaasut, akornanni sermip imaluunniit erngup annertussusaani atorneqarsinnaasumi sinneruttoq agguarneqassaaq. Siunnersuummi § 7, imm. 2, tassungalu nassuiaatit innersuussutigineqarput.

Siunnersuummi §§ 4-7-imi aalajangersakkat aallaaviatigut imermik atuinissamut akuersissummut, ingerlatseqatigiiffimmut pisortani suliffeqarfimmit pilersuisumit imermik atorneqanngitsumik pisinissaq pillugu isumaqatigiissuteqarsimasumut, aamma atuupput. Takuuk siunnersuummi § 8.

2.2.2 Sermimik imermillu atuinissamut akuersissut, ingerlatseqatigiiffimmut siunnersuumut malillugu akuersissummi pineqartunik ingerlatanik suliaqartumut, imaluunniit ingerlatseqatigiiffimmut siunnersuut malillugu akuersissummi pineqartunik ingerlatanik aamma ingerlatanik allanik suliaqartumut, tunniunneqarsinnaavoq

Siunnersuut malillugu pisinnaatitsissummik pigisaqartoq aallaaviatigut siunnersuut malillugu akuersissummi ilaatinneqartunik ingerlatanik taamaallaat suliaqaqqusaavoq, takuuk § 9, imm. 1. Pisinnaatitsissummik pigisaqartoq taamaalilluni nalinginnaasumik ingerlatanik allanik ingerlatanit taaneqartunit allaanerusunik suliaqaqqusaanngilaq, ilanngullugit assersuutigalugu imeruersaatnik allanik, soorlu sodavandinik aamma immiaaqqanik tunisassiorneq aamma tuniniaaneq imaluunniit akunnittarfimmik, neriniartarfimmik, imerniartarfimmik imaluunniit sumiiffinnik allanik imeruersaatnik, imermik imigassamik puuiaasamiittumik aamma sermimik imeruersaatinit atugassamik sassaallerfiusartunik ingerlatsineq. Ingerlatseqatigiiffik siunnersuut malillugu akuersissummi pineqartunik ingerlatanik aamma ingerlatanik allanik suliaqarusuppat ingerlatseqatigiiffik assersuutigalugu ingerlatseqatigiiffimmik immikkoortortaqarfiusumik pilersitsisinnaavoq. Ingerlatseqatigiiffik immikkoortortaqarfiusoq taamaalilluni siunnersuut malillugu akuersissut malillugu pisinnaatitsissummik pigisaqartuulersinnaavoq aammalu akuersissut malillugu ingerlatanik suliaqalersinnaalluni. Ingerlatseqatigiiffiup qullersaqarfiusup ingerlatassat allat akuersissummi pineqartunut ilaanngitsut suliarisinnaavai. Taamaalilluni siunnersuut malillugu akuersissut malillugu ingerlatassat nalinginnaasumik suliaqarnermi aammalu aningaasaqarnikkut ingerlatanit allanit avissartismaneqassapput.

Taamaattoq ingerlatassat siunnersuut malillugu akuersissummi pineqartut aamma ingerlatassat allat avissaartinneqarnissaat suliaqarnikkut, ingerlatsinikkut aningaasaqarnikkullu ajoqutissartaqartumik malitseqartumik pisoqarsinnaavoq. Assersuutigalugu tassaasinnaavoq illuutit, tunisassiorfiit allallu atortut ilaalu ilanngullugu taakkua, siunnersuut malillugu akuersissummi pineqartunik ingerlataqarnerit aamma ingerlatat allat ingerlatseqatigiiffiup suliarisaasa, suliarineqarnerannut atorneqartussaasut. Assersuutissaasinnaavoq ingerlatseqatigiiffiup piffissani assigiinngitsuni tunisassiorfik taanna tunisassiornermut aamma puuiaasanik aamma nappartanik saviminernik immiaaqqanik, sodavandinik aamma imermik imigassamik kulsyrelimmik aamma kulsyreqanngitsumik immiinermut aammalu nioqutissiassanik aamma nioqutissianik naammasseriikkanik

toqqorsinermut atoraa. Assersuut alla tassaasinnaavoq ingerlatseqatigiiffik akunnittarfimmik neriniartarfittaqaartumik imerniartarfittaqaartumillu ingerlatsisoq, tunisassiornermut aamma puuiaasanik aamma nappartanik saviminernik imermik imigassamik kulysretalimmik aamma kulysyretaqqangitsumik immiinermut aammalu imermi imeruersaatini atugassamik sermimik tunisassiornermut aamma nioqqutissiassanik aamma nioqqutissanik naammasseriikkanik toqqorsinermut, minnerusumik tunisassiorfeqartoq.

Ingerlatseqatigiiffiit atuinissamut akuersissut malillugu ingerlatanik aamma ingerlatanik allanik suliaqarusuttut taamaaliornissamut periarfissaqartariaqaraluarput. Taamaattoq ingerlatseqatigiiffiit taamaattut, siunnersuummi § 25, imm. 3-ip atorneqarnerata malitsigisaanik, akileraarutitigut akitsuutitigullu iluaqutissartaasunik immikkut ittunik angusaqarnissamut periarfissaqassanngillat. Tamatumunnga pissutaasut ilagaat ingerlatanik allanik aamma tapersiinnissaq siunnersuummi § 25, imm. 3-imi siunertaanngimmat. Pissutaasoq alla tassaavoq ingerlatseqatigiiffiup pisinnaatitsissummik pigisaqartuusup, atuinissamut akuersissut malillugu ingerlatassanik aamma ingerlatassanik allanik suliaqartup, suliffeqarfinnut allanut, taamaallaat ingerlatassanik allanik ingerlatseqatigiiffiup pisinnaatitsissummik pigisaqartuusup siunnersuummi § 25, imm. 3 malillugu akileraarutitigut akitsuutitigullu iluaqutissartaasunik angusaqarfigisinnaasaannik suliaqartunut sanilliullugu tunngavissaqangitsumik unammilleqatigiinnikkut iluaqutissartaasunik angusaqarsinnaanissaa.

Taamaattumik siunnersuummi § 9, imm. 2-imi aalajangersagaq ingerlatassat avissaartinneqarnissaat pillugu piumasaqaammi ilaatinneqannginneranik imaqarpoq. Naalackersuisut §§ 4 imaluunniit 8 malillugu aktiaatileqatigiiffimmut imaluunniit piginneqatigiiffimmut siunnersuut malillugu akuersissummi pineqartunik ingerlatassanik aamma ingerlatassanik allanik suliaqartumut, atuinissamut akuersissummik tunniussisinnaanerannut, aalajangersagaq periarfissiivoq.

Taamaattoq tamatumunnga piumasaqaataavoq imm. 2-imi pineqartoq akuersissut malillugu pisinnaatitsissummik pigisaqartoq siunnersuummi § 25, imm. 3-imi pineqartumi akuersissummi ilaatinneqanngitsoq, atuinissamut akuersissut siunnersuummi § 9 atugassarititaasumik imaqassasoq. Takukkit siunnersuummi § 9, imm. 1 aamma 2, aamma § 25, imm. 3 aamma 4, aamma taakkununnga nassuiaatit.

2.2.3 Atuinissamut akuersissummik tunineqarnissamik qinnuteqaateqarneq aamma matu ammatillugu suleriaaseq

Siunnersuummi § 12, imm. 1-imi allassimavoq Naalackersuisut siunnersuummi § 4 imaluunniit § 8 malillugu siunnersuummi § 12, imm. 2-4-imi taaneqartut arlaat malillugu atuinissamut akuersissummik tunniussisinnaasut.

Naalakkersuisut tamatuminnga qinnuteqaateqarnermi atuinissamut akuersissummik tunniussisinnaapput, takuuk siunnersuummi § 12, imm. 2.

Naalakkersuisut aamma atuinissamut akuersissummik ataatsimik arlalinnilluunniit tunineqarnissaq pillugu nalinginnaasumik tamanut ammasumik qinnuteqaqqusereernerisa (neqeroortitsineq) kingorna atuinissamut akuersissummik tunniussisinnaapput, takuuk siunnersuummi § 12, imm. 3.

Naalakkersuisut aammattaaq piffissami aalajangersimasumi sumiiffik aalajangersimasoq siunnersuummi § 4 imaluunniit § 8 malillugu tamatuminnga qinnuteqarneq malillugu atuinissamut akuersissutinik ingerlaavartumik tunniussinissamut ammatinneqassasoq (matu ammatillugu suleriaaseq) pillugu aalajangersakkanik aalajangersaasinnaapput, takuuk siunnersuummi § 12, imm. 4.

Siunnersuummi § 12, imm. 2-4, aatsitassat pillugit ingerlatallu tamatumunnga pingaarutillit pillugit inatsisartut inatsisaanni (aatsitassanut ikummatissanullu inatsit) § 23-imut annertuumik assingupput.

2.2.4 Sermimik imermillu imigassatut atorpeqartussatut assigisaannullu naatsorsuutigineqartumik atuinermi pitsaassusissanut piumasaqaatit aamma pitsaassutsinik nakkutiginninneq

Siunnersuummi § 17, imm. 3 malillugu, Naalakkersuisut t sermimut imermullu atorpeqartumut, imigassatut atuinermut, nerisassiornermut, inuussutissanik piareersaanermut, allanut illup iluani siunertanut assigisaannulluunniit atorpeqartussamut imaluunniit atorpeqarsinnaasumut pitsaassutsimut tunngasut aamma peqqinnissamut tunngasut pillugit aalajangersakkanik aalajangersaasinnaapput.

Aalajangersagaq taamaalillutik Naalakkersuisut sermimi imaluunniit imermi atorpeqartumi akuutinneqartut killissaannut annerpaaffissat pillugit aalajangersakkanik erseqqinnerusunik aalajangersaanermikkut, sermip imaluunniit erngup atorpeqartup pitsaassusaa pillugu aalajangersakkanik aalajangersaasinnaanerannik periarfissiivoq. Taamaattoq aalajangersagaq sermimut imermullu atorpeqartumut, imerpeqartussatut atorpeqartussatut, nerisassiornermut, inuussutissanik piareersaanermut, illup iluani siunertanut allanut assigisaannullu atorpeqartussamut imaluunniit atorpeqarsinnaasumut, taamaallaat tunngassuteqarpoq. Tamanna ilaatigut tassaasinnaavoq sermeq imerlu atorpeqartut, pilersitsinermut, suliarinninnermut imaluunniit tunisassianik asiunaveersaanermut inuussutissalerinermik suliaqarnermut imaluunniit akuutissanut aalajangersimasunut atugassanik tunisassiornermut atorpeqartussat imaluunniit atorpeqarsinnaasut.

Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

Siunnersuummi § 17, imm. 4 malillugu, Naalakkersuisut sermimut imermullu atorneqartumut, imigassatut atuinermut, nerisassiornermut, inuussutissanik piareersaanermut, allanut illup iluani siunertanut assigisaannulluunniit atorneqartussamut imaluunniit atorneqarsinnaasumut pitsaassusissanut tunngasunik aamma peqqinnissamut tunngasunik nakkutiginninneq aamma pisinnaatitsissummik pigisaqartup nammineq nakkutiginninnera pillugit aalajangersakkanik erseqqinnerusunik aalajangersaasinnaapput.

Taamatuttaaq Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

Siunnersuummi § 22, imm. 2 malillugu, sermeq imerlu atorneqartut, imerneqartussatut atugassatut assigisaannulluunniit atorneqartussaq imaluunniit atorneqarsinnaasoq, pitsaassusissanut tunngasut imaluunniit peqqinnissamut tunngasut pillugit atugassarititaasunut aalajangersarneqartunut, takuuk siunnersuummi § 22, imm. 1, naammassinninngitsoq, uppersarneqarpat, Naalakkersuisut peqqusissuteqarsinnaapput. Peqqusissuteqarneq nalunaarutigineqartoq naammassineqanngippat, ingerlataq pineqartoq piaartumik imaluunniit piffissamut killiliussap aalajangersimasup iluani unitsinneqassasoq aammalu peqqusissuteqarneq naammassineqareerpat aatsaat ingerlateqqinneqarsinnaasoq, Naalakkersuisut peqqusissuteqarsinnaapput. Naalakkersuisut aammattaaq, sermeq aamma imeq niuernikkut atorneqartut nalunaaqutsersorneqassasut, arsaarinnissutigineqassasut imaluunniit piunerutsinneqassasut, aammalu pisinnaatitsissummik pigisaqartup sermeq aamma imeq atorneqartoq kaaviiartitsivimmit kingullermit (pisiniarfiit il.il.) utertinneqassasoq, imaluunniit pisinnaatitsissummik pigisaqartup sermimik imermillu atuineq imaluunniit tuniniaaneq unitsikkallassagaa, Naalakkersuisut peqqusissuteqarlutik nalunaaruteqarsinnaapput. Peqqusissuteqarluni taamatut nalunaaruteqarneq pisinnaatitsissummik pigisaqartup taarsiivigineqarsinnaatitaanerani imaluunniit Naalakkersuisunut piumasaqaateqarsinnaatitaanerani imaluunniit piginnaatitaaffeqalernerani, malitseqassanngilaq.

2.2.5 Namminersorlutik Oqartussanut akiliummik akiliuteqartarneq aamma akiliuteqartussaataasanninneq aamma suliassamik sularinninnermut allatullu oqartussat sularinninnerannut aningaasartuutinik akiliisarneq

Siunnersuummi Inatsisartut inatsisaanni § 26-imi aalajangersakkamik atuuttumik ingerlatitseqqiineruvoq itisiliinerullunilu.

Siunnersuummi § 25 malillugu, pisinnaatitsissummik pigisaqartoq Namminersorlutik Oqartussanut akiliummik akiliissasoq pillugu atugassarititaasut, siunnersuummi § 4

imaluunniit § 8 malillugu atuinissamut akuersissummi aalajangersarneqarsinnaapput.

Siunnersuummi § 25, imm. 1 malillugu, pisinnaatitsissummik pigisaqartoq ukiumoortumik akitsuummik sumiiffiup atuinissamut akuersissummi pineqartunut ilaasup annertussusaa tunngavigalugu naatsorsugaasumik akiliissasoq (nunaminertamut akiliut), pillugu atugassarititaasunik Naalakkersuisut aalajangersaasinnaapput. Naalakkersuisut pisinnaatitsissummik pigisaqartoq akitsuummik, sermip erngullu ilaalu ilanngullugit atorpeqartup annertussusaa imaluunniit nalinga tunngavigalugu naatsorsorneqartumik akiliissasoq (tunisassiornermut akiliut) pillugu atugassarititaasunik imaluunniit pisinnaatitsissummik pigisaqartoq ingerlatanit akuersissummi pineqartunut ilaasunit aningaasaqarnikkut pissarsiami ilaanit Namminersorlutik Oqartussanut akiliissasoq (pissarsianut akiliut) pillugu atugassarititaasunik, Naalakkersuisut aamma aalajangersaasinnaapput.

Pisinnaatitsissummik pigisaqartoq Namminersorlutik Oqartussanut akiliummik akiliissasoq pillugu atugassarititaasunik Naalakkersuisut aalajangersaappata, siunnersuummi § 25, imm. 2 atuutissaaq. Taamaattoqarnerani § 25, imm. 2 malillugu, pisinnaatitsissummik pigisaqartoq akuersissummik tunniussinermut piffissaq aallarnerfigalugu piffissami akiliummik akiliisussaatitaanngitsoq, Naalakkersuisut akuersisinnaapput.

Pisinnaatitsissummik pigisaqartoq siunnersuummi § 25, imm. 1 malillugu Namminersorlutik Oqartussanut akiliummik akiliissasoq pillugu atugassarititaasunik Naalakkersuisut aalajangersaappata, siunnersuummi § 25, imm. 3 atuutissaaq. Taamaattoqarnerani § 25, imm. 3 malillugu pisinnaatitsissummik pigisaqartoq akuersissummik tunniussinermut piffissaq aallarnerfigalugu piffissami ingerlatanut akuersissummi pineqartunut ilaasunut tunngatillugu, tamatumunnga inatsisit malillugit akitsuutinik akileraarutinillu akiliisussaatitaassanngitsoq, Naalakkersuisut aalajangiisinnaapput. Taamaattoq pisinnaatitsissummik pigisaqartoq siunnersuut malillugu akuersissummi pineqartunik ingerlatassanik aamma ingerlatassanik allanik suliaqarpat, §§ 4 imaluunniit 8 malillugu atuinissamut akuersissut malillugu pisinnaatitsissummik pigisaqartumut siunnersuummi § 25, imm. 3 atuutinngilaq, takuuk § 25, imm. 4. Takukkit immikkoortoq 2.2.2-imi matuma siulianiittumi nassuiaatit aamma siunnersuummi § 9, imm. 1 aamma 2, aamma § 25, imm. 3 aamma 4, aammalu taakkununnga nassuiaatit.

Siunnersuummi aamma Inatsisartut inatsisaat malillugu suliasamik suliarinninnermut allatullu oqartussat suliarinninnerannut atatillugu aningaasartuutit akilerneqartarnerat pillugu Inatsisartut inatsisaanni § 27-imi aalajangersakkat ingerlateqqinneqarput itisilerneqarlutillu. Siunnersuummi § 26 malillugu, pisinnaatitsissummik pigisaqartut allallu siunnersuummi pineqartunut ilaasut, siunnersuut malillugu suliasamik suliarinninnermut allatullu oqartussat

suliarinninnerannut atatillugu aningaasartuutunik akiliissapput. Akiliuteqarneq akiliutitut imaluunniit aningaasartuutunik utertitsinertut akilersinneqarsinnaavoq. Naalakkersuisut tamanna pillugu aalajangersakkanik erseqqinnerusunik aalajangersaasinnaapput.

3. Pisortanut aningaasaqarnikkut allaffissornikkullu sunniutaasussat

Siunnersuut pisortanut annertuunik aningaasaqarnikkut imaluunniit allaffissornikkut sunniuteqassasoq naatsorsuutigineqanngilaq.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut annertuunik aningaasaqarnikkut imaluunniit allaffissornikkut sunniuteqassasoq naatsorsuutigineqanngilaq.

Siunnersuutip atuutilernerani pisinnaatitsissummik pigisaqartut arlallit sermimit isumalluummik imaluunniit imermit isumalluummik ataatsimik atuinissamut, atuinissamut akuersissummik tunineqarnissamut periarfissaqalissapput. Siunnersuut ilaatigut aamma, sumiiffimmi ataatsimi sermimik imaluunniit imermik najukkami atuisartunut pilersuinissamut atugassatut atuinissamik aammalu atuinissamut akuersissutit malillugit atuinissamik pisariaqartitsineq, sermip imaluunniit erngup sumiiffimmi piiarneqarsinnaasup annertussusaanit annertunerusimappat, aalajangersakkanik, sermimit isumalluutip imaluunniit imermit isumalluutip naleqquttumik agguarneqarnissaanik qulakkeerinissamut iluaqutaasussanik imaqarpoq. Siunnersuummi § 7 tassungalu nassuiaatit innersuussutigineqarput.

Pisinnaatitsissummik pigisaqartoq siunnersuummi § 25, imm. 1 malillugu Namminersorlutik Oqartussanut akiliummik akiliissasoq pillugu atugassarititaasunik Naalakkersuisut aalajangersaaneranni, siunnersuummi § 25, imm. 2 aamma 3 atuutissapput.

Taamaattoqarnerani § 25, imm. 2 malillugu, pisinnaatitsissummik pigisaqartoq akuersissummik tunniussinermut piffissaq aallarnerfigalugu piffissami akiliummik akiliisussaatitaanngitsoq, Naalakkersuisut akuersisinnaapput. Taamaattoqarnerani § 25, imm. 3 malillugu, pisinnaatitsissummik pigisaqartoq akuersissummik tunniussinermut piffissaq aallarnerfigalugu piffissami ingerlatanut akuersissummi pineqartunut ilaasunut tunngatillugu, tamatumunnga inatsisit malillugit akitsuutunik akileraarutinillu akiliisussaatitaassanngitsoq, Naalakkersuisut aalajangiisinnaapput. Siunnersuummi § 25, imm. 2-imi aamma 3-imi aalajangersakkanni taamaalilluni, Naalakkersuisut aningaasaliisartunut atuinissamut akuersissummut piffissami akuersissuteqarfiusumi ukiumi siullermi aningaasaqarnikkut pilerinaateqarnerusunik atugassarititaasunik neqerooruteqarnikkut, Kalaallit Nunaanni aningaasaliivissanik pilerinaateqartunik siuarsaanissamut periarfissinneqarput, tamannalu taamatutaaq nunatsinni niuerfinnut pilersuinermut atuuppoq. Taamaattoq pisinnaatitsissummik pigisaqartoq siunnersuut malillugu akuersissummi pineqartunik ingerlatassanik aamma ingerlatassanik allanik suliaqarpat, §§ 4 imaluunniit 8 malillugu

atuinissamut akuersissut malillugu pisinnaatitsissummik pigisaqartumut siunnersuummi § 25, imm. 3 atuutinngilaq, takuuk § 25, imm. 4. Takukkit immikkoortoq 2.2.2-imi aamma 2.2.5-imi matuma siulianiittumi nassuiaatit aamma siunnersuummi § 9, imm. 1 aamma 2, aamma § 25, imm. 3 aamma 4, aammalu taakkununga nassuiaatit.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuttaasut peqqissusaannut sunniuteqassanngilaq.

6. Innuttaasunut sunniutaasussat

Siunnersuut innuttaasunut sunniuteqassasoq naatsorsuutigineqanngilaq.

7. Sunniutaasussat annertuut allat

Siunnersuut allanik annertuunik sunniuteqassasoq naatsorsuutigineqanngilaq.

8. Oqartussanut kattuffinnullu il.il. tusarniaaneq

Siunnersuut 2017-imi piffissami ulloq 20. decembarimiit ulloq 25. januar 2018 tikillugu Namminersorlutik Oqartussat tusarniaanermut nittartagaanni www.naalackersuisut.gl, tamanut saqqumitinneqarpoq.

Siunnersuut piffissami tassani oqartussanut, kattuffinnut ilaalu ilanngullugit makkunani tusarniaassutigineqarpoq:

Sulisitsisut

KANUKOKA

NUSUKA

Nukissiorfiit

Pinngortitaleriffik

Ilisimatusarfik

Naalackersuisut Siulittaasuata Naalackersuisoqarfia

Pinngortitamut Avatangiisinullu Naalackersuisoqarfik

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut

Naalackersuisoqarfik

Aalisarnermut Piniarnermullu Naalackersuisoqarfik

Aningaasaqarnermut Akileraartarnermullu Naalackersuisoqarfik

Ilinniartitaanermut, Kultureqarnermut, Ilisimatusarnermut Ilageeqarnermullu

Naalackersuisoqarfik

Peqqissutsimut Naalackersuisoqarfik

Namminiilivinnermut, Nunanut Allanut Nunalerinnermullu Naalackersuisoqarfik

Kommuninut, Nunaqarfinnut, Isorliunerusunut, Attaveqatigiinnermut Ineqarnermullu

Naalackersuisoqarfik

Aatsitassanut Naalackersuisoqarfik

Kommuneqarfik Sermersooq
Qeqqata Kommunia
Kommune Kujalleq
Qaasuitsup Kommunia

Inuussutissarsiornermut, Suliffeqarnermut Niuernermut, Nukissiuuteqarnermullu Naalackersuisoqarfiup oqartussanit, kattuffinnit makkunanga ilaalu ilanngullugit tusarniaanermut akissuteqaatit tiguai:

Sulisitsisut
Qeqqata Kommunia
KANUKOKA

Aningaasaqarnermut Akileraartarnermullu Naalackersuisoqarfik
Aalisarnermut Piniarnermullu Naalackersuisoqarfik
Peqqissutsimut Naalackersuisoqarfik
Aatsitassanut Naalackersuisoqarfik

Tulliuttuni tusarniaanermut akissuteqaatit, avataanut tusarniaanerup nalaani tiguneqartut, sammineqarput. Oqaatigineqassaaq tusarniaanermut akissuteqaatit uingasumik allallugit allanneqarmata, aammalu tusarniaanermut akissuteqaatit pingaaruteqarnerannik nalilersuineq tunngavigalugu pingaarnertigut issuarneqarlutik.

Peqqissutsimut Naalackersuisoqarfik aamma Qeqqata Kommunia siunnersuummut oqaaseqaatissaqarsimangillat.

Sulisitsisunit tusarniaanermut akissuteqaat:

Tusarniaaffigineqartoq allappoq: ”[Akitsuutit] aamma akiliutit (qanorluunniit taagoraluaraanni piviusumik aamma akitsuutaasut), siunnersuummit § 24-imi [maannakkut § 25] taaneqartut, suliaasaqarfimmi tassani aallarnisarnermi suliassanik ipititsisinnaanerat aarlerinaateqarpoq, immaqaluunniit suliassanut taakkununga aningaasaliinissamut aningaasaliisartuusinnaasut piunassuseerutsivissinnaallugit. Taamaattumik akitsuuteqartitsinninnissaq siunnersuummi § 24, imm. 2 [maannakkut § 25, imm. 5] naapertorlugu periarfissatut toqqarneqarsinnaasooq, ukiuni arlalinni aalajangersimasuni akitsuusiinnngilluinnarnermut aamma akiliuteqartitsinnngilluinnarnermut, allanngortinneqartariaqaralarpoq. Piffissami tassani taava paasinarsissaaq kalaallit Nunaannut suliassaqarfiup taassuma iluani iluanaaruteqartitsisoqarnersoq.”

Taaneqareersutut § 24, imm. 2-imi (maannakkut § 25, imm. 2) taaneqartutut aallarnisaanermi akitsuutinik aamma akiliutinik akiliisitsinani, aningaasaliisartut aallarnisaanerup nalaani akiliummut akiliinissamut periarfissaasa killeqarnerat, eqqarsaatigineqarpoq. Tamanna

anigaasaliisartuusinnaasut akiliummut nammakkorsorneqarnissaasa killilersimaarnissaannut periarfissatut naammattutut, isigineqarpoq. Inuussutissarsiortut aamma anigaasaliisuusinnaasut naaperiarniarlugit, akiliuteqartitsinnginnissamut piffissaq ukiut 5-it tikillugit aalajangersarneqaraluartoq, tamatumunnga taarsiullugu piffissamut sivitsorneqarsinnaasumut, allangortinneqarpoq. Taamaattoq pisuni ataasiakkaani, anigaasaliisartuq aalajangersimasoq imm. 1 naapertorlugu akiliummut akiliinissamut anigaasaateqarnissaa periarfissaqarsinnaavoq, taamaalillunilu Namminersorlutik Oqartussanut aammattaarlu inuiaqatigiinnut pitsaanerpaamik pissarsiaqartitsinissaq qulakkeerniarlugu, tamatuma akilersissinnaanissaa, inatsimmi tunngavissaqartussaavoq.

§ 8-mut ilassutigalugu imeq atorineqanngitsoq pillugu isumaqatigiissummik atsiuineq aammalu atuinissamut akuersissummik pissarsiniarneq ataatsikkoortinneqassappata tamanna naleqqutinngitsumik allaffissornerusinnaasoq tusarniaaffigineqartup nalunaarutigaa. Pisinnaatitsissummik pigisaqartoq § 8 malillugu atuinissamut akuersissummik qinnuteqarpat, tamanna § 8, imm. 1 naapertorlugu imermik atorineqanngitsumik pisinissaq pillugu isumaqatigiissuteqarneq tunngavigalugu pissaq. Taamaalilluni atuinissamut akuersissummik tunniussineq aammalu imermik atorineqanngitsumik pisinissaq pillugu isumaqatigiissuteqarneq, ataatsikkut pisanngillat, kisianni siullermik isumaqatigiissuteqartoqartarluni, tamatumalu kingorna atuinissamut akuersissummik qinnuteqartoqartarluni.

Tusarniaaffigineqartoq aammattaaq allappoq § 9, imm. 3-imi [maanna § 9, imm. 4] oqaaseq "annertuumik annertunerusoq" anigaasaliisartuusinnaasut eqqarsaatigalugit erseqqissarneqartariaqartoq.

Oqaaseq "annertuumik annertunerusoq" aalajangersakkamut ataasiakkaanut nassuiaatini maannakkut erseqqissarneqarpoq. Taamaalilluni oqaaseq "annertuumik annertunerusoq" nalinginnaasumik pisinnaatitsissummik pigisaqartup atuisinnaaneratul naatsorsuutigineqarsinnaasut 50 %-iannit annertunerussalluni.

Tusarniaaffigineqartoq aammattaaq allappoq: "[Akuersissummik] § 4 malillugu kisermaassisussaatitaaffiusumik "unioqqutitsineq", § 10-imi takutinneqartoq, itisilerneqassasoq."

Siunnersuummi § 10-imi, pisortat sumiiffinnut najugaqarfigineqartunut immaqalu siunissami sumiiffinnut najugaqarfigineqalersussanut pilersuisussaatitaaneratul qulakkeerniarlugu, Naalakkersuisut § 4 malillugu kisermaassisussaatitaalluni akuersissummul killiliisinnaanermul periarfissaqarneratul tunngavissinneqarpoq. Taanna pisortatul pilersuinermul suliffeqarfiinul, taamaalillunilu kinaassusersiunngitsumik tamanul iluaqutaasumik

tunngavilimmik, tunniunneqarsinnaasooq takutinniarlugu, ataasiakkaanut nassuiaatit iluarsineqarput.

Tusarniaaffigineqartoq aammattaaq allappoq, § 12, imm. 4 naapertorlugu qinnuteqaammik tunniussisinnaanissamut, matu ammatillugu suleriaaseqarneq pillugu nalunaarutip tamanut saqummersinneqarnerata kingorna ullut 90-it ingerlaqqaarnissaannut, suna pissutaanersoq.

Taamatut suleriaaseqarnermi neqerooruteqartumit neqeroorummik tunniussinissamut inaarutaasumik piffissamik killiliisoqanngilaq. Taamaattumik ingerlatseqatigiiffiit unammillersinnaassuseqartut sapinngisamik amerlanerpaat najoqutassanik misissuinissamut aamma neqerooruteqarnissamut pisariaqartumik piffissaqartinneqarnissaat qulakkeerniarlugu piffissaq ullunik 90-inik sivissuseqartoq ilanngunneqarpoq.

Tusarniaaffigineqartoq aamma allappoq, ilaatigut § 12-imi pissutsit pillugit Naalackersuisut aalajangersakkanik erseqinnerusunik aalajangersaanissamut periarfissinneqarmata, takuuk § 13, § 12, imm. 5 Naalackersuisut atuinissamut akuersissummik tunniussinnginnissaannut "nalinginnaasumik piginnaatitsissutaasimappat", tamanna inatsisit malillugit attanneqarsinnaanngitsoq.

Naalackersuisut neqeroortitsineq imaluunniit matu ammatillugu suleriaaseq malillugu akuersissummik tunniussinngippata, pisortat ingerlatsineranni tunngaviusut nalinginnaasut malinneqartussaapput. Ilaatigut tamanna isumaqarpoq, itigartitsineq naligiimmik pinninnissamut tunngaviusut tunngavigalugit pissasoq aammalu tunngavissaqanngitsumik ingerlanneqassanngitsoq. Makkua, kisiannili taakkuinnaanngitsut ajornartorsiutaasinnaapput, itigartitsinissamut tunngavilersuutaasut: Suiamut attuumassuteqarneq aamma soqutigisat aporaannerat, neqeroortitsinermit suleriaatsimi kukkuneq, missingersuutinut aaqqissugaanermullu tunngasut tamanna pisariaqalersippagu. Tamanna § 12, imm. 5-imi aalajangersakkamut ataasiakkaanut nassuiaatini ilanngunneqarpoq.

Tusarniaaffigineqartoq aamma allappoq § 26 pisariaqanngitsoq, tassami Naalackersuisut aningasaliisartoq ingerlatseqatigiiffimmut Namminersorlutik Oqartussanit pigineqartumut suleqateqalernissamut tatisimasussaannngimmassuk.

Tusarniaanermut akissuteqaat manna aamma Aningaasaqarnermut Akileraartarnermullu Naalackersuisoqarfimmit tusarniaanermut akissuteqaat tunngavigalugit aalajangersagaq peerneqarpoq.

Tusarniaaffigineqartoq aamma allappoq akuersissutip allamut tunniunneqartarnera pillugu § 27-imi Naalackersuisunit akuerineqartussaanerani pisinnaatitsissummik pigisaqartoq

”nikissinnaajunnaarsinneqartussaasoq”.

Naalackersuisut akuersissuteqarnissaat pillugu piumasaqaat, tunniussinerup ingerlanerani alloriarnertut pisariaqartutut isigineqartariaqarpoq. Tassami Naalackersuisut akuersissuteqarneranni ilaatigut pisussaaffiit pisinnaatitsissummik pigisaqartup pisussaaffigisaasa naammassineqarnissaannut tunngavissat, allamut tunniussinermi ajornerulersinneqannginnissaat imaluunniit tunngavissaarutsitsinnginnissaq, qulakkeerreqartussaavoq. Tamanna aalajangersakkamut ataasiakkaanut nassuiaatini allassimareerpoq.

Tusarniaaffigineqartoq aamma allappoq § 32 pisinnaatitaaffiit aalajangersimasuunngitsut, Kalaallit Nunaanni peqqussutikkut atuutsinneqartut, pillugit suliassaqarfimmiittoq.

Tusarniaanermut akissuteqaat tunngavigalugu § 32 maannakkut peerneqarpoq.

Aalisarnermut Piniarnermullu Naalackersuisoqarfimmit tusarniaanermut akissuteqaat:

Tusarniaaffigineqartoq allappoq: [E]rngup pisortat imermik pilersuinerannut pitsaassusissanut piumasaqaatit naammassisimasussaagai, tamatumalu saniatigut annertunerusunik piumasaqaateqartoqarsinnaasoq erseqqissumik allassimalerlugu, § 17, imm. 3-imi erseqqissarneqassasoq.”

Pisortat imermik pilersuinerannut pitsaassusissanut piumasaqaatit aalajangersakkamut ataasiakkaanut nassuiaatini toqqaannartumik innersuussutigineqarput, taamaalilluni taakkua nassuiaatini allassimasut allat peqatigalugit, imermut aamma sermimut pitsaassusissanut piumasaqaatinik aalajangersaanermut tunngavissaliisinnaallutik.

KANUKOKA-mit tusarniaanermut akissuteqaat:

Tusarniaaffigineqartoq allappoq, kommunini nakkutilliinissamut periarfissaqarneq § 22-imi aalajangersagaq inatsimmi tunngavissaliisoq, inatsisit allat malillugit tamanna pisussaappat, isumaqassanngitsoq, tassami nakkutilliineq ingerlaturanut pissutsinullu siunnersuummi pineqartunut ilaasunut tunngassuteqarmat.

Tusarniaanermut akissut tunngavigalugu § 22, imm. 2 peerneqarpoq.

Aningaasaqarnermut Akileraartarnermullu Naalackersuisoqarfimmit tusarniaanermut akissuteqaat tamakkiisoq:

Nassuiaatit nalinginnaasut

Anguniakkat arlaallit Sermimik Imermillu avammut nioqquteqarnermut periusissami allassimasut, inatsisissatut siunnersuummi annertuumik atuutsinneqalerput. Taamaattumik tamatuma kingorna oqaaseqaatit assigiinngitsut, Sermimik Imermillu avammut nioqquteqarnermut periusissamut piareersaataasumik tusarniaanermut aamma tusarniaanermut atatillugu Naalakkersuisoqarfiit marluk taakkua akornanni allaffigeqatigiinnerit eqqarsaatigalugit isigineqassapput aammalu siusinnerusukkut allakkiat innersuussutigineqarput.

Ataasiakkaanut nassuiaatit

§ 6: Aningaasaqarnermut Naalakkersuisoqarfiup maluginiarpa, suliaasaqarfimmi inatsisunik iluarsiinissamik kissaateqarnermut siunertaasut ilaat tassaasoq, aningaasaliisartunut inussiarnernerusumik malittarisassaqaqalernissaq. Paragraffimi tassani aalajangersakkami, Naalakkersuisut qinnuteqaatigineqanngitsumik pisinnaatitsissummik pigisaqartunut ataasiakkaanut tunisassiornerup annertussusaanik akuerisaasumik anikillisitsinissamut periarfissaqarnerat, Naalakkersuisoqarfiup naliliinera malillugu siunertatut allassimasup atuutsinnissaanut naleqqussorinangilaq. Taamaattumik Naalakkersuisoqarfiup siunnersuutigissavaa, pisinnaatitsissummik pigisaqartumut tunngatillugu atuinerup annertussusaa, qinnuteqaatigineqanngitsumik annikillisitsilluni taamaallaat allanngortinneqarsinnaasoq, erseqqissarneqassasoq, tassani piingaartumik atuinissamut akuersissummik tunniussereernerup kingorna tamanna avatangiisinut tunngasut pinngitsoortinneqarsinnaanngitsut avaqqunneqarsinnaanngitsullu pisariaqartilersimassappagu.

Tusarniaanermut akissuteqaat tunngavigalugu, qinnuteqaateqartoqarani atuinerup annertussusaata annikillisinneqarnissaa pillugu aalajangersagaq taaneqartoq peerneqarpoq, tassani taanna siunissami aningaasaliisartut inatsisitigut inissisimanerannik nalornilersitsisinnaammat.

§ 8: Imm. 4-imi pineqarpoq "[i]mermik pisinissamut isumaqatigiissut ... imermik pilersuinermut akiliut ... pillugu atugassarititaasunik imaqarsinnaavoq."
Naalakkersuisoqarfiup siunnersuutigissavaa oqaaseq "imermik pilersuinermut akiliut" taarserneqassasoq imaalerlugu "pisortat imermik pilersuineranni imermik pilersuinermut akigititaq." Tamatumani imermik Nukissiorfinnit ingerlatseqatigiiffimmut namminersortumut imermik avammut nioqquteqartartumut tunisineq tassani pineqartoq, erseqqissarniaannarlugu, akigititaq Nukissiorfiit najukkani atuisunut imaluunniit suliffeqarfinnut tunisinermi akigititanut attuumassuteqanngitsumik aammalu Nukissiorfiit aningaasaqarnikkut inissisimanerat tamarmiusoq pitsaanerulersittussanngorlugu, aalajangersarsinnaasariaqarpaat. Kingulliullugu taaneqartoq aningaasanut inatsimmi

oqaaertaliussani maleruagassiivigineqarpoq.

Oqaaseq ”akiliut” oqariaasiuvoq inatsimmi nalinginnaasumik atorneqartartoq aammalu inatsisip sinnerani taaguutit assigiit atorneqarnissaat eqqarsaatigalugu, taaguut ”akiliut” attatiinnarneqarpoq. Akiliut aamma aningaasartanit allaanerusunik sullissinernut allanut tunngassuteqarsinnaavoq aammalu suleqataasuusinnaasut marluk taakkua imermik atorneqanngitsumik pilersuinermit akiliutit qanoq ittut isumaqatigiissutigissaneraat, maleruagassiinissamut pisariaqartitsisoqartoq, Naalakkersuisoqarfiup takusinnaanngilaa.

§§ 15 aamma 16: Inatsisissatut siunnersuummi ”unitsitsinermut pilersaarummik” taagorneqartoq suliarineqassasooq piumasaaqatigineqarpoq. Tamatumani siunertaavoq, piiaanerup, saliinerup aamma pinngortitami iluarseeqqinnerup ingerlatat uninnerannut atatillugu ingerlanneqarnissaannut naammattunik aningaasassaqaarnissap qulakkeerneqarnissaa. Ilusiliinermut aatsitassanut suliaasaqaarfimmi taamaaqatai isumassarsiorfigineqarsimasut ersarippoq. Kisiannili ingerlatat taakkua matussusernissaannut aningaasassanik sioqqutsisumik toqqorsinissaq pillugu piumasaaqateqartoqanngilaa, assersuutigalugu akiliisinnaajunnaarneq assigisaaluunniit pissutigalugu unitsitsinermut atatillugu. Taamatut toqqorsinissamik piumasaaqateqarneq, inatsisip atuuffissaanni ingerlatanik naammassinninnissamut sanilliullugu killiliisutut isikkoqarsinnaasooq, naliliineq Aningaasaqarnermut Naalakkersuisoqarfiup paasilluarsinnaavaa. Kisiannili unitsitsinissamut pilersaarutip tamakkiisumik aningaasalersorneqarnissaa tikillugu sinneqartoorutinit imaluunniit kaaviiaartitanit aningaasanik ingerlaavartumik toqqorsisarnissaq pillugu aalajangersagaq isumaliutersuutigineqarsinnaagaluarpoq. Imm. 1-imi aammattaaq allassimavoq ”pisinnaatitsissummik pigisaqartoq unitsitsinissamut pilersaarutip akuerineqarnissaa pillugu qinnuteqaammik aamma unitsitsinissamut pilersaarummik Naalakkersuisunut tunniussiu[ssaaq]”, oqaatsit ”aamma unitsitsinissamut pilersaarummik” peerneqartariaqarput.

Siunnersuummi § 17, imm. 2-imi, Inatsisartut inatsisaat malillugu pisinnaatitsissummik pigisaqartup pisussaaffimminik naammassinninnissaa qulakkeerniarlugu atugassarititaasunik aalajangersaanissamut Naalakkersuisut periarfissinneqartut, aalajangersarneqarpoq, ilanngullugit qularnaveeqqusiissuteqarneq pillugu atugassarititaasut. § 15-imi aalajangersakkamut ataasiakkaanut nassuiaatini § 17, imm. 2-imi qularnaveeqqusiinissamut periarfissaqarneq toqqaannartumik innersuussutigineqarpoq. Tusarniaanermut akissuteqaat tunngavigalugu § 16, imm. 1-imi ”aamma unitsitsinissamut pilersaarummik” peerneqarpoq.

§ 24 [maannakkut § 25]: Aningaasaqarnermut Naalakkersuisoqarfiup iluarisimaarlugu paasivaa, aalajangersagaq inatsisit nalinginnaasumik tamatumunnga atuuttut malillugit

akileraarutinin akitsuutinillu nalinginnaasumik akiliisitsinninnissamat, tunngavissinngitsoq. Tamanna aalajangersimasumik isumaqarpoq, imm. 3 naapertorlugu suliffeqarfiup sermimik imermillu avammut nioqquteqarnissamat inatsit malillugu akuersissummik tunniussereernerup kingorna ukiuni tallimani siullerni akileraarutinin akitsuutinillu taaneqartunik akiliisussaatinnginnissaanut periarfissaqarneq eqqaassanngikkaanni, sermimik imermillu avammut nioqquteqarnermik suliaqartut inuussutissarsiortunit allanit allaanerusumik akileraarutinit tunngatillugu tunngaviusumik pineqarnissaat periarfissaqanngitsoq (aammalu kissaatiginarani). Taamaattumik "akiliutit" imm. 1-imi aamma 2-imi taaneqartut isumalluutinit akitsuutit – piumagaanni royalty-tut – akileraarusiisernerup saniatigut inuussutissarsiortunut pisussaaffiliunneqartartut, taamaallaat isikkoqarput. Aningaasaqarnermut Naalakkersuisoqarfiup siunnersuutigisavaa oqaaseq "akiliut" allanngortinneqassasoq imatut "royalty", taamaalilluni sullississutit pineqartup, akileraartarnermut inatsisinut atuuttunut sanilliullugu, ilassutaasutut isikkoqarnera, erseqqissarneqassalluni.

Tassunga atatillugu, minnerunngitsumik ukiorpassuit kingullit ingerlaneranni suliassaqarfimmi tassani pissarsiarineqartut annikitsuaraanerat eqqarsaatigalugu, suliassaqarfimmi tassani immikkut royalty-mik atuutsitsinissap taamaatiinnarneqarnissaa, tamatumalu kingunerisaanik § 24 imm. 1-ip aamma 2-ip [maannakkut § 25, imm. 1 aamma 2] peerneqarnissaat, naleqqutissasoq ilimanartoq, Aningaasaqarnermut Naalakkersuisoqarfiup naliliinini uteqqissavaa.

Taaguut "akiliut" oqariaasiuvoq inatsimmi nalinginnaasumik atorineqartartoq, aammalu inatsisip sinnerani taaguutit assigiit atorineqarnissaat eqqarsaatigalugu, taaguut "akiliut" attatiinnarneqarpoq. Taamaattoq pisuni ataasiakkaani aningaasaliisussap pineqartup akiliummik akiliinissamat aningaasaqarnikkut pisinnaasaqarnera periarfissaasinnaavoq, taamaalillunilu Namminersorlutik Oqartussat aammalu inuiaqatigiit pitsaanerpaanik pissarsiaqartinneqarnissaat qulakkeerniarlugu, tamatuma akilersinneqarsinnaanissaanut inatsimmi tunngavissaqartussaavoq.

Akuersissummik tunniussereernerup kingorna ukiuni tallimani siullerni akileraarusiinninnissamat periarfissaqarneq pillugu § 24 imm. 3-imi [maannakkut § 25, imm. 3] aalajangersakkamat atatillugu Aningaasaqarnermut Naalakkersuisoqarfiup oqaatigisavaa, ingerlatseqatigiiffiup aamma Akileraartarnermut Aqutsisoqarfiup ingerlatseqatigiiffimmut ukiuni tallimani akiliisitsinninnissaq naappat, ukiut 6-issaanni pisut qanoq iliuuseqarfigissanerai, siunnersuummi isummerfigineqarsimarpasinngitsoq. Ingerlatseqatigiiffiup assersuutigalugu piffissami akiliisitsiffiunngitsumi akileraarutitigut amigartoorutit saqqummiussinnaavai aammalu nalillit suut pigisani nalikilliliiffigineqarsinnaasuni ilanngunneqassappat? Pissutsit taakkua ingerlatseqatigiiffiup

akileraarutitigut inissisimaneranut annertoorujussuarmik pingaaruteqarsinnaapput aammalu kukkusumik iliuuseqarnermi, piffissaq akileraarusiiffiusussanngitsoq ingerlatseqatigiiffimmut aamma/imaluunniit inuiaqatigiinnut akisoorujussuarmik aaqqiissutaasussaasoq, paasinarsinnaalluni. Suliassaqarfimmi tassani inatsimmi tunngavissat pisariaqartut, oqaatigineqartut pissutaallutik, sakkortuujusariaqarput. Taamaattoqassappat, tamanna aningaasarsianik akileraarusiisarnermut inatsimmi pisariaqarpoq.

Tusarniaanermut akissuteqaat tunngavigalugu aningaasarsianik akileraarusiisarnermut inatsimmi naammattumik inatsimmi tunngavissamik ilanngussisoqarpoq, taannalu Aningaasaqarnermut Akileraartarnermullu Naalakkersuisoqarfiup suliaraa.

Tamatuma saniatigut akiliummik akiliisitsinninnissamut ukiut 5-iunerat peerneqarpoq. Taamaaliortoqarpoq inuussutissarsiortut aamma aningaasaliisuusinnaasut naaperiarniarlugit, akiliuteqartitsinninnissamut piffissaq ukiut 5-it tikillugit aalajangersarneqaraluartoq, tamatumunnga taarsiullugu piffissamut sivitsorneqarsinnaasumut, allangortinneqarpoq.

Aningaasaqarnermut Naalakkersuisoqarfiup aammattaaq naatsorsuutigaa, aallarnisaanerup nalaani ingerlatseqatigiiffimmut akileraarusiisussaanninnerup, ingerlatseqatigiiffimmut iluaqutaasarnera qaqutigoortoq. Ilaatigut aallarnisaanerup nalaani amerlanertigut amigartooruteqartoqartarpoq, ilaatigut "nalinginnaasumik" ingerlatseqatigiiffiup akileraaruserneqartalerneranut ikaarsaariarnermi ajornartorsiutit ajornakusoorsinnaallutik. Taamaattumik aallarnisaanerup nalaani ingerlatseqatigiiffiup akileraaruteqartinnginnissaanut periarfissanik ammaaneq, aningaasaliisartunut (aamma inuiaqatigiinnut) siunertanut iluaqutaassanersoq, isumaliutersuutigeqqissaarneqartariaqarpoq. Aningaasaqarnermut Naalakkersuisoqarfiup taamaattumik siunnersuutigaa § 24 imm. 3 [maannakkut § 25, imm. 3] peerneqassasoq. Aalajangersagaq attatiinnarneqassagaluarpat, Naalakkersuisoqarfiup siunnersuutigaa taanna erngup nukinganit isumalluutit nukissiornermut atorneqartarnerat pillugu inatsimmut nutaamut siunnersuummi 2017-imi novembarimi tusarniaassutigalugu nassiinneqartumi § 12 imm. 2-imut assingusumik aalajangersakkamik tapertaqartinneqassasoq.

Aningaasalersuineri nammagassaq nalinginnaasumik aallarnisaanerup nalaani annertunerpaasussaavoq, taamaalillunilu akileraarusiinnginnissaq ilanngunneqarpoq. Tamatumani aningaasaliisartuusinnaasut sermip aamma erngup atornissaanut periarfissaqarnerat pisariillisarniarneqarpoq aammalu Kalaallit Nunaanni siunissami aningaasaliinernut aningaasassaqaarnissamut aammalu kajumissuseqalersitsinissamut pingaaruteqarluinnarsinnaalluni. Suliassap pissusissamisoornerani akiliisussaatisinninnermit nalinginnaasumik akileraarusiisarnermut ikaarsaartoqartussaavoq, kisianni ikaarsarneq pisinnaatitsissummik pigisaqartunut nalunaarutigeqqissaarneqartarmat, tamanna

anigaasaliisartuusinnaasut ingerlatsinissamut pilersaarutaanni ilanngunneqarsinnaassaaq. Tusarniaanermut akissuteqaat tunngavigalugu § 24-imi (maannakkut § 25) immikkoortoq nutaaq ilanngunneqarpoq, Naalakkersuisut tamanna pillugu anigaasanut inatsimmi oqaasertaliussamik ilanngussinikkut akileraarutininik aamma akitsuutinik akiliisussaatisinnginnissamut piginnaatinneqarnissaannut inatsimmi tunngavissiisumik. Taamaattoq allassimasuni pisinnaatitsissummik pigisaqartoq, siunnersuut malillugu akuersissummi pineqartunik ingerlatassanik taamaallaat suliaqartoq pineqartunut ilaavoq. Pisinnaatitsissummik pigisaqartoq aamma ingerlatanik allanik suliaqarpat, pisinnaatitsissummik pigisaqartoq taamaalilluni tamakkiisumik ilaannaasumilluunniit akileraarutininik akitsuutinillu akiliisussaatinneqanngissinnaanngilaq, takuuk siunnersuummi § 25, imm. 3 aamma 4.

§ 26: Namminersorlutik Oqartussat ingerlatseqatigiiffimmi namminersortumi suleqataalernissaannut aammalu taakkua ingerlataanni sermimik imermillu avammut nioqquteqartarnermut inatsit malillugu akuersissummi pineqartunut ilaasuni peqataalernissaannut periarfissiisoqarnera aalajangersakkami pineqarpoq. Anigaasaqarnermut Naalakkersuisoqarfik isumaqarpoq Namminersorlutik Oqartussat inuussutissarsiornermi ingerlatanik suliasaminnik annertusititsisariaqanngikkaluartut. Siunissami siunertaavoq pisortat nunatsinni maani inuussutissarsiorlutut inissisimanissaasa annikillisarneqarnissaa. Aammalu qanoq pisoqaraluarpalluunniit pissutsit sammineqartut, imm. 1 naapertorlugu inatsimmi maleruagassat nalinginnaasut malillugit sammineq kajumissutsimik isumaqatigiissuteqartarnermik tunngaveqartut, naatsorsuutigineqarpoq. Taamaattumik § 26 peerneqartariaqaraluarpoq.

Tusarniaanermut akissuteqaat manna aamma Sulisitsisunit tusarniaanermut akissuteqaat matuma siulianiittoq tunngavigalugit aalajangersagaq peerneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Aalajangersagaq siunnersuutip atuuffissaannut killissalersuinernik imaqarpoq. Siunnersuut sermimik imermillu atuinnermut niuernikkut iluaquteqarnissaq, tassungalu atatillugu misissuinerit taakkuninngalu Kalaallit Nunaanni avammullu tuniniaanermi atorneqassaaq.

Imm. 2-mut

Aalajangersagaq Inatsisartut inatsisaanni § 1, imm. 2-imi aalajangersakkamik ingerlatitseqqiineruvoq erseqqissaanerullunilu.

Siunnersuut nunami akisussaaffeqarfimmi aamma Kalaallit Nunaata imartaani atuuppoq, takuuk Kalaallit Nunaata eqqaani imartap killilerneqarnera pillugu peqqussut nr. 191-imi, 27. maj 1963-imeersoq, peqqussutikkut nr. 636-kkut, 6. september 1991-imeersukkut aammalu kingullermik peqqussutikkut nr. 1004-kkut 15. oktober 2004-meersukkut allanngortinneqartoq. Kalaallit Nunaata imartaa 3 sømil tikillugu imartamiippoq aammalu imartap killeqarfiata nunamut sammisortaani imartat aammalu imartap avammut killeqarfia tikillugu imartaq tassani ilaalluni. Imartap akisussaaffeqarfiup avammut killeqarfia tassaavoq titarneq, arlaanniilluunniit killeqarfimmi sumiiffimmit qaninnerpaamit ungasissuseqartoq, imartap atitussusaanut naapertuuttumik.

Imm. 3-mut

Aalajangersagaq Inatsisartut inatsisaanni § 1-imi aalajangersakkamik ingerlatitseqqiineruvoq, imm. 3.

Aalajangersakkami allassimavoq, siunnersuummi Kalaallit Nunaanni atuinnermut pilersuinissaq siunertaralugu sermimik imermillu atuneq imaluunniit erngup nukinganut sermimit imermillu isumalluutinik atuneq pineqartunut ilaanngitsut. Tamatuma saniatigut siunnersuummi aamma taamatut ingerlataqarnermi misissuinerit aamma pineqartunut ilaatinneqanngillat. Ingerlatat taakkua taamaalilluni inatsisinut allanut atuuttunut naapertuuttumik maannakkutut maleruagassaqartinneqarput.

Taamaattoq siunnersuut pilersuinissaq imaluunniit erngup nukinganut erngup nukinganit isumalluutit tamatumunngalu atatillugu misissuinerit aammalu avammut nioqquteqarnissaq siunertaralugu sermimik imermillu atuinissaq pillugu ingerlataqarnissaq siunertaralugit, sermimik imermillu atuinissaq pillugu ingerlatassat imminnut attuumassuteqarnerannut, atuuppoq. Aalajangersagaq ilaatigut siunnersuummi § 8-imut ataqatigiissillugu

isigineqassaaq, taanna malillugu Naalakkersuisut ingerlatseqatigiiffimmut pisortat suliffeqarfiannit pilersuisumit imermik atorneqanngitsumik pisinissaq pillugu isumaqatigiissuteqarsimasumut aammalu isumaqatigiissummik naammassinnissimasumut sermimik imermillu niuernikkut iluaquteqarnissamutakuersissummik tunniussisinnaallutik.

§ 2-mut

Imm. 1-imut

Aalajangersagaq Inatsisartut inatsisaanni atuuttumi § 2, imm. 1-imi aalajangersakkamik ingerlatitseqqiineruvoq.

Aalajangersakkami allassimavoq, sermimik imermillu niuernikkut iluaquteqarneq, tamatumunngalu atatillugu misissuinerit, akuersissut siunnersuut malillugu tunniunneqarsimasoq malillugu taamaallaat ingerlateqqusaasoq.

Imm. 2-mut

Aalajangersagaq Inatsisartut inatsisaanni § 2, imm. 2-mi aalajangersakkamik ingerlatitseqqiineruvoq itisiliinerullunilu.

Aalajangersakkami allassimavoq, Namminersorlutik Oqartussat maannamut pisartutut, imernut aamma serminut tunngasut pillugit nalinginnaasumik aammalu nunap assiliornissamat tunngasunik ilisimatuussutsikkut suliaqarnikkullu misissuinerit suliaqarsinnaapput. Misissuinerit taamaattut assersuutigalugu Danmarks og Grønlands Geologiske Undersøgelse-mit (GEUS) aamma suliffeqarfinnit Namminersorlutik Oqartussanit pigineqartunit Asiaq-mit aamma Nukissiorfinnit suliarineqartarput. Misissuinerit taamaattut maannamut pisartutut, siunnersuut malillugu akuersissummik tunniussinissaq piunasaqaataanani, suliarineqarsinnaapput.

Aalajangersakkami aammattaaq allassimavoq, misissuinerit taamaattut naalagaaffimmit imaluunniit nunani allani oqartussanit sullissivinniillu, siunnersuut malillugu akuersissut Naalakkersuisunit tunniunneqarsimasoq malillugu, taamaallaat suliarineqarsinnaasut.

Imm. 3-imut

Sermimik imermillu Kalaallit Nunaanneersumik avammut nioqquteqarneq aatsaat Naalakkersuisunit akuersissummik tunineqareernerup kingorna pisinnaavoq.

§ 3-mut

Imm. 1-imut

Aalajangersagaq Inatsisartut inatsisaanni § 3, imm. 1-imi aalajangersakkamik ingerlatitseqqiineruvoq.

Aalajangersakkami allassimavoq, Naalakkersuisut sermimik imermillu niuernikkut iluaquteqarnissamut periarfissat pillugit misissueqqaarnernik suliaqarnissamut akuersissummik tunniussisinnaasut (misissueqqaarnissamut akuersissutit).

Misissueqqaarnerni nalinginnaasumik ilaatinneqarput aallarniutaasumik, alapernaarsuisumik misissuinerit annikitsut. Misissueqqaarnernut taamaattunut siunertaavoq, pisinnaatitsissummik pigisaqartup nunami sumiiffinni sumiiffiit assigiinngitsut naleqquttuunerannik aallarniutaasumik nalilersuinissamut tunngavissaqalernissaq. Taamaaliornikkut pisinnaatitsissummik pigisaqartoq kingusinnerusukku atuinissamut ingerlatanik suliaqarnissamut periarfissanik nalilersuisarpoq.

Misissueqqaarnissamut akuersissut nunani sumiiffimmi sumiiffimmut erseqqinnerusumik killissalorsorneqartumut tunniunneqartarpoq. Akuersissut pisinnaatitsissummik pigisaqartup sumiiffimmut pineqartumut kismaassisussaatitaalerneranik kinguneqartanngimmat, nunami sumiiffimmi sumiiffiup annertussusaa, akuersissummi pineqartunut ilaasoq, pingaaruteqannginnerusussaavoq. Taamaattumik sumiiffik akuersissuteqarfiusoq annertoorujussusinnaavoq. Sumiiffiup ilaanut kingusinnerusukku kismaassisussaatitaalluni atuinissamut akuersissummik tunniussisoqarpat, sumiiffik misissueqqaarnissamut akuersissummi pineqartunut ilaatinneqartoq annikillisinneqassaaq. Taamaattoqarpat sumiiffik atuiiffiusoq pineqartoq misissueqqaarnerup sumiiffiatut atorunnaarsinneqassaaq.

Misissueqqaarnissamut akuersissut atugassarititaasut erseqqinnerusumik allassimasut tunngavigalugit tunniunneqassaaq. Akuersissutinut taamaattunut atugassarititaasut nalinginnaasut suliarineqarput, tamanit pissarsiarineqarsinnaallutik. Taakku www.businessingreenland.gl-imi nassaarineqarsinnaapput.

Misissueqqaarnissamut akuersissut oqaatigineqareersutut kismaassisussaatitaaffeqanngitsumik pisinnaatitsissummik pigisaqartumut tunniunneqartarpoq. Misissueqqaarnissamut akuersissut taamaalilluni sumiiffimmut tassunga tamakkiisumik ilaannaasumilluunniit misissueqqaarnissamut akuersissutinik allanut tunniussinissamut akornusiinngilaq. Misissueqqaarnissamut akuersissummik tunniussinerup kingunerisaanik aamma pisinnaatitsissummik pigisaqartup kingusinnerusukku sumiiffiup pineqartup iluani siunnersuummi § 4 malillugu atuinissamut akuersissummik tunineqarsinnaatitaanerani imaluunniit salliusussaatitaanerani neriorsuuteqarnermik kinguneqassanngilaq.

Misissueqqaarnissamut akuersissut pisinnaatitsissummik pigisaqartup kisermaassisussaataitaneraniq imaqaqngimmat, akuersissutip taamaattup killissaasa iluanni misissuinerit qanoq annertutigisut naatsorsuutigineqarsinnaanersut, killeqarpoq. Taamaattumik pisinnaatitsissummik pigisaqartumut aalajangersimasunik misissuinerit suliaqarnernik ingerlatsinissamik pisussaaffiliussassanik nalinginnaasumik aalajangersaasoqassanngilaq.

Imm. 2-mut

Aalajangersagaq Inatsisartut inatsisaanni § 3, imm. 2-mi aalajangersakkamik ingerlatitseqqiineruvoq.

Aalajangersakkami allassimavoq, misissueqqaarnissamut akuersissut piffissamut ukiut 3-t angullugit tunniunneqarsinnaasoq. Piffissap naanerani qinnuteqaateqarneq malillugu misissueqqaarnissamut akuersissut nutaaq tunniunneqarsinnaavoq.

§ 4-mut

Imm. 1-imut

Aalajangersagaq Inatsisartut inatsisaanni § 4, imm. 1-imi uniffimmi siullermi aalajangersakkamik ingerlatitseqqiineruvoq.

Aalajangersagaq Naalackersuisut sermimik imermillu niuernikkut iluaquteqarnissamut akuersissummik (atuinissamut akuersissut) tunniussinissaannut inatsimmi tunngavissamik imaqarpoq.

Aalajangersagaq malillugu atuinissamut akuersissut sumiiffimmut erseqqinnerusumik killissalersugaasumut aammalu atugassarititaasut erseqqinnerusumik aalajangersagaasut tunngavigalugit, tunniunneqarsinnaavoq. Atuinissamut akuersissut sermimik atuinissamut akuersissutitut, imermik atuinissamut akuersissutitut imaluunniit sermimik imermillu ataqatigiisillugit akuersissutitut, tunniunneqarsinnaavoq. Atuinissamut akuersissutitut pingasut assigiinngitsut tamarmik sermimik imermillu niuernikkut iluaquteqarnissaq siunertaralugu tunniunneqassapput. Takuuk siunnersuummi § 4, imm. 3.

Qinnuteqaatip akuerinissaanik Naalackersuisut pisussaaffeqanngillat. Taamaalilluni qinnuteqartup akuersissummik taamaattumik tunineqarnissamut piunasaqaatit naammassisimagaluarai, qinnuteqartoq ataatsimut isigalugu atuinissamut akuersissummik tunineqarnissamik pisinnaatitaaffeqanngilaq. Siunnersuummi § 12, imm. 5, tassungalu nassuiaatit innersuussutigineqarput.

Atuinissamut akuersissummi, atuinissaq, illutanik, sanaartukkanik ikkussuinernillu ilaalu ilanngullugit pilersitsinissaq, tamatumunngalu atatillugu ingerlatassat tamaasa eqqarsaatigalugit, atugassarititaasut naleqquttut tamaasa Naalakkersuisut aalajangersarsinnaavaat. Pisuni ataasiakkaani tamaginni pissutsinik attuumassuteqartunik tamaginnik ataasiakkaatigut nalilersuineq tunngavigalugu aalajangerneqartassaaq. Qinnuteqartoq imaluunniit pisinnaatitsissummik pigisaqartoq taamaalilluni atuinissamut akuersissutini allani pisinnaatitsissummik pigisaqartunut allanut tunniunneqarsimasuni atugassarititaasut assingi tunngavigalugit atuinissamut akuersissummik tunineqarnissamut pisinnaatitaanngilaq.

Atuinissamut akuersissummik tunniussinermi aammalu tassani atugassarititaasunik aalajangersaanermi ilaalu ilanngullugit Naalakkersuisut pisortat ingerlatsinerannut inatsisini maleruagassanut aamma tunngaviusunut naapertuuttumik iliuuseqassapput, tassani ilaallutik kinaassusersiunnginnissaq, annertoqatigiimmik pinninnissaq aammalu assigiinngisitsinnginnissaq pillugit tunngaviusut.

Siunnersuut malillugu atuinissamut akuersissut kisermaassisussaataitaaffilimmik imaluunniit kisermaassisussaataitaaffeqanngitsumik tunniunneqarsinnaavoq. Ataatsimut isigalugu siunnersuummi § 5 tassungalu nassuiaatit innersuussutigineqarput.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami allassimavoq, sermip aamma erngup atuinissamut akuersissut malillugu atorneqaqqusaasup, annertussusissaa annerpaaq pillugu atugassarititaasut atuinissamut akuersissummi aalajangersarneqarsinnaasut (atuinerup annertussusaa).

Aalajangersakkami siunertaavoq, sermip aamma erngup atuinissamut akuersissut malillugu atorneqaqqusaasup annertussusissaa annerpaaq pillugu atugassarititaasut atuinissamut akuersissummi aalajangersarneqarsinnaanerannut (atuinerup annertussusaa) inatsimmi tunngavissaqarnissap qulakkeerneqarnissaa. Atuinerup annertussusaa sermip imaluunniit erngup ukiumut liiterinik imaluunniit kubikmeterinik aalajangersimasumik amerlassuseqarnissaatut aalajangersarneqarsinnaavoq.

Aalajangersagaq siunnersuummi § 5-imut ataqatigiissillugu isigineqassaaq, taannami malillugu atuinissamut akuersissut sumiiffimmut aalajangersimasumut imaluunniit sermimit isumalluummut imaluunniit imermit isumalluummut aalajangersimasumut kisermaassisussaataitaaffeqanngitsumik tunniunneqarsinnaammat. Siunnersuummi § 5, imm. 1-imi, Naalakkersuisut kisermaassisussaataitanani atuinissamut akuersissummik

tunniussinissaat periarfissinneqarpoq. Taamaalilluni pisoqalersinnaavoq, isumalluut pineqartoq tamatumunnga periarfissaqarfiuppat, pisinnaatitsissummik pigisaqartut arlallit avammut nioqquteqarnissaq siunertaralugu sermimit isumalluummit imaluunniit imermit isumalluummut ataatsimut atuinissamut akuersissummik tunineqarsinnaallutik. Aammattaaq ataatsimut isigalugu siunnersuummi § 5 aammalu tassunga nassuiaatit innersuussutigineqarput. Pisinnaatitsissummik pigisaqartut arlallit sermimit isumalluummut imaluunniit imermit isumalluummut ataatsimut atuinissamik periarfissinneqarsinnaanissaannut, ataatsimut isigalugu sermip aamma erngup atuinissamut akuersissutit malillugit atorneqaqqusaasup, annertussusissaa annerpaaq pillugu atugassarititaasunik aalajangersaanissaq pisariaqarpoq imaluunniit naapertuulluni. Taamaaliornikkut Kalaallit Nunaanni sermimit isumalluutit aamma imermit isumalluutit pitsaanerpaamik naapertuunnerpaamillu atorluarneqarnissaannut tapersiisoqassaaq.

Aalajangersagaq aammattaaq siunnersuummi §§ 6-imut aamma 7-imut ataqatigiissillugu isigineqassaaq. Siunnersuummi § 6 atuinerup annertussusaata siunnersuummi § 4, imm. 2 malillugu aalajangersarneqartup allanngortinneqarnissaa pillugu aalajangersakkanik imaqarpoq. Sumiiffimmi ataatsimi sermimik imaluunniit imermik najukkami atuisartut atugassaannik aammalu atuinissamut akuersissut malillugu atorneqartussamik pisariaqartitsineq sermip imaluunniit erngup sumiiffimmi atorneqarsinnaasup annertussusaanit annertunerusimappat, sermimit isumalluutit imaluunniit imermit isumalluutit qanoq agguarneqassanersut, pillugu aalajangersakkanik siunnersuummi § 7 imaqarpoq. Ataatsimut isigalugu aalajangersakkat taaneqartut aammalu taakkununnga nassuiaatit innersuussutigineqarput.

Tamatumunnga atatillugu atuneq aamma ingerlatat pillugit pissutsit erseqqinnerusut atuinissamut pilersaarummi Naalakkersuisunit akuerineqartussami aalajangersarneqassapput. Ataatsimut isigalugu siunnersuummi § 14 taakkunungalu nassuiaatit innersuussutigineqarput.

Imm. 3-mut

Aalajangersagaq Inatsisartut inatsisaanni § 4, imm. 2-mi uniffimmi siullermi aalajangersakkamik ingerlatitseqqiineruvoq.

Aalajangersagaq malillugu atuinissamut akuersissut sermimik atuinissamut akuersissutitut, imermik atuinissamut akuersissutitut imaluunniit sermimik imermillu atuinissamut ataqatigiissutut akuersissutitut, tunniunneqarsinnaavoq.

Imm. 4-mut

Aalajangersagaq Inatsisartut inatsisaanni § 4, imm. 2-mi uniffiit aappaanni

aalajangersakkamik ingerlatitseqqiineruvoq.

Aalajangersagaq malillugu, akuersissut malillugu atuneq piffissamut killiliussap akuersissummi Naalakkersuisunit aalajangersagaasup iluani aallartinneqarsimangippat, atuinissamut akuersissut ingerlaannaq atorunnaassaaq.

Imm. 5-imut

Piffissamut killiliussaq akuersissutip tunniunneqareernerata kingorna ukiunit 5-init kingusinnerusinnaangilaq.

Pisinnaatitsissummik pigisaqartup akuersissummik tunniussereernerup kingorna ukiut 5-it iluanni akuersissut malillugu atuneq aallartinngippagu, akuersissut ingerlaannaq atorunnaassaaq. Ukiunik 5-inik killiliineq piffissamut killiliussaavoq sivitsorneqarsinnaangitsoq.

Assersuutigalugu pisinnaatitsissummik pigisaqartup atuinissamut akuersissutip tunniunneqareernerata kingorna ukiut 3-it iluanni atuneq aallartissagaa pillugu atugassarititaasunik atuinissamut akuersissut imaqarpat, pisinnaatitsissummik pigisaqartoq ataatsimut isigalugu piffissamut killiliussap sivitsorneqarnissaanik qinnuteqarsinnaavoq. Piffissamut killiliussamik sivitsuinissaq pillugu taamatut qinnuteqarnerup akuerinissaanik Naalakkersuisut pisussaaffeqangillat. Taamaattoq atinerup aallartinnissaanut piffissamut killiliussap taaneqareersutut atuinissamut akuersissutip tunniunneqarneranit ukiut 5-it qaangersinnaangilai.

Imm. 6-imut

Inatsisartut inatsisaata matuma atuutsinnera sioqqullugu sermimik imermillu atuinissamut iluaquteqarniarluni aamma Kalaallit Nunaanni nioqquteqarniarluni suliffeqarfiit suliaqartuusut tamakku pillugit qinnuteqarteqqaarnagit Naalakkersuisunit akuersissuteqarfigineqartillugit.

Assersuutigalugu Kalaallit Nunaanni imermik tunisassiorlunilu nioqquteqarnermut Nuuk Imeq ukiorpasuarni atuisimavoq. Tunisassiornermik tassanga allangortitsinani Nuuk Imeq ingerlatsiinnarsinnaavoq, suliffeqartiit taamatut ittut Inatsisartut inatsisaata nutaap kingornatigut akuersissummik nalunaarfigineqartussaammata.

§ 5-imut

Imm. 1-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Siunnersuummi § 5, imm. 1 malillugu, Naalackersuisut sumiiffimmut aalajangersimasumut imaluunniit sermimit isumalluummut aamma/imaluunniit imermit isumalluummut aalajangersimasumut kisermaassisussaatitaalluni imaluunniit kisermaassisussaatitaanani atuinissamut akuersissummik tunniussisinnaapput. Tamanna nunami sumiiffimmut aamma imaani sumiiffimmut atuuppoq.

Aalajangersakkami pisinnaatitsissummik pigisaqartut arlallit, sermimit isumalluummut imaluunniit imermit isumalluummut ataatsimut, isumalluut pineqartoq tamatumunnga periarfissaqarfiuppat, sermimik imermillu niuernikkut iluaquteqarnissamut akuersissummik tunineqarsinnaanerannut periarfissaqarneq qulakkeerneqarpoq.

Suliami pineqartoq siunnersuummi § 12, imm. 2 malillugu Naalackersuisut kisermaassisussaatitaalluni imaluunniit kisermaassisussaatitaanani atuinissamut akuersissummik Naalackersuisunut qinnuteqarsinnaavoq. Naalackersuisut qinnuteqaatip akuerinissaanik pisussaaffeqanngillat. Atuinissamut akuersissut atugassarititaasut qinnuteqaatigineqartunit allaanerusut tunngavigalugit tunniunneqassasoq, Naalackersuisut aalajangiisinnaapput. Naalackersuisut taamaalillutik, qinnuteqaatigineqartumit tamatuma allaanerunera apeqqutaatinnagu, kisermaassisussaatitaalluni imaluunniit kisermaassisussaatitaanani atuinissamut akuersissummik tunniussisoqassasoq aalajangiisinnaapput.

Naalackersuisut atuinissamut akuersissut kisermaassisussaatitaaffilimmik imaluunniit kisermaassisussaatitaaffeqanngitsumik tunniunneqassanersoq aalajangiinerat, pisuni ataasiakkaani pissutsinik attuumassuteqartunik tamaginnik ataasiakkaatigut nalilersuineq tunngavigalugu aalajangiiffigineqassaaq. Pissutsit attuumassuteqartut, Naalackersuisut aalajangiinerannut pingaaruteqarsinnaasut, ilaatigut tassaasinnaapput pisinnaatitsissummik pigisaqartup qinnuteqaammi kissaatigalugit oqaatigisai. Tamatuma saniatigut sermimit isumalluutip imaluunniit imermit isumalluutip annertussusaa, pisinnaatitsissummik pigisaqartup atuinissamut pilersaarutaanut pisinnaasaqarneranullu sanilliullugu, aamma aalajangiineranut pingaaruteqarsinnaavoq. Ataatsimut isigalugu sermimit isumalluummut imaluunniit imermit isumalluummut sumiiffimmi annikitsumik isumalluuteqarfiusumut atuneq pisinnaatitsissummik pigisaqartup pisariaqartitaannit annertuumik annertunerusumik annertussuseqartussanngorlugu, Naalackersuisut kisermaassisussaatitaalluni atuinissamut akuersissummik tunniussinissaat naleqqutissanngilaq. Paarlattuanik pissutsit pisinnaatitsissummik pigisaqartup atuinissamut akuersissut malillugu ingerlatassanut pilersaarutigisaannut tunngasut, ilanngullugit Kalaallit Nunaanni sanaartukkani, attaveqarnermi assigisaanniluunniit annertuunik aningaasaliinissamik pilersaaruteqarnerasoq, kisermaassisussaatitaalluni atuinissamut akuersissummik tunniussinissaq

naleqqutsissinnaavaat.

Siunnersuummi § 12, imm. 3 aamma imm. 4 malillugit nalinginnaasumik neqeroortitsineq malillugu imaluunniit matu ammatinneqarluni suleriaaseq malillugu atuinissamut akuersissummik kisermaassisussaatitaaffilimmik imaluunniit kisermaassisussaatitaaffeqanngitsumik tunniunneqassanersoq, Naalakkersuisut aamma aalajangiisinnaapput.

Taamaaqataanik ingerlatseqatigiiffimmut pisortat suliffeqarfianit pilersuisumit imermik atorneqanngitsumik pisinissaq pillugu isumaqatigiissuteqarsimasumut aamma isumaqatigiissummik naammassinnittumut imermik niuernikkut iluaquteqarnissaq pillugu akuersissummik tunniussisarneq pillugu siunnersuummi § 8 malillugu, atuinissamut akuersissutit taakkua kisermaassisussaatitaaffeqanngitsumik aamma kisermaassisussaatitaaffilimmik tunniunneqarsinnaapput.

Naalakkersuisut siunnersuut malillugu atuinissamut akuersissutinik tunniussinermi ataatsimut isigalugu mianersuussisariaqarput, taamaalillutik suliame pineqartut tamarmik, sermimit isumalluummit imaluunniit imermit isumalluummit sermimik imaluunniit imermik aalajangersimasumik annertussusilimmik atuisinnaatitaasut, ataatsimut isigalugu aamma suliaqarnermi sermimik imaluunniit imermik taaneqartutut annertussusilimmik atuinissamut periarfissaqassallutik.

Tassani aamma aallaaviusoq, Naalakkersuisut imaani sumiiffimmut atuinissamut akuersissummik kisermaassisussaatitaaffeqanngitsumik aamma kisermaassisussaatitaaffilimmik tunniussinissamik periarfissaqartut.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq aammalu ataatsimut isigalugu siunnersuummi § 5, imm. 1-imut ataqatigiissillugu isigineqassalluni.

Aalajangersakkami erseqqissarneqarpoq, atuinissamut akuersissummi, kisermaassisussaatitaaffilimmik tunniunneqartumi, pissutsit makkua pineqartunut ilaasut:

- 1) Sumiiffimmut aalajangersimasumut kisermaassisussaatitaaneq.
- 2) Sermimit isumalluummit imaluunniit imermit isumalluummit aalajangersimasumut kisermaassisussaatitaaneq.
- 3) Sumiiffimmit aalajangersimasumit imaluunniit sermimit isumalluummit imaluunniit imermit isumalluummit aalajangersimasumit atuiunerup annertussusaanut aalajangersimasumut kisermaassisussaatitaaneq.

Tamatuma kingunerisaanik kisermaassisussaatailluni atuinissamut akuersissummi allassimassaaq kisermaassisussaataaneq qanoq iluseqartoq akuersissummi ilaatinneqarnerisooq. Atuinerup annertussusaata erseqqinnerusumik qanoq isumaqarneranut tunngatillugu siunnersuummi § 4, imm. 2, aammalu tassunga nassuiaatit innersuussutigineqarput.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq. Aalajangersagaq kisermaassisussaatailluni imaluunniit kisermaassisussaataani atuinissamut akuersissummik tunniussisarneq pillugu § 5, imm. 1-imut ataqatigiissillugu isigineqassaaq.

Siunnersuummi § 5, imm. 3-mi aalajangersagaq malillugu, atuinissamut akuersissut kisermaassisussaataani atuinissamut akuersissummit kisermaassisussaatailluni atuinissamut akuersissummut imaluunniit killormut, allangortinneqarnissaanik pisinnaatitsissummik pigisaqartoq qinnuteqarsinnaavoq. Atuinissamik akuersissutip allangortinnissaa pillugu qinnuteqaat taama ittoq atuinissamut akuersissutip taassuma allangortinnissaanik qinnutigineqartumut taamaallaat pisinnaatitsissummik pigisaqartumit nassiunneqarsinnaavoq. Pisinnaatitaaffiit pioreersut aamma kallarneqartussat allat eqqarsaatigalugit tamanna pillugu Naalakkersuisut aalajangiissapput.

Atuinissamut akuersissutip kisermaassisussaataani atuinissamut akuersissummit kisermaassisussaatailluni atuinissamut akuersissummut imaluunniit killormut allangortinneqarnissaa pillugu aalajangiineq, ilaatigut aammalu pingaartumik pisinnaatitsissummik pigisaqartumut tunngasut allannguuteqartut tunngavigalugit aalajangiiffigineqassaaq. Assersuutigalugu pisinnaatitsissummik pigisaqartumut tunngasut allannguuteqartut taamaattut, atuinissamut akuersissut malillugu ingerlatassanut pilersaarutinut nutaanut imaluunniit annertusineqartunut tunngassuteqarsinnaapput, ilanngullugit Kalaallit Nunaanni sanaartukkani, attaveqarnermi assigisaanniluunniit annertuunik aningaasaliinissaaq pillugu pilersaarutit nutaat imaluunniit annertusisat. Pissutsit allannguuteqartut taamaattut kisermaassisussaataani atuinissamut akuersissutip kisermaassisussaatailluni atuinissamut akuersissummut allangortinneqarnissaanut pissutissaqalersitsisinaapput.

Atuinissamut akuersissutip kisermaassisussaataani atuinissamut akuersissummit kisermaassisussaatailluni atuinissamut akuersissummut imaluunniit killormut allangortinneqarnissaa pillugu aalajangiineq, aamma ilaatigut pingaartumillu avatangiisinut tunngasut, silap pissusaanut tunngasut imaluunniit pissutsit allat allangornerat, pisinnaatitsissummik pigisaqartup isumalluummit imaluunniit sumiiffimmi

aalajangersimasumit atuinerup annertussusaanut kisermaassisussaatitaanissaminik qulakkeerinissaata pisariaqalerneranut pissutaasimasinnaasut, tunngavigalugu aalajangiiffigineqarsinnaavoq.

Aalajangersagaq malillugu atuinissamut akuersissut taamaallaat pisinnaatitaaffiit pioreersut aammalu kalluarneqartussat eqqarsaatigalugit allangortinneqarsinnaavoq. Tamatuma kingunerisaanik assersuutigalugu tamanna pisinnaatitsissummik pigisaqartut pisinnaatitaaffiit pioreersunut sunnuteqarnerlussappat, kisermaassisussaatitaanani atuinissamut akuersissut kisermaassisussaatitaalluni atuinissamut akuersissummut allangortinneqassasoq, Naalakkersuisut aallaaviatigut aalajangiisariaqanngikkaluarput. Pisinnaatitsissummik pigisaqartoq alla sermimit isumalluummut imaluunniit imermit isumalluummut pineqartumut atuinissamut akuersissummik peqarpat, aammalu pisinnaatitaaffik taanna Naalakkersuisut aalajangiinerisa malitsigisaanik ajornerulersinneqarsinnaappat imaluunniit ajornerulersinneqartussaappat, kisermaassisussaatitaanani atuinissamut akuersissut kisermaassisussaatitaalluni atuinissamut akuersissummut allangortinneqassasoq, Naalakkersuisut aallaaviatigut aalajangiisariaqanngikkaluarput.

Aammattaaq aalajangersagaq malillugu, akuersissutip pisinnaatitaaffinnik pioreersunik allanik sunniisussaanninnera apeqqutaatinnagu, kisermaassisussaatitaanani atuinissamut akuersissutip kisermaassisussaatitaalluni atuinissamut akuersissummut allangortinneqarnissaanik qinnuteqaatip akuerinissaanut Naalakkersuisut pisussaaffeqanngillat. Taamaalilluni qinnuteqartoq atuinissamut akuersissutip allangortinneqarnissaanut ataatsimut isigalugu pisinnaatitaaffeqanngilaq.

Imm. 4-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu kisermaassisussaatitaanani atuinissamut akuersissutip kisermaassisussaatitaalluni atuinissamut akuersissummut imaluunniit killormut allangortinneqarnera atuinissamut akuersissummut tapiliussatut tunniunneqassaaq.

§ 6-imut

Imm. 1-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq atorneqartussat annertussusaannik aalajangersaaneq pillugu siunnersuummi § 4, imm. 2-mut ataqatigiissillugu isigineqassaaq.

Siunnersuummi § 4, imm. 2-mi aalajangersakkami allassimavoq, sermip aamma erngup annertussusaa annerpaaq, atuinissamut akuersissut malillugu atorneqaqqusaasoq, pillugu atugassarititaasut atuinissamut akuersissuummi aalajangersarneqassasut (atuinerup annertussusaa).

Siunnersuummi § 6, imm. 1-imi aalajangersagaq malillugu, atuinissamut akuersissut malillugu atuinerup annertussusaata allangortinneqarnissaanik pisinnaatitsissummik pigisaqartoq qinnuteqarsinnaavoq. Atuinissamik akuersissutip allangortinnissaa pillugu qinnuteqaat taama ittoq atuinissamut akuersissutip taassuma allangortinnissaanik qinnutigineqartumut taamaallaat pisinnaatitsissummik pigisaqartumit nassiunneqarsinnaavoq. Naalakkersuisut tamatumunnga aalajangiissapput. Qinnuteqartoq atuinissamut akuersissut malillugu atuinerup annertussusaata allangortinneqarnissaanut ataatsimut isigalugu pisinnaatitaaffeqanngilaq.

Atuinissamut akuersissut malillugu atuinerup annertussusaata allangortinneqarnissaanut qinnuteqartoq pisinnaatitaaffeqanngilaq.

Atuinissamut akuersissut malillugu atuinerup annertussusaata allangortinneqarnissaa pillugu, siunnersuummi § 6, imm. 3-mi pissutsit taaneqartut tunngavigalugit Naalakkersuisut aalajangiissapput. Aalajangersagaq taaneqartoq tassungalu nassuiaatit innersuussutigineqarput.

Siunnersuummi § 6, imm. 1 malillugu atuinerup annertussusaata allangortinnissaa pillugu aalajangiinermut atatillugu atugassarititaasunik Naalakkersuisut aalajangersaasinnaapput, ilanngullugu ilaatigut pisinnaatitsissummik pigisaqartup piumasaqaatit erseqqinnerusumik taaneqartut naammassimappagit aatsaat atuinerup annertussusaa allangortinneqarsinnaasoq.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq. Aalajangersagaq atuinissamut akuersissut malillugu atorneqartussat annertussusaannik aalajangersaasarneq pillugu siunnersuummi § 4, imm. 2-mut aammalu atorneqartussat annertussusaasa aalajangersagaasup allangortinneqartarnera pillugu siunnersuummi § 6, imm. 1-imut ataqatigiissillugu isigineqassaaq.

Siunnersuummi § 6, imm. 2-mi aalajangersakkami, pissutsit ilai siunnersuummi § 6, imm. 1 malillugit atuinissamut akuersissut malillugu atuinerup annertussusaata allangortinneqarnissaa pillugu aalajangiinermut immikkut tunngavissaliisussat, allassimapput.

Atuinissamut akuersissut malillugu atuinerup annertussusaata allanngortinneqarnissaa pillugu aalajangiineq, pingaartumik sermip aamma erngup piffissami akuersissuteqarfiusumi ukiumi ataatsimi pingaartumillu ukiumi kingullermi atorneqartup annertussusaa, aammalu pisinnaatitsissummik pigisaqartup tamatuminnga nalunaarutiginninnera, takuuk siunnersuummi § 6, imm. 2, nr. 1, tunngavigalugit aalajangiiffigineqassaaq. Aalajangersakkap tassunga tunngasortaa, pisinnaatitsissummik pigisaqartup piffissami akuersissuteqarfiusumi ukiup siuliani atuinermut tunngassuteqarpoq. Pisinnaatitsissummik pigisaqartoq, assersuutigalugu sermip ergullu piffissami akuersissuteqarfiusumi ukiup siuliani atuinissamut akuersissut malillugu pisinnaatitsissummik pigisaqartup atuinissamik pisinnaatitaaffigisaata taamaallaat affaanik (50 %) atuisimappat, tamanna atuinerup annertussusaata atuinerup annertussusaanut annikinnerusussamut allanngortinneqarnissaa tunngavissaasinnaavoq. Assersuutigalugu pisinnaatitsissummik pigisaqartoq, sermip aamma erngup piffissami akuersissuteqarfiusumi ukiumi siullermi atuinissamut akuersissut malillugu pisinnaatitsissummik pigisaqartup atugassatut pisinnaatitaaffigisaata taamaallaat affaanik (50 %) atuisimappat, kisianni pisinnaatitsissummik pigisaqartoq ukiumi kingullermi atuinerup annertussusissaa tamakkerlugu imaluunniit annertunerpaartaanik atuisimalluni, tamanna atuinerup annertussusaata atuinerup annertussusaanut minnerusumut allanngortinneqannginnissaanut tunngavissiisimasinnaavoq. Tamatumani pissutaavoq, pingaartumik pisinnaatitsissummik pigisaqartup ukiumi kingullermi atuinerata pingaartinneqartussaanera.

Atuinissamut akuersissut malillugu atuinerup annertussusaata allanngortinneqarnissaa pillugu aalajangiineq, aammattaq pingaartumik sermip aamma erngup pisinnaatitsissummik pigisaqartup piffissap akuersissuteqarfiusup sinnerani atugassaatut ilimanaateqartup annertussusaa, aammalu pisinnaatitsissummik pigisaqartup tamatumunnga atuinissamut pilersaarutaat akuerisaasoq, takuuk siunnersuummi § 6, imm. 2, nr. 2, tunngavigalugit aalajangiiffigineqassaaq. Taamaalilluni pisinnaatitsissummik pigisaqartup piffissami akuersissuteqarfiusumi ukiup siuliani atuinera pillugu paasissutissat tunngavigalugit, atuinerup annertussusaata allanngortinneqarnissaa pillugu aalajangiinissaq naammanngilaq. Atuinerup annertussusaata allanngortinneqarnissaa pillugu aalajangiinissamut tunngaviusut tamarmiusut ilaattut aamma pisinnaatitsissummik pigisaqartup piffissap akuersissuteqarfiusup sinnerani sermimik imermillu atuinissaa ilimanaateqartoq imaluunniit periarfissaasoq aammalu atuinermi ingerlatassat ilaalu ilanngullugit pisinnaatitsissummik pigisaqartup atuinissamut pilersaarutaa akuerisaasoq malillugu pisinnaatitsissummik pigisaqartup suliarisassatut pilersaaruteqarnera, ilaatinneqassalluni. Assersuutigalugu pisinnaatitsissummik pigisaqartup sermip aamma erngup piffissami akuersissuteqarfiusumi ukiup siuliani atuinissamut akuersissut malillugu pisinnaatitsissummik pigisaqartup atuinissaminut pisinnaatitaaffigisaata taamaallaat affaa (50 %) atorsimappagu, oqaatigineqartutut atuinerup

annertussusaata atuinerup annertussusaanut annikinnerusumut allangortinneqarnissaanut tamanna tunngavissaliissaaq. Aappaatigut imaassinnaavoq pisinnaatitsissummik pigisaqartup siunissami atuinerup annertussusissaa tamakkerlugu imaluunniit annertunerpaartaata atornissaa pilersaarutigigaa. Tamanna atuinerup annertussusaata annikinnerusumut allangortinneqanginnissaanut tunngavissiisinnaavoq.

Assersuutit taaneqartut atuinerup annertussusaata atuinerup annertussusaanut annikinnerusumut allangortinneqarnissaanut tunngassuteqarput. Aamma tamatumunnga tunngavissaqarpat, atuinerup annertussusaata atuinerup annertussusaanut annertunerusumut allangortinneqarnissaa periarfissaavoq.

Atuinissamut akuersissut malillugu atuinerup annertussusaata allangortinneqarnissaa pillugu aalajangiineq, pingaartumik pissutsit taaneqartut tunngavigalugit aalajangiiffigineqassaaq. Pissutsit taaneqartut taakkua taamaalilluni ataatsimut isigalugu atuinissamut akuersissut malillugu atuinerup annertussusaata allangortinneqarnissaa pillugu aalajangiinermut tunngavissani ilaatinneqassapput. Taamaattoq Naalakkersuisut atuinissamut akuersissut malillugu atuinerup annertussusaata allangortinneqarnissaa pillugu aalajangiinermi, aamma Naalakkersuisut pissutsit attuumassuteqartut, aalajangersakkami toqqaannartumik allassimangitsut, ilaatissinnaavaat.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami allassimavoq, atuinerup annertussusaata allangortinneqarnera atuinissamut akuersissummut tapiliussami aalajangersarneqassasoq.

§ 7-imut

Imm. 1-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq, sumiiffimmi ataatsimi najukkami atuisartunut pilersuinerumut atugassamik sermimik imermillu atuinissamut pisariaqartitsineq tamarmiusoq, peqatigisaanillu atuinissamut akuersissutit malillugit atuneq sermip aamma erngup sumiiffimmi atornerarsinnaasup annertussusaanit, annertunerullutik pisoqarneranut, tunngassuteqarpoq. Aalajangersagaq siunnersuummi § 5-imut ataqatigiissillugu isigineqassaaq, taannami malillugu atuinissamut akuersissut kisermaassisussaatitaatitsinngitsumik tunniunneqarsinnaammat.

Sumiiffimmi ataatsimi najukkami atuisartunut pilersuinnermut atugassamik sermimik imaluunniit imermik atuinissamut pisariaqartitsineq aammalu atuinissamut akuersissutit malillugit atuineq, sermip imaluunniit erngup sumiiffimmi atorneqarsinnaasup, annertussusaanit annertunerusimappat, sermip imaluunniit erngup atorneqarsinnaasup annertussusaa siunnersuummi § 7, imm. 1-imi allassimasutut aammalu pingaarnersuinnermi tulleriinnilersuineq tassani allassimasoq malillugu, agguarneqassaaq.

Siunnersuummi § 7, imm. 1-imi aalajangersagaq malillugu, sermip imaluunniit erngup annertussusaa atorneqarsinnaasooq aallaavigineqarpoq. Sermip imaluunniit erngup annertussusaa atorneqarsinnaasooq paasineqassaaq tassaasooq sermeq imaluunniit imeq suliaqarnermi sermimit isumalluummit imaluunniit imermit isumalluummit pineqartumit atorneqarsinnaasooq, aammalu tassaangitsoq sermip imaluunniit erngup annertussusaa sermimit isumalluutip imaluunniit imermit isumalluutip pineqartup imarisaa.

Sermip imaluunniit erngup annertussusaa atorneqarsinnaasooq, Kalaallit Nunaanni najukkami atuisartunut pilersuinnermi pisariaqartitsinnermut atorneqartussatut, pingaarnersuinnermi sallahsaatillugu, agguarneqassaaq. Sermip imaluunniit erngup annertussusaa atorneqarsinnaasooq sinneruttoq tamatuma kingorna pingaarnersuinnermi tullertut pisinnaatitsissummik pigisaqartut, tamatumunnga atuinissamut akuersissut malillugu sermimit isumalluummit imaluunniit imermit isumalluummit pineqartumit atuisinnaatitaasut, akornanni agguarneqassaaq.

Suliffeqarfiup pilersuisup pisariaqartitsinera tamakkiisumik naammassineqarsinnaangippat (100%), pisinnaatitsissummik pigisaqartut sermip imaluunniit erngup annertussusaanit atorneqarsinnaasumit tunniussivigineqassangillat.

Sermip imaluunniit erngup annertussusaa atorneqarsinnaasooq piffissap ingerlanerani annikilleqqissimappat imaluunniit annertuseqqissimappat, siunnersuummi § 7, imm. 1 aamma 2 malillugit sermip imaluunniit erngup annertussusaa atorneqarsinnaasooq nutaamik agguarneqassaaq. Taamaattoq sermip imaluunniit erngup annertussusaa atorneqarsinnaasooq annikitsuaraannarmik annikillisimalluni imaluunniit annertusisimalluni pisoqarnerani, nutaamik agguaanissaq ataatsimut isigalugu naleqqutissanngilaq.

Naalackersuisut siunnersuut malillugu atuinissamut akuersissutinik tunniussinermi ataatsimut isigalugu mianersuussisariaqarput, taamaalillutik suliameq pineqartut tamarmik, sermimit isumalluummit imaluunniit imermit isumalluummit sermimik imaluunniit imermik aalajangersimasumik annertussusilimmik atuisinnaatitaasut, suliaqarnermi aamma sermimik imaluunniit imermik taaneqartutut annertussusilimmik atuinissamut periarfissaqassallutik. Taamaattoq avatangiisinut tunngasut, silap pissusaanut tunngasut imaluunniit allanut

tungasut pissutaallutik, atuinissamut akuersissutini ataasiakkaani tunniussinermit naatsorsuutigineqartut sermimit isumalluummit imaluunniit imermit isumalluummit atuinissaq suliaqarnermi ajornarsinnaavoq imaluunniit naleqqutinngissinnaalluni.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq. Aalajangersagaq siunnersuummi § 7, imm. 1-imut ataqatigiissillugu isigineqassaaq. Ataatsimut isigalugu aalajangersagaq taaneqartoq tassungalu nassuiaatit innersuussutigineqarput.

Aalajangersagaq atuinissamut akuersissutit atuinerup annertussusaa pillugu atugassarititaasunik ilaqartut malillugit pisinnaatitsissummik pigisaqartut marluk imaluunniit arlallit akornanni sermip imaluunniit erngup atorneqarsinnaasup annertussusaata agguarneqartarneranut tunggassuteqarpoq.

Aalajangersagaq malillugu sumiiffimmi ataatsimi sermip imaluunniit erngup atorneqarsinnaasup annertussusaa, akuersissutit malillugit atuinerup annertussusaa pillugu atugassarititaasunik ilaqartut atuinissamut akuersissutit malillugit, takuuk siunnersuummi § 4, imm. 2, pisinnaatitsissummik pigisaqartut akornanni akuersissutit malillugit atuinerup annertussusaasa akornanni annertussusaannut tungasut tungavigalugit naapertuuttumik agguarneqassapput.

Assersuutigalugu pisinnaatitsissummik pigisaqartut marluk sermip imaluunniit erngup atorneqarsinnaasup annertussusaa avittussaappasuk, aammalu tamatumunnga akuersissut malillugu pisinnaatitsissummik pigisaqartup aappaa ukiumut imermik 1.000.000 literimik atuisinnaatitaappat, pisinnaatitsissummillu pigisaqartup aappaa ukiumut imermik 500.000 literimik atuisinnaatitaalluni, pisinnaatitsissummik pigisaqartoq siulliullugu taaneqartoq taamaalilluni sermip imaluunniit erngup annertussusaata atorneqarsinnaasup 2/3-anik (66,66 %) aammalu pisinnaatitsissummik pigisaqartoq kingulliullugu taaneqartoq 1/3-anik (33,33 %) tunineqassapput.

Sermip imaluunniit erngup annertussusaa atorneqarsinnaasoq, Inatsisartut inatsisaat atuuttoq imaluunniit siunnersuut malillugu atuinerup annertussusaa pillugu atugassarititaasunik aalajangersaaviunngitsumik atuinissamut akuersissut malillugu pisinnaatitsissummik pigisaqartup aammalu siunnersuut malillugu atuinerup annertussusaa aalajangersagaasoq pillugu atugassarititaasunik aalajangersaaviusumik atuinissamut malillugu akuersissut kingusinnerusukkut pisinnaatitsissummik pigisaqartuulersup, akornanni agguarneqassappat, sermip imaluunniit erngup annertussusaa atorneqarsinnaasoq taakkua akornanni assigiimmik annertussuseqartillugu agguarneqassaaq, takuuk siunnersuummi § 7, imm. 1. Atuinerup

annertussusissaa pillugu atugassarititaasunik aalajangersaaviunngitsumik atuinissamut akuersissut malillugu pisinnaatitsissummik pigisaqartumut tunngatillugu, sermip imaluunniit erngup annertussusaa atorneqarsinnaasoq, pisinnaatitsissummik pigisaqartup atuinissamut pilersaarutaa akuerisaasoq imaluunniit pilersaarut assigisaaluunniit alla akuerisaasoq malillugu pisinnaatitsissummik pigisaqartup atuinissamut pisinnaatitaaffigisaa, aallaavigineqassaaq. Atuinerup annertussusissaa pillugu atugassarititaasunik aalajangersaaviusumik atuinissamut akuersissut malillugu kingusinnerusukkut pisinnaatitsissummik pigisaqartumut tunngatillugu atuinissamut akuersissummi tunniunneqartumi atuinerup annertussusaa aallaavigineqassaaq.

§ 8-mut

Imm. 1-imut

Aalajangersagaq Inatsisartut inatsisaanni atuuttumi § 4 a, imm. 1-imi uniffik siullermi aalajangersakkamik ingerlatitseqqiineruvoq.

Aalajangersagaq, ingerlatseqatigiiffimmut pisortani suliffeqarfimmit pilersuisumit imermik atorneqanngitsumik pisinissaq pillugu isumaqatigiissuteqarsimasumut aammalu isumaqatigiissummik naammassinnittumut, sermimik imermillu niuernikkut iluaquteqarnissamut akuersissummik tunniussisarnermut, tunngassuteqarpoq. Siunnersuummi § 8, imm. 2, tassungalu nassuiaatit innersuussutigineqarput.

Aalajangersagaq siunnersuummi § 4-imi Naalakkersuisut pisinnaatitsissummik pigisaqartumut sermimik imermillu niuernikkut iluaquteqarnissamut akuersissummik tunniussisarnissaannut inatsimmi tunngavissamut nalinginnaasumut ataqatigiissillugu isigineqassaaq.

Imm. 2-mut

Aalajangersagaq Inatsisartut inatsisaanni atuuttumi § 4 a, imm. 4-mi aalajangersakkamik ingerlatitseqqiineruvoq itisiliinerullunilu. Aalajangersagaq ataatsimut isigalugu siunnersuummi § 8, imm. 1-imut ataqatigiissillugu isigineqassaaq. Aalajangersagaq taaneqartoq tassungalu nassuiaatit innersuussutigineqarput.

Siunnersuummi § 8, imm. 2-mi aalajangersakkami allassimavoq, atuinissamut akuersissut siunnersuummi § 8, imm. 1 malillugu tunniunneqartoq, pisinnaatitsissummik pigisaqartoq suliffeqarfimmit pilersuisumit imermik atorneqanngitsumik pisinissaq pillugu pisortat suliffeqarfiannut pilersuisumit isumaqatigiissuteqarsimappat aammalu suliaqarnermi isumaqatigiissut naammassisimappagu, aatsaat imermik atuinissamut pisinnaatitsissasoq. Aammattaaq siunnersuummi § 8, imm. 1 malillugu imermik atuinissamut

pisinnaatitaanissamut, atuinerup pisortani suliffeqarfimmut pilersuisumut isumaqatigiissut tunngavigalugu aammalu tassunga naapertuuttumik ingerlanneqarnissaa, tunngavissaatinneqarpoq.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami ilaatigut allassimavoq, pisinnaatitsissummik pigisaqartup siunnersuummi § 8, imm. 1-imi taaneqartutut pisortani suliffeqarfimmit pilersuisumit imermik atorneqanngitsumik pisinissaa pillugu isumaqatigiissut, pisortani suliffeqarfiup pilersuisup pilersuisussaaitaanera aammalu tamatumunnga inatsisit malillugit pisussaaffii allat ataqqillugit, isumaqatigiissutigineqassasoq naammassineqassasorlu. Imermik pisinissamik isumaqatigiissut tamanna pillugu atugassarititaasunik imaqassasoq piumasaqaataavoq. Aalajangersakkap tassunga tunngasortaa siunnersuummi § 8, imm. 2-imut ataqatigiissillugu isigineqassaaq. Ataatsimut isigalugu aalajangersakkat taaneqartut aammalu taakkununnga nassuiaatit innersuussutigineqarput.

Siunnersuummi aalajangersakkami § 8, imm. 3-imi aammattaaq ilaatigut allassimavoq, imermik pisinissamik isumaqatigiissut tamatuma saniatigut ilaatigut imermik tunniussinissaq pillugu atugassarititaasunik imaqarsinnaasoq, ilanngullugit imermik aalajangersimasumik minnerpaaffissalimmik annerpaaffissalimmillu annertussusilimmik aammalu imermik aalajangersimasumik pitsaassusilimmik tunniussinissaq aammalu imermik tunniussinermut akiliuteqarnissaq. Imermik pisinissamut isumaqatigiissut pissutsit taaneqartut taakkua pillugit atugassarititaasunik imaqassasoq piumasaqaataanngilaq, aammalu imermik pisinissamut isumaqatigiissut pissutsit attuumassuteqartut allat pillugit atugassarititaasunik imaqarsinnaavoq.

Tamatuma saniatigut aalajangersagaq malillugu pisortani suliffeqarfik pilersuisoq atugassarititaasut taaneqartut taakkua aammalu suliffeqarfiup pilersuisup inuussutissarsiornikkut soqutigisai tassungalu tunngasut tunngavigalugit atugassarititaasut allat ilaatillugit imermik pisinissamut isumaqatigiissut isumaqatiginninniutigisinnaavaa, isumaqatigiissuteqarfigisinnaallugu naammassisinnaallugulu.

Imm 4-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami allassimavoq, siunnersuummi § 8, imm. 1-3-mi allat malinneqartussaasimanngippata, siunnersuummi §§ 4-7 aamma atuinissamut akuersissummut siunnersuummi § 8, imm. 1 malillugu tunniunneqarsimasumut atuutissasut. Tamatuma

ilaatigut kingunerisaanik siunnersuummi § 8, imm. 1 malillugu atuinissamut akuersissut, kisermaassisussaataaaffeqanngitsumik aamma kisermaassisussaataaaffilimmik tunniunneqarsinnaavoq.

Ataatsimut isigalugu aammattaaq siunnersuummi §§ 4-7 taakkunungalu nassuiaatit innersuussutigineqarput.

§ 9-mut

Imm. 1-imut

Aalajangersagaq Inatsisartut inatsisaanni atuuttumi § 5, imm. 1-imi aalajangersakkamik ingerlatitseqqiineruvoq erseqqissaanerullunilu.

Siunnersuummi aalajangersakkami § 9, imm. 1-imi piumasaqaatit pisinnaatitsissummik pigisaqartup atuinissamut akuersissut siunnersuummi §§ 4 imaluunniit 8 malillugu nalinginnaasumik naammassisimasasai, allassinapput.

Siunnersuummi §§ 4 imaluunniit 8 malillugu atuinissamut akuersissummik tunineqarnissamut piumasaqaataavoq akuersissut malillugu pisinnaatitsissummik pigisaqartuusoq tassaassasoq ingerlatseqatigiiffik imaluunniit piginneqatigiiffik Kalaallit Nunaanni angerlarsimaffeqartoq.

Tamatuma saniatigut pisinnaatitsissummik pigisaqartoq aallaaviatigut taamaallaat siunnersuut malillugu akuersissummi pineqartunut ilaasunik ingerlatanik suliaqarsinnaavoq. Pisinnaatitsissummik pigisaqartoq taamaalilluni ingerlatassat taaneqartut taakkua saniatigut allanik ingerlatanik nalinginnaasumik suliaqaqqusaanngilaq, ilanngullugu assersuutigalugu imeruersaatiniq allanik, soorlu sodavandiniq aamma immiaaqqanik tunisassiorneq aamma tuniniaaneq imaluunniit akunnittarfimmik, neriniartarfimmik, imerniartarfimmik imaluunniit sumiiffinnik allanik imeruersaatiniq, imermik imigassamik puuiaasamiittumik aamma sermimik imeruersaatinut atugassamik sassaallerfiusartunik ingerlatsineq. Ingerlatseqatigiiffik siunnersuut malillugu akuersissummi pineqartunik ingerlatanik aamma ingerlatanik allanik suliaqarusuppat, ingerlatseqatigiiffik assersuutigalugu ingerlatseqatigiiffimmik immikkoortorta qarfiusumik pilersitsisinnaavoq. Ingerlatseqatigiiffik immikkoortorta qarfiusoq taamaalilluni siunnersuut malillugu akuersissut malillugu pisinnaatitsissummik pigisaqartuulersinnaavoq aammalu akuersissut malillugu ingerlatanik suliaqalersinnaalluni. Ingerlatseqatigiiffiup qullersaqarfiusup ingerlatassat allat akuersissummi pineqartunut ilaanngitsut suliarisinnaavai. Taamaalilluni siunnersuut malillugu akuersissut malillugu ingerlatassat nalinginnaasumik suliaqarnermi aammalu aningaasaqarnikkut ingerlatanit allanit avissaartisimaneqassapput.

Siunnersuummi § 9, imm. 2, siunnersuummi §§ 4 aamma 8 malillugu atuinissamut akuersissut malillugu ingerlatassat aamma ingerlatassat allat avissaartinneqarnissaat pillugu imm. 1-imi piunasaqaammi ilaatitsinnginnermik imaqarpoq. Takuuk § 9, imm. 2, tassunga nassuiaatit aammalu tamanna pillugu immikkoortuni 2.2.2-imi aamma 2.2.5-imi nassuiaatit nalinginnaasut.

Siunnersuummi § 9, imm. 1-imi aalajangersagaq malillugu, ingerlatseqatigiiffik pisinnaatitsissummik pigisaqartoq ingerlatseqatigiiffinnut allanut akileraartartoqateqassanngilaq.

Piunasaqaatit taaneqartut taakkua tamarmik piffissaq akuersissuteqarfiusoq tamaat naammassineqarsimassapput.

Imm. 2-mut

Aalajangersagaq Inatsisartut inatsisaannut atuuttumut sanilliullugu nutaajuvoq.

Aalajangersakkap imaraa siunnersuummi §§ 4 aamma 8 malillugit atuinissamut akuersissut malillugu ingerlatassat aamma ingerlatassat allat avissaartisimaneqarnissaat pillugu imm. 1-imi piunasaqaammi ilaatitsinnginneq. Takuuk § 9, imm. 1, tassunga nassuiaatit aamma immikkoortuni 2.2.2-imi aamma 2.2.5-imi nassuiaatit nalinginnaasut.

§§ 4 imaluunniit 8 malillugu aktiaatileqatigiiffimmut imaluunniit piginneqatigiiffimmut siunnersuut malillugu akuersissummi ilaatinneqartunik ingerlatassanik aamma ingerlatassanik allanik suliaqartumut, atuinissamut akuersissummik tunniussisinnanissaat, aalajangersakkami periarfissiissutigineqarpoq, ilanngullugit assersuutigalugu imeruusaatinik allanik, soorlu sodavandinik aamma immiaaqqanik tunisassiorneq aamma tuniniaaneq imaluunniit akunnittarfimmik, neriniartarfimmik, imerniartarfimmik imaluunniit sumiiffinnik allanik imeruusaatinik, imermik imigassamik puuiaasamiittumik aamma sermimik imeruusaatinut atugassamik sassaallerfiusartunik ingerlatsineq.

Ingerlatassat siunnersuut malillugu atuinissamut akuersissummi pineqartut aamma ingerlatassat allat avissaartinneqarnissaat suliaqarnikkut, ingerlatsinikkut aningaasaqarnikkullu ajoqutissartaqartumik malitseqartumik pisoqarnerani, aalajangersakkap atorneqarsinnaanissaa, pingaartumik siunertaavoq. Assersuutigalugu tassaasinnaavoq, illuutit, tunisassiorfiit allallu atortut ilaalu ilanngullugu taakkua, siunnersuut malillugu akuersissummi pineqartunik ingerlataqarnerit aamma ingerlatat allat ingerlatseqatigiiffiup suliarisaasa, suliarineqarnerannut atorneqartussaasut. Assersuutissaasinnaavoq ingerlatseqatigiiffiup piffissani assigiinngitsuni tunisassiorfik taanna tunisassiornermut aamma puuiaasanik aamma

nappartanik saviminernik immiaaqqanik, sodavandinik aamma imermik imigassamik kulsyrelimmik aamma kulsyreqanngitsumik immiinermut aammalu nioqqutissiassanik aamma nioqqutissianik naammasseriikkanik toqqorsinermut, atoraa. Assersuut alla tassaasinnaavoq, ingerlatseqatigiiffik akunnittarfimmik neriniartarfittaqartumik imerniartarfittaqartumillu ingerlatsisoq, tunisassiornermut aamma puuiaasanik aamma nappartanik saviminernik imermik imigassamik kulsyretalimmik aamma kulsyreqanngitsumik immiinermut aammalu imermi imeruersaatini atugassamik sermimik tunisassiornermut aamma nioqqutissiassanik aamma nioqqutissanik naammasseriikkanik toqqorsinermut, minnerusumik tunisassiorfeqartoq.

Atuinissamut akuersissut siunnersuummi § 9, imm. 2-imi pineqartunut ilaasoq, akuersissut malillugu pisinnaatitsissummik pigisaqartoq siunnersuummi § 25, imm. 3-imi, aamma siunnersuummi §§ 4 imaluunniit 8 malillugu atuinissamut akuersissut malillugu pisinnaatitsissummik pigisaqartunut akileraarutit aamma akitsuutit pillugit inatsimmi aalajangersakkani immikkut ittuni allani, pineqartunut ilaanngitsoq, pillugu atugassarititaasunik imaqaasaaq.

Takukkit siunnersuummi § 25, imm. 3 aamma 4, aammalu taakkununga nassuiaatit.

Imm. 3-imut

Aalajangersagaq Inatsisartut inatsisaanni atuuttumi § 5, imm. 2-mi aalajangersakkamik ataatsimut isigalugu ingerlatitseqqiineruvoq erseqqissaanerullunilu.

Aalajangersakkami allassimavoq atuinissamut akuersissut siunnersuummi § 4 imaluunniit § 8 malillugu tunniunneqarsimasoq malillugu pisinnaatitsissummik pigisaqartoq, atuinermi ingerlatanik allanillu ingerlatanik akuersissummi pineqartunut ilaasunik suliaqarsinnaanissamut, pisariaqartunik sulianut ilisimasaqassaaq aammalu aningaasaqarnikkut pisinnaasaqassalluni.

Sulianut ilisimasaqarnermi pisariaqartumi ilaatigut ilaapput piginnaasaqarfiit, ilanngullugit ilisimasat aamma misilittakkat, sermimik imermillu niuernikkut iluaquteqarnermut tunngassuteqartut. Tassani ilaallutik sermimit imermillu isumalluutinit atuinermut, sermimit tunisassianik aamma imermit tunisassianik tunisassiornermut nittarsaassinermullu, tuniniaanermut, assartuussinermut aamma sermimit tunisassianik aamma imermit tunisassianik pilersuinermut, tunngasut. Sulianut ilisimasaqarnermut pisariaqartumut aamma ilaatinneqarput pinngortitamik avatangiisinillu allanngutsaaliuineq pillugu piginnaasaqarfiit.

Pisuni ataasiakkaani pissutsinik attuumassuteqartunik tamaginnik ataatsimoortumik

nalilersuineq tunngavigalugu, sulianut ilisimasaqarneq aammalu aningaasaqarnikkut pisinnaasaqarneq suna, atuinermik ingerlatanik allanillu ingerlatanik akuersissummi pineqartunut ilaasunik suliaqarsinnaanissamut pisariaqarnersut, aalajangiisoqartariaqarpoq.

Imm. 4-mut

Aalajangersagaq Inatsisartut inatsisaanni atuuttumi § 5, imm. 3-imi aalajangersakkamik ingerlatitseqqiineruvoq itisiliinerullunilu.

Aalajangersakkami ilaatigut allassimavoq, sumiiffimmi atuinissamut periarfissaqarfiusut pisinnaatitsissummik pigisaqartup pisariaqartitaannit annertuumik annertunerusimappata, siunnersuummi § 4 malillugu atuinissamut akuersissut sumiiffimmut kismaassisussaataitanermik ilaqartinneqarsinnaanngitsoq. Kismaassisinnaatitaaneq pillugu § 5-imut naleqqiullugu nalilersuinermut suliarineqartussamut ataqatigiissillugu aalajangersagaq isigineqassaaq.

Aalajangersakkap tassunga tunngasortaani siunertaavoq atuinissamut akuersissut siunnersuummi § 4 malillugu tunniunneqarsimasoq malillugu pisinnaatitsissummik pigisaqartup nunaminertaq naammattumik atornagu "tiguaasimannginnissaata" qulakkeerneqarnissaa (nunaminertamik inniminniineq).

Aalajangersagaq taamaallaat atuinissamut akuersissummut siunnersuummi § 4 malillugu tunniunneqarsimasumut tunngassuteqarpoq. Taamaalilluni sumiiffimmi atuinissamut periarfissaqarfiusut pisinnaatitsissummik pigisaqartup pisariaqartitaannit annertuumik annertunerusimappata, ataatsimut isigalugu siunnersuummi § 8 malillugu atuinissamut akuersissut sumiiffimmut kismaassisussaataitanermik ilaqartinneqarsinnaanera, ataatsimut isigalugu akornutissaqartinneqanngilaq.

Aalajangersakkami ilaatigut siunertaavoq, atuinissamut akuersissut malillugu pisinnaatitsissummik pigisaqartup atuisinnaanissaminik naatsorsuutigisaqarfinginngisaanut imaluunniit atuinissaa naatsorsuutigineqarsinnaanngippat, sumiiffimmut kismaassisussaataalluni atuinissamut akuersissummik tunniussisoqannginnissaata qulakkeerneqarnissaa.

Pisinnaatitsissummik pigisaqartup, assersuutigalugu sermip aamma erngup, pisinnaatitsissummik pigisaqartup atuinissamut akuersissut malillugu atuisinnaatitaanissamik qinnuteqaatigisaata, taamaallaat affaanik (50 %) atuinissaa naatsorsuutigineqarpat, atuinissamut akuersissut pisinnaatitsissummik pigisaqartup qinnuteqaatigisaatut iluseqartillugu tunniunneqannginnisaanut, tamanna pissutissaqalersitsisinaavoq.

Imm. 5-mut.

Siunnersuummi aalajangersakkami § 9, imm. 5-imi allassimavoq, § 4 imaluunniit § 8 malillugu atuinissamut akuersissummi taamaaqataanik atuinerup annertussusaanut, takuuk § 4, imm. 2, pisinnaatitsissummik pigisaqartup pisariaqartitsineranit annertuumik annertunerusumut, kisermaassisussaatitaaneq ilaatinneqarsinnaanngitsaq. Kisermaassisinnaatitaaneq pillugu § 5-imut naleqqiullugu nalilersuinermut suliarineqartussamut ataqatigiissillugu aalajangersagaq isigineqassaaq.

Atuinerup annertussusaa paasineqassaaq tassaasoq sermimit isumalluummit imaluunniit imermit isumalluummit sermip imaluunniit erngup annertussusaata annerpaaffissaa aalajangersimasooq, pisinnaatitsissummik pigisaqartup atuinissamut akuersissut malillugu atuinissamut pisinnaatitaaffigisaa. Ataatsimut isigalugu siunnersuummi § 4, imm. 2, aammalu tassunga nassuiaatit innersuussutigineqarput.

Atuinerup annertussusaa siunnersuummi § 6-imi maleruagassat malillugit allanngortinneqarsinnaavoq. Ataatsimut isigalugu aalajangersagaq taaneqartoq tassungalu nassuiaatit innersuussutigineqarput.

§ 10-mut

Aalajangersagaq Inatsisartut inatsisaanni § 6-imi aalajangersakkamik ingerlatitseqqiineruvoq.

Imm. 1-imut

Aalajangersagaq malillugu Naalakkersuisut nunami sumiiffiup iluani, § 5 malillugu kisermaassisussaatitaalluni akuersissummik tunniussiviusimasumi, sukkulluunniit sumiiffinni najugaqarfigineqartuni immaqalu aamma sumiiffinni siunissami najugaqarfigineqalertussani atuisartunut pilersuinissaq siunertaralugu sermimik imermillu atuinissamut pisortani pilersuinermi suliffeqarfinnut akuersissummik tunniussisinnaapput.

Kisermaassisussaatitaalluni atuinissamut akuersissutit malillugit sumiiffimmi sermimik imaluunniit imermik atuinerup, sumiiffimmi najukkami atuisartunut pilersuinermut atugassamik sermimik imaluunniit imermik atuinissamik mattussinnginnissaa imaluunniit killiliinnginnissaa, aalajangersakkami qulakkeerineqassaaq.

Siunnersuummi § 10 malillugu akuersissut malillugu atuinerup, § 4 malillugu kisermaassisussaatitaalluni atuinissamut akuersissut malillugu atuisinnaaneq killilersinnaassavaa.

Imm. 2-mut

Siunnersuummi § 10 malillugu atuinissamut akuersissummik tunniussineq § 4 malillugu kisermaassisussaatitaalluni atuinissamut akuersissut malillugu pisinnaatitsissummik pigisaqartup imaluunniit § 10 malillugu atuinissamut akuersissut malillugu pisinnaatitsissummik pigisaqartup taarsiivigineqarsinnaatitaanerani imaluunniit Naalakkersuisunut allanik piumasqaateqarsinnaatitaanerani imaluunniit piginnaatitaanerani, malitseqassanngilaq.

§ 11-mut

Imm. 1-imut

Aalajangersagaq Inatsisartut inatsisaanni § 7, imm. 1-imi aalajangersakkamik ingerlatitseqqiineruvoq.

Aalajangersagaq malillugu siunnersuummi § 4 imaluunniit § 8 malillugu atuinissamut akuersissut piffissamut ukiut 20-t angullugit tunniunneqarsinnaavoq.

Piffissaq akuersissuteqarfiusoq pisuni ataasiakkaani pissutsit attuumassuteqartut tamaasa ataasiakkaatigut nalilersorneqarnerat eqqarsaatigalugu, aalajangersarneqassaaq, ilanngullugit pisinnaatitsissummik pigisaqartup piffissamut sivisunerusumut akuersissummut atugassarititaasunik aalajangersaavigineqarnissamik soqutigisaqarnera, piffissap akuersissuteqarfiusup, nunani tamalaani sermimut imermullu ilaalu ilanngullugit niuerfinit naapertuuttumik akuersissutinut atugassarititaasunik naleqquttumik ingerlaavartumik naleqqussaasinnaanissamut, akornusiinnnginnissaanik, oqartussat soqutigisaqarnerat.

Imm. 2-mut

Aalajangersagaq Inatsisartut inatsisaanni § 7, imm. 2-mi aalajangersakkamik ingerlatitseqqiineruvoq.

Aalajangersakkami allassimavoq, atuinissamut akuersissutip atuuffissaa naappat, taanna sivitsorneqarsinnaasoq. Tunngavissaatinneqarpoq pisinnaatitsissummik pigisaqartoq akuersissutip atorunnaanginnerani tamatumunnga qinnuteqaammik nassiussissasoq, aammalu pisinnaatitsissummik pigisaqartup allatigut maannamut akuersissummut atugassarititaasut naammassisimagai. Atuinissamut akuersissutip sivitsorneqarnissaa pillugu qinnuteqaatip suliarineqarnerani, sivitsuinissaq akuerineqassanersoq taamaattoqarpallu atugassarititaasut suut sivitsuinnermut taamaattumut atuutsinneqassanersut, Naalakkersuisut aalajangiinissamut missingersuillutik piginnaatitaapput. Pisinnaatitsissummik pigisaqartoq taamaalilluni sivitsuinissamut akuerineqarnissamik piumasqaateqarsinnaanngilaq. Tamatuma saniatigut sivitsuisoqassappat tamatuma atugassarititaasut allanngortinneqanngitsut tunngavigalugit imaluunniit atugassarititaasut maannamut akuersissummut atugassarititaasunit pisinnaatitsissummik pigisaqartumut nammagassiinnnginnerusut

tunnngavigalugit pinissaanik, pininnaatitsissummik pigisaqartoq
piumasaqaateqarsinnaanngilaq.

Taamaattoq piffissaq akuersissuteqarfiusoq tamarmiisoq ukiunit 30-nit
sivisunerusinnaanngilaq.

Imm. 3-imut

Piffissap akuersissuteqarfiusup sivitsorneqarnera atuinissamut akuersissummut tapiliussami
aalajangersarneqassaaq.

§ 12-imut

Imm. 1-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu Naalakkersuisut siunnersuummi § 4 imaluunniit § 8 malillugu
akuersissummik, siunnersuummi § 12, imm. 2-4-mi taaneqartut arlaat atorlugit,
tunniussisinnaapput.

Siunnersuummi § 12, imm. 2-4, aatsitassanut ikummatissanullu inatsimmi § 23-mut
annertunerpaatigut assingupput. Ataatsimut isigalugu siunnersuummi § 12, imm. 2-4,
taakkunungalu nassuiaatit innersuussutigineqarput.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami erseqqissarneqarpoq, Naalakkersuisut tamatuminnga qinnuteqaat
malillugu akuersissummik tunniussisinnaasut. Taamaalillutik Naalakkersuisut
qinnuteqaammik imm. 3-5-imi suleriaatsit malillugit tunniunneqartumik tigusaqareernerup
kingorna aatsaat akuersissummik tunniussisinnaapput.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami allassimavoq Naalakkersuisut atuinissamut akuersissutinik ataatsimik
aralinnilluunniit tunniussinissaq pillugu tamanut ammasumik nalinginnaasumik
qinnuteqaqqusinerat malillugu akuersissummik tunniussisoqarsinnaasooq (neqeroortitsineq).

Naalakkersuisut qinnuteqaqqusineq pillugu nalunaarut, qinnuteqarnissamut piffissamut killiliussaq minnerpaamik ullunik 90-inik sioqqullugu, tamanut saqqummersissavaat. Nalunaaruteqarneq Naalakkersuisut nittartagaanni allatullu tamanut saqqummersinneqassaaq, ilanngullugu assersuutigalugu aviisini allanilu tusagassiorfinni allagarsiinikkut.

Neqeroortitsineq ataatsimut isigalugu, ingerlatseqatigiiffiit qinnuteqarnissamut soqutiginnittut sapinngisamik amerlanerpaat akuutinneqarnissaasa qulakkeernissaanut, taamaalillunilu Kalaallit Nunaanni sermimit isumalluutinit aamma imermit isumalluutinit atuinissamik periarfissaqarnerup unammilleqatigiissutigineqarnerulernissaanut, iluaqutaassaaq.

Imm. 4-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Sumiiffik aalajangersimasoq piffissami aalajangersimasumi § 4 imaluunniit § 8 malillugu tamatuminnga qinnuteqarneq malillugu atuinissamut akuersissutinik ataatsimik arlalinnilluunniit tunniussinissamut ammatinneqassasoq (matu ammatinneqarluni suleriaaseq) Naalakkersuisut aalajangersakkanik aalajangersaanissaannut inatsimmi tunngavissamik aalajangersagaq imaqqarpoq.

Matu ammatinneqarluni suleriaaseq pillugu nalunaarut Naalakkersuisut nittartagaanni allatullu Naalakkersuisut tamanut saqqummersissavaat, ilanngullugu assersuutigalugu aviisini allanilu tusagassiorfinni allagarsiinikkut. Matu ammatinneqarluni suleriaatsip imaluunniit tamatumunnga atugassarititaasut allanngortinneqarnerat imaluunniit matu ammatinneqarluni suleriaatsip matuneqarnera taamatut aamma tamanut saqqummersinneqassaaq.

Nalunaarut ilaatigut sermimit isumalluutit aamma/imaluunniit imermit isumalluutit, atuinissamut akuersissummik tunniussiviusinnaasut suunersut, sumiiffiit pineqartunut ilaasut suunersut, aammalu soqutiginnittut qanoq iliorlutik qinnuteqaatinut atugassarititaasut aammalu atuinissamut akuersissummik tunniussisarneq ilaalu ilanngullugit pillugit paasissutissanik erseqqinnerusunik piniarsinnaanersut, pillugit paasissutissanik imaqqassaaq.

Matu ammatinneqarluni suleriaaseq malillugu atuinissamut akuersissummik tunniussinissamut qinnuteqaat, siusinnerpaamik matu ammatinneqarluni suleriaaseq pillugu nalunaarutip tamanut saqqummersinneqarnerata kingorna ullut 90-it qaangiunneranni, tunniunneqarsinnaavoq. Tamatumani ingerlatseqatigiiffiit unammillersinnaassuseqartut tamarmik neqerooruteqarnissamut pisariaqartumik piffissaqartinnissaat qulakkeerniarneqarpoq.

Imm. 5-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami allassimavoq, Naalackersuisut tamatumunnga qinnuteqaatinik ataatsimik arlalinnilluunniit, suleriaatsit siunnersuummi § 12, imm. 2-4-mi taaneqartut arlaat malillugu tunniunneqartunik, tigusaqarsimagaluarpataluunniit, Naalackersuisut atuinissamut akuersissummik tunniussinngissinnaasut.

Qinnuteqartoq taamaalilluni, qinnuteqartup akuersissummik taamaattumik tunineqarnissamut piunasaqaatit naammassimagaluarpagilluunniit, atuinissamut akuersissummik tunineqarnissamut ataatsimut isigalugu pisinnaatitaaffeqaangilaq. Neqeroortitsineq imaluunniit matu ammatinneqarluni suleriaaseq malillugu Naalackersuisut akuersissummik tunniussinngippata, pisortat ingerlatsineranni tunngaviusut nalinginnaasut malinneqassapput. Tassa ilaatigut imaappoq itigartitsineq naligiimmik pinninnissamut tunngaviusumik tunngaveqassasoq aammalu tunngavissaqaangitsumik tunngaveqartumik ingerlanneqassanngitsoq. Makkua ajornartorsiutaasinnaapput, kisianni taakkuinnaanatik, itigartitsinermut tunngavilersuutigineqartut: Suliamut attuumassuteqarluni peqataasinnaannginneq aamma soqutigisanik aporaatsitsineq, neqeroortitsinermi suleriaatsip kukkuneqarnera, missingersuusiornermut aqqissugaanermullu tunngasut allannguuteqarnerisa tamanna pisariaqalersikkaa.

Siunnersuummi § 4, imm. 1-imut nassuiaatit innersuussutigineqarput.

§ 13-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Naalackersuisut nalunaarutikkut akuersissummik qinnuteqaatip imarisai tunniunneqartarneralu aammalu atuinissamut akuersissummik tunniussisarneq ilaalu ilanngullugit pillugu aalajangersakkanik erseqqinnerusunik aalajangersaasinnaapput.

§ 14-imut

Imm. 1-imut

Aalajangersagaq Inatsisartut inatsisaanni atuuttumi § 8, imm. 1-imi aalajangersakkamik ingerlatitseqqiineruvoq.

Aalajangersagaq malillugu atuinissamut akuersissut malillugu pisinnaatitsissummik pigisaqartoq atuinermi ingerlatassanut tamarmiusunut atuinissamut pilersaarummik suliaqassaaq. Atuinissamut pilersaarut, pisinnaatitsissummik pigisaqartup atuinermik

suliaqarnerata aallartinnginnerani aammalu atuinissaq pillugu sanaartukkanik allanillu iliuusissanik pilersitsinnginnerani, Naalackersuisunit akuerineqarsimassaaq.

Naalackersuisut ilaatigut atuinerup aammalu sanaartukkanik ilaalu ilanngullugit pilersitsinerup ingerlatsinerullu aqqissuunneqarnerat akuerissavaat. Atuinissamut pilersaarutip imarisassaannut piunasaqaatinut tunngatillugu siunnersuummi § 14, imm. 2, tassungalu nassuiaatit innersuussutigineqarput.

Atuinissamut pilersaarutip akuerineqarnerani Naalackersuisut ilaatigut, atuinermi ingerlatassat tamatumunngalu atatillugu iliuusissat, sermip erngullu naammattumik pitsaasumik pitsaassuseqarnissaata qulakkeernissaa eqqarsaatigalugu, isumannaatsumik suliarineqarnissaa nakkutigissavaat. Atuinissamut pilersaarutip akuerineqarnerani Naalackersuisut aammattaaq, atuinermi ingerlatassat tamatumunngalu atatillugu iliuusissat teknikkimut tunngatillugu aammalu isumannaallisaaneq, peqqinnissaq, avatangiisit, isumalluutinik atorluaaneq inuiaqatigiinnilu piujuartitsinissaq eqqarsaatigalugit, isumannaatsumik ingerlanneqarnissaat nakkutigissavaat.

Naalackersuisut atuinissamut pilersaarutip akuerineqarnissaanik aalajangiineranni aammalu tamatumunnga atatillugu atugassarititaasunik aalajangersaaneranni, Naalackersuisut ataatsimut isigalugu pisortat ingerlatsineranni inatsisini nalinginnaasuni maleruagassanut tunngaviusunullu naapertuuttumik iliuuseqassapput, ilanngullugit kinaassusersiunnginnissaq, annertoqatigiimmik pinninnissaq aammalu assigiinngisitsinnginnissaq pillugit tunngaviusut. Atuinissamut pilersaarutip akuersissuteqarfigineqarnissaanik itigartitsineq nalunaarutigineqassaaq, itigartitsineq kinaassusersiunnginnissaq eqqarsaatigalugu tunngavilersorneqarpat, ilanngullugit assersuutigalugu pissutsit sermip imaluunniit erngup pitsaassusaanut, teknikkimut, isumannaallisaanermut, peqqinnissamut, avatangiisinut, isumalluutinik atorluaanermut inuiaqatigiinnilu piujuartitsinissamut tunngasut eqqarsaatigalugit.

Atuinissamut pilersaarutip saniatigut pisinnaatitsissummik pigisaqartoq aamma, pilersaarutit taaneqartut ataatsimoortumik suliarineqarnissaat siunertaralugu, siunnersuummi § 15-imi allassimasutut uninnermut pilersaarummik suliaqassaaq tunniussissallunilu.

Imm. 2-mut

Aalajangersagaq Inatsisartut inatsisaanni atuuttumi § 8, imm. 2-mi aalajangersakkamik ingerlatitseqqiineruvoq itisiliinerullunilu.

Aalajangersagaq malillugu, sermimit tunisassiat aamma imermit tunisassiat allanut tuniniarneqarnerminni qanoq pitsaassuseqassanersut, aammalu tunisassiat pitsaassusaat

pisinnaatitsissummik pigisaqartup qanoq iliorluni qulakkeerniarnerai, pisinnaatitsissummik pigisaqartoq atuinnessamut pilersaarummi paasissutissiisaaq uppersaassallunilu.

Aalajangersagaq siunnersuummi § 17-imut ataqatigiissillugu isigineqassaaq aammalu sermimit tunisassiat aamma imermit tunisassiat Kalaallit Nunaanneersut naammattumik minguisseuseqarnissaasa pitsaassuseqarnissaasalu qulakkeernissaannut iluaqusiinissaq immikkut siunertaalluni. Tunisassiat pitsaasumik pitsaassuseqartuunissaat, Kalaallit Nunaanni sermimik imermillu atuinerup ineriartortinneqarnissaanut annertuumik pingaaruteqarpoq.

Aammattaaq aningaasaliinerit taakkua naleqarnerisa assersuutigalugu pisinnaatitsissummik pigisaqartup allap tunisassianik pitsaasumik pitsaassuseqanngitsunik tunisassiorneranit, nittarsaassineranit tuniniaaneranillu ajornerulersinneqannginnissaat, taamaattumillu tunisassiat Kalaallit Nunaanneersut ataatsimut isigalugu tusaamaneqarnerisa pitsaanngitsup tungaanut sunnerneqarsinnaannginnissaat, pisinnaatitsissummik pigisaqartumut sermimit tunisassianik aamma imermit tunisassianik Kalaallit Nunaanneersunik tunisassiornermi, nittarsaassinermi aammalu tuniniaanermi aningaasaqarnikkut isumalluutitigullu allatigut aningaasaliisimasumut ataatsimut isigalugu annertuumik pingaaruteqarpoq.

Taamaattumik sermimit tunisassiat aamma imermit tunisassiat Kalaallit Nunaanneersut ingerlaavartumik pitsaassusaasa qulakkerneqartarnissaannut, Kalaallit Nunaanni pisortani oqartussat aamma pisinnaatitsissummik pigisaqartut ataatsimoorullugu soqutigisaqarput.

Siunnersuummi aalajangersakkami § 14, imm. 2, pissutsit annertunerusut arlallit, atuinermut pilersaarutip imarisassai pillugit paasissutissanut tunngassuteqarpoq.

Aalajangersagaq malillugu ilaatigut atuinnessamut pilersaarut, atuinermik ingerlataqarnernut aammalu atuinermik ingerlataqarnerit aningaasalersorneqarnissaannut atatillugu ingerlatseqatigiiffiup pisinnaatitsissummik pigisaqartup aningaasaqarnikkut pisinnaasaqarnera pillugu paasissutissanik imaqassaaq, ilanngullugit taassuma akiliisinnaassuseqarnera aamma tigoriaannarnik aningaasaateqarnera.

Aalajangersakkap tassunga tunngasortaa siunnersuummi § 9, imm. 3-mut ataqatigiissillugu isigineqassaaq, taannami malillugu atuinnessamut akuersissut malillugu pisinnaatitsissummik pigisaqartoq ilaatigut atuinermi ingerlatanik allanillu ingerlatanik akuersissummi pineqartunut ilaasunik suliaqarsinnaanissamut pisariaqartunik aningaasaqarnikkut pisinnaasaqassaaq.

Aalajangersakkami aammattaaq allassimavoq, atuinnessamut pilersaarut aningaasaqarnikkut pissarsiaqarfiusumik atuinermi ingerlatanik suliaqarnissamut periarfissat pillugit paasissutissanik aammalu atuinermi ingerlatanut atatillugu avatangiisinut suliffissaqartitsiniarnermullu tunngasunik nalilersuineramik imaqassasoq.

Atuinissamut pilersaarutip aamma unitsitsinissamut pilersaarutip akuerineqarnerannut atatillugu Naalakkersuisut ingerlatassat pisinnaatitsissummik pigisaqartup suliariniagai, aammalu sanaartugassat pisinnaatitsissummik pigisaqartup pilersinniagai ingerlanniagaalu, ilaalu ilanngullugit, pillugit pissutsinik attuumassuteqartunik tamaginnik ataatsimoortumik nalilersuissapput. Nalilersuinermi ilaatigut ingerlatassat aamma sanaartukkat avatangiisinut sunniutissaat ilaatinneqassapput. Tamatuma ilaatigut kingunerisaanik tamanna naleqqussimappat, avatangiisinut sunniutaasussanik nalilersuineq (VVM) aamma atuinermut suliasap inuiaqatigiinni piujuartussamik sunniuteqarnissaanik nalilersuineq (VSB) suliarineqassapput.

§ 15-imut

Imm. 1-imut

Aalajangersagaq Inatsisartut inatsisaanni § 9, imm. 1-imi aalajangersakkamik ingerlatitseqqiineruvoq.

Aalajangersagaq taamaallaat atuinermi ingerlatanut atuuppoq aammalu pingaartumik ingerlatat taamaattut unitsinneqarneranni aammalu unitsitsereernerup kingorna piffissami avatangiisinut isumannaallisaanermullu tunngasunik isumaginninnissamut tunngavissiilluni.

Taamaalilluni aalajangersakkami allassimavoq, siunnersuummi § 14 malillugu atuinissamut pilersaarutip akuerineqarnissaa pillugu qinnuteqaammik tunniussinermut atatillugu tassungalu peqatigitillugu aamma Naalakkersuisunit akuerineqartussanngorlugu unitsitsinermut pilersaarut suliarineqassaaq nassiunneqassallunilu.

Unitsitsinermut pilersaarummi allassimassaaq pisinnaatitsissummik pigisaqartoq ingerlatat unitsinneqarneranni saliinissamut aammalu sanaartukkat siunnersuummi § 4 malillugu atuinissamut akuersissut malillugu pilersinneqarsimasut peerneqarnissaannut tunngatillugu qanoq iliussanersoq. Sanaartukkanut avatangiisinik isumannaallisaanermillu pissuteqartumik aserfallatsaaliorneqartariaqartunut, ingerlatat unitsinneqareerneranni sumiiffimmi qimanneqartussatut pilersaarutigineqartunut tunngatillugu, taakkua qanoq iliorluni aserfallatsaaliorneqarniarnersut, unitsitsinermut pilersaarummi allassimassaaq.

Aalajangersakkami allassimavoq, pilersaarutip piviusunngortinneqarnissaanut aningaasaqarnikkut tunngavissat isumannaatsut qanoq qulakkeerniarneqarnersut pillugu paasissutissanik unitsitsinermut pilersaarut imaqqassasoq. Tamatumunnga atatillugu qularnaveeqquusiinnaaneq pillugu § 17, imm. 2 innersuussutigineqarpoq. Unitsitsinermut pilersaarut Naalakkersuisunit akuerineqassaaq.

Imm. 2-mut

Aalajangersagaq Inatsisartut inatsisaanni § 9, imm. 3-mi aalajangersakkamik ingerlatitseqqiineruvoq.

Aalajangersakkami allassimavoq, atuinerup ingerlanneqarsinnaalernissaanut, unitsitsinissamut pilersaarut Naalakkersuisunit akuerineqarsimassasoq.

Aalajangersagaq malillugu unitsitsinermut pilersaarut nutarterneqartassaaq aammalu atuinermi ingerlatani imaluunniit unitsitsinissamut pilersaarutip imaluunniit taassuma piviusunngortinneqarnissaanut pissutsinik pingaaruteqartunik allanik annertuunik allannngortitsisoqarnerani allannngortinneqartassasoq.

Unitsitsinissamut pilersaarutip nutarterneqarnera allannngortinneqarneralu Naalakkersuisunit akuerineqassapput.

§§ 17-18-mi aalajangersakkani qulakkeerneqarpoq, avatangiisitigut isumannaallisaanikkullu mianerisassat, isumalluutunik atuinermi ingerlatat unitsinneqarneranni isumagineqassasut. Tamatuminnga pilersaaruserneq ingerlatassat aallartinneqarneranni aallartereersimassaaq. Unitsitsinermut pilersaarut taassumalu akuerineqarnera, kingusinnerusukkut unitsitsinermi iliuusissat pisariaqartut ingerlanneqarnissaasa qulakkeerneqarsinnaanissaanut, annertuumik pisariaqarpoq, taamaalilluni tamanna aningaasaqarnikkut naleqquttumillu pissalluni.

Imm. 3-mut.

Aalajangersagaq Inatsisartut inatsisaannut sanilliullugu nutaajuvoq.

Aalajangersakkami aalajangersarneqarpoq, atuinissamut akuersissut malillugu ingerlatat unitsinneqarpata aammalu piffissami aalajangersimasumi sivisunerusumik uningaannarsimappata aammalu pisinnaatitsissummik pigisaqartup ingerlatat aallarteqqinnissaat eqqarsaatiginnigippagu, Naalakkersuisut pisinnaatitsissummik pigisaqartoq unitsitsinissamut pilersaarutip piviusunngortinneqarnissaanik peqqusinnaagaat.

§ 16-imut

Imm. 1-imut

Aalajangersagaq Inatsisartut inatsisaanni § 10, imm. 1-imi aalajangersakkamik ingerlatitseqqiineruvoq.

Atuinermi ingerlatanik suliaqarnerup unitsinneqarallarsinnaanissaanut periarfissaqarneq

aalajangersakkami qulakkeerneqarpoq.

Akinut tunngasut aammalu tunisassiarineqartunut tunitsivissanut tunngasut nikerarnerat pissutaallutik atuinerup annaasaqaataasussaalluni piffissat ilaanni pilersoqarsinnaanera ilimanarpoq. Piffissat taakkua sivikinnerusumik sivilussuseqarsinnaapput, taamaalilluni ingerlatat inaarutaasumik unitsinneqarnissaasa (uninneq) piviusunngortinneqarnissaa kissaatigineqarani.

Aalajangersakkami allassimavoq, atuinermi ingerlatanik unitsitsigallarneq Naalakkersuisunit akuerineqassasoq. Aalajangersakkami aammattaq allassimavoq unitsitsigallarnerup akuerineqarnera ukiut marlukkaat tikillugit tunniunneqartarsinnaasoq.

Imm. 2-mut

Aalajangersakkami allassimavoq, akuersissuteqarnermut atatillugu Naalakkersuisut atugassarititaasunik, ingerlatat unitsinneqarpata sanaartukkat aserfallatsaaliorneqarnissaasa qulakkeernissaannik siunertaqartunik, aalajangersaasinnaasut. Ukiunik 2-kaartunik inassutigigallakkamik akuersissut nalunaarutigineqarsinnaaneranik akuersissuteqartarnissaq aalajangersakkap nalunaarpaa.

Imm. 3-mut

Aalajangersagaq Inatsisartut inatsisaanni § 10, imm. 2-mi aalajangersakkamik ingerlatitseqqiineruvoq.

Aalajangersakkami allassimavoq, unitsitsigallarneq ukiuni marlunni sivilunerusumilluunniit sivilussuseqarsimappat, imaluunniit unitsitsigallarnissamut akuersissummut atugassarititaasut naammassineqanngippata, siunnersuummi § 15 malillugu unitsitsinissamut pilersaarutip piviusunngortinneqarnissaa Naalakkersuisut peqqusissutigisinnaagaat.

§ 17-imut

Imm. 1-imut

Aalajangersagaq Inatsisartut inatsisaanni § 12, imm. 1-imi aalajangersakkamik ingerlatitseqqiineruvoq erseqqissaanerullunilu.

Aalajangersagaq malillugu Naalakkersuisut siunnersuummi § 3, § 4 aamma § 8 malillugu akuersissummi aammalu siunnersuummi § 14 malillugu akuersissuteqarnermi, ingerlatat

suliarineqarnerannut atugassarititaasunik arlalinnik aalajangersaasinnaapput, pingaartumik teknikkimut, isumannaallisaanermut, avatangiisinut, nunaminertanut aamma isumalluutitut tunngasut pillugit. Tamatuma saniatigut Naalakkersuisut, assersuutigalugu piffissaq akuersissuteqarnerup atuuffia, pissutsit aalajangersimasut pillugit nalunaarusiortarneq aamma avatangiisinut imaluunniit peqqinnissamut pingaaruteqartunik pissutsinik alapernaarsuineq (malinnaaneq) pillugit atugassarititaasunik aalajangersaasinnaapput. Alapernaarsuineq (malinnaaneq) taamaattoq killissaliussat akuersissuteqarnermi aalajangersagaasut iluanni pisinnaatitsissummik pigisaqartumit suliarineqarsinnaavoq imaluunniit pisinnaatitsissummik pigisaqartup akiligassaanic annaasaqaatigisinnaasaanillu Naalakkersuisunit suliarineqarsinnaalluni.

Atuinissamut akuersissummi akuersissummut atugassarititaasut, ingerlatassatut pilersaarutigineqartut taakkua qanoq issusaat eqqarsaatigalugu aammalu piffissami akuersissutip isumaqatiginninniutigineqarnerani tunniunneqarneranilu ingerlatat pineqartutut iluseqartut pilersinnissaannut niuerfitsigut soqutiginninnermik nalilersuinerit eqqarsaatigalugit, ilusilersorneqartariaqarput. Akuersissummut atugassarititaasut taamaalillutik Naalakkersuisut aamma qinnuteqartup akornanni isumaqatiginninniarneq tunngavigalugu ataatsimut isigalugu ilusilersorneqartariaqarput. Atugassarititaasut ingerlatanut aammalu ingerlatat unitsinneqareernerisa kingorna piffissamut atatinneqarsinnaassapput.

Imm. 2-mut

Aalajangersagaq Inatsisartut inatsisaanni § 12, imm. 2-mi aalajangersakkamik ingerlatitseqqiineruvoq itisiliinerullunilu.

Aalajangersakkami allassimavoq Naalakkersuisut siunnersuummi § 3, § 4 imaluunniit § 8 malillugu akuersissummi imaluunniit siunnersuummi § 14 malillugu akuersissuteqarnermi, pisinnaatitsissummik pigisaqartup siunnersuut, akuersissut aamma akuersissuteqarnerit malillugit pisussaaffimminik naammassinnissinnaanissaata qulakkeerneqarnissaanut atugassarititaasut aalajangersarneqarsinnaapput, ilanngullugit qularnaveeqqusiiinissaq pillugu atugassarititaasut.

Aalajangersakkami qulakkeerneqarpoq, pisinnaatitsissummik pigisaqartoq pisariaqartunik aningaasaateqassasoq, imaluunniit qularnaveeqqusiiinissaassasoq, taamaalilluni siunnersuut, akuersissut aamma akuersissuteqarnerit malillugit pisussaaffiit naammassineqarnissaasa piumasqaatigineqartup piviusunnigortinneqarnissaa aammalu saliiinissaq aamma sanaartukkanik piiiaanissaq ilaalu ilanngullugit qulakkeerneqassallutik. Atugassarititaasut taamaattut assersuutigalugu tassaasinnaapput, pisinnaatitsissummik pigisaqartoq pisussaaffiit taamaattut ilaalu ilanngullugit naammassineqarnissaat qulakkeerniarlugu aningaaserivimmi

anigaasanik toqqorsissasoq imaluunniit aningaaserivimmi qularnaveeqqusissasoq imaluunniit ingerlatseqatigiiffiup qullersaqarfia qularnaveeqqusiissasoq.

Aalajangersagaq taanna malillugu atugassarititaasuni aamma pisinnaatitsissummik pigisaqartoq, atugassarititaasunut aningaasat illuartitat suliffeqarfimmiiginnarnissaannik taamaalillunilu saliinerup pisariaqartup ilaalu ilanngullugit suliarineqarnissaanut atugassaqaarnissamik qulakkeerisussanut ataqatigiissillugu, naatsorsuutini illuartitsissasoq pillugu atugassarititaasut pineqartunut ilaatinneqarsinnaapput.

Atuinermi ingerlataqarnermi qularnaveeqqusiinerup ataasiakkaatigut ilusilersorneqarnera, ilaatigut atuinermi ingerlatat ataasiakkaat, ilaatigut siunnersuut, akuersissut akuersissuteqarnerillu malillugit pisussaaffiit naatsorsuutigineqartut annertussusaat qanoq issusaallu aammalu unitsitsinermi iliuusissat ilaalu ilanngullugit, eqqarsaatigalugit ingerlanneqassaaq. Aammattaaq atugassarititaasut pisinnaatitsissummik pigisaqartup aningaasaqaarnikkut tunngavissaannut naleqqussarneqartariaqarput. Ilusilersuineq allatigut pisinnaatitsissummik pigisaqartup oqaloqatigineqarnera malillugu pissaq.

Taamaattumik atugassarititaasut aalajangersagaq malillugu aalajangersarneqartut, pisussaaffiit naammassineqarnissaat eqqarsaatigalugu aammalu atuinermi ingerlatat pineqartut taakkua sapinngisamik naleqquttumik aningaasaqaarnikkut tunngaveqartumik pilersinneqarnissaat ingerlanneqarnissaallu eqqarsaatigalugu oqimaaqatigiisitsisumik ilusilersorneqassapput. Taamaattumik suliaqarnermi ataasiakkaani, pisuni aalajangersimasuni imm. 2 malillugu qularnaveeqqusiinissaq pillugu atugassarititaasunik, pisussaaffiit tamarmik tamakkiisumik naammassineqarnissaannut tamakkiisumik aningaasaqaarnikkut qularnaveeqqusiisussamik piumasaaqateqarnissaq periarfissaqassanngitsoq ilimanarsinnaavoq.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu Naalakkersuisut sermimut imermullu atorneqartumut, imerneqartussatut atorneqartussatut, nerisassiornermut, inuussutissanik piareersaanermut, illup iluani siunertanut allanut assigisaannullu atorneqartussamut imaluunniit atorneqarsinnaasumut pitsaassusissanut tunngasut aamma peqqinnissamut tunngasut pillugit aalajangersakkanik erseqqinnerusunik aalajangersaasinnaapput. Tamanna tassunga ilanngullugu tassaasinnaavoq sermeq imerlu atorneqartut, pilersitsinermut, suliarinninnermut imaluunniit tunisassianik asiunaveersaanermut inuussutissalerinermik suliaqarnermut imaluunniit akuutissanut aalajangersimasunut atugassanik tunisassiornermut atorneqartussatut naatsorsuutigineqartoq. Naalakkersuisut aamma tamanna pillugu atuinnissamut akuersissummi atugassarititaasunik aalajangersaasinnaapput.

Ilaatigut tamanna tappiorannartut aammalu akuutissat imaluunniit ataatsimut katersuunnerit annertussusaannut, peqqinnissamut navianartorsiortitsisartunut, assigisaannullu naliusunut killissaliussanut, tunngassuteqarsinnaavoq.

Naalackersuisut ilaatigut nalilersortariaqarpaat, imm. 3 malillugu aalajangersakkanik, imermik pilersuivinnut erngup imigassap pitsaassusia aamma imermik pilersuviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-meersumi pineqartunut ilaasunut aalajangersagaasunit atuuttunillu sukannernerusunik nammagassiinerusunillu, aalajangersaanissaq naapertuunnersoq. Ilaatigut nalilersorneqartariaqarpoq, sermimik imermillu atuinermut siunnersuummi § 4 malillugu atuinissamut akuersissut malillugu pisinnaatitsissummik pigisaqartumit atorneqartumut pitsaassutsinut tunngasunut aamma peqqinnissamut tunngasunut aammalu sermimik imermillu atuinermut siunnersuummi § 8 malillugu atuinissamut akuersissut malillugu pisinnaatitsissummik pigisaqartumit atorneqartumut pitsaassutsimut tunngasunut aamma peqqinnissamut tunngasunut piumasagaatit, assigiinngissuteqassanersut. Tamanna pillugu aalajangiineq pissutsinik attuumassuteqartunik tamaginnik ataatsimoortumik nalilersuineq tunngavigalugu aalajangiiffigineqartariaqarpoq. Pisut ilaanni pissutsit aalajangersimasut malitsigisinnaassavaat, pitsaassusissanut piumasagaatit, imermik pilersuivinnut aalajangersagaasunit atuuttunillu sukannernerusut nammagassiinerusullu pillugit imm. 3 malillugu aalajangersakkanik aalajangersaanissaq naleqqussinnaasoq naapertuussinnaallunilu.

Aalajangersakkami aammattaaq allassimavoq, Naalackersuisut sermimut imermullu, imigassatut atorneqartussatut, nerisassiornermut, inuussutissanik piareersaanermut, illup iluani siunertanut allanut assigisaannullu atorneqartussamut imaluunniit atorneqarsinnaasumut pitsaassusissanut tunngasut aamma peqqinnissamut tunngasut pillugit atugassarititaasunik erseqqinnerusunik aalajangersaasinnaasut. Tamanna ilaatigut tassaasinnaavoq sermeq imerlu atorneqartut, pilersitsinermut, suliarinninnermut imaluunniit tunisassianik asiunaveersaanermut inuussutissalerinermit suliaqarnermut imaluunniit akuutissanut aalajangersimasunut atugassanik tunisassiornermut atorneqartussat imaluunniit atorneqarsinnaasut.

Imm. 4-mut

Inatsisartut inatsisaannut atuuttumut sanilliullugu aalajangersagaq nutaajuvoq. Aalajangersagaq malillugu Naalackersuisut, sermeq imerlu atorneqartoq, imigassatut atuinermut, nerisassiornermut, inuussutissanik piareersaanermut, allanut illup iluani siunertanut assigisaannulluunniit atorneqartussaq imaluunniit atorneqarsinnaasoq pillugu pitsaassusissanut tunngasunik aamma peqqinnissamut tunngasunik nakkutiginninneq aamma pisinnaatitsissummik pigisaqartup nammineq nakkutiginninnera pillugit, aalajangersakkanik

erseqqinnerusunik aalajangersaasinnaapput. Tamanna ilaatigut tassaasinnaavoq sermeq imerlu atorpeqartut, pilersitsinermut, suliarinninnermut imaluunniit tunisassianik asiunaveersaanermut inuussutissalerinermik suliaqarnermut imaluunniit akuutissanut aalajangersimasunut atugassanik tunisassiornermut atorpeqartussat imaluunniit atorpeqarsinnaasut.

Naalackersuisut sermeq imerlu taamaattoq pillugu nakkutiginninnerup ingerlanneqartarnera pillugu aalajangersakkanik aalajangersaasinnaanannerannut, aalajangersakkami ilaatigut inatsimmi tunngavissaliisoqarpoq, ilanngullugu nakkutiginninnermut pisussanut pilersaarutiniq ilaalu ilanngullugit atuisarneq.

Aalajangersakkami aammattaaq Naalackersuisut pisinnaatitsissummik pigisaqartup sermimut aamma imermut nammineq nakkutiginninnera nakkutilliineralu pillugit aalajangersakkanik aalajangersaasinnaanannerannut, inatsimmi tunngavissaliisoqarpoq.

Naalackersuisut assersuutigalugu aalajangersakkanik EU-mi maleruagassanut, nunanut EU-mi ilaasortanut atuuttunut, aammalu erngup imigassap pitsaassusaanik nakkutiginninnermut nakkutilliinermullu suleriaatsinik aalajangersaaviusunut, assingusunik aalajangersaasinnaapput.

Aalajangersagaq malillugu Naalackersuisut atuinissamut akuersissummi atugassarititaasunik taamaattunik aalajangersaasinnaapput.

§ 18-imut

Imm. 1-imut

Aalajangersagaq malillugu siunnersuummi § 3 malillugu misissueqqaarnissamut akuersissummi aamma siunnersuummi §§ 4 aamma 8 malillugu atuinissamut akuersissummi atugassarititaasut ingerlaavartumik salinermut, eqqagassanik ilaalu ilanngullugit eqqaasarnermut sumiiffinni kalluarneqartuni pisinnaatitsissummik pigisaqartup suliarisassaannut maleruagassiiviusut, aalajangersarneqassapput. Pisinnaatitsissummik pigisaqartup salinissamut pisussaaffii pinngitsooratik pisussaasut pillugit atugassarititaasunik aalajangersaanissaq, aalajangersakkami qulakkeerneqarpoq.

Imm. 2-mut

Atuinissamut akuersissutinut aammattaaq ingerlatat unitsinneqarnerannut atatillugu salinissaq pillugu atugassarititaasut aalajangersarneqassapput, ilanngullugu sanaartukkat, ikkussuinerit ilaalu ilanngullugit, akuersissut malillugu ingerlatanut atugassatut

pilersinneqarsimasut, peerneqarnissaat. Saliineq aammalu sanaartukkanik ilaalu ilanngullugit piiaaneq unitsitsinissamut pilersaarummut siunnersuummi § 15 malillugu suliarineqartumut akuerineqartumullu naapertuuttumik suliarineqassapput.

Aalajangersakkami allassimavoq, siunnersuummi § 3, § 4 imaluunniit § 8 malillugu akuersissummi, pisinnaatitsissummik pigisaqartup ingerlatat unitsinneqarneranni siunnersuummi § 15 malillugu unitsitsinissamut pilersaarummut naapertuuttumik sumiiffinni kallarneqartuni saliinissamik aammalu sanaartukkanik akuersissut malillugu pilersinneqarsimasunik piiaanissamut pisussaaffeqarnera pillugu atugassarititaasut aalajangersarneqassasut.

Pisinnaatitsissummik pigisaqartup saliinissamut pisussaaffeqarnera pinngitsoorani pisussaasoq pillugu atugassarititaasunik aalajangersaanissaq, aalajangersakkami qulakkeerneqarpoq.

Atugassarititaasunik, taanna malillugu pisinnaatitsissummik pigisaqartup sanaartukkanik isumaqatigiissuteqarneq malillugu Namminersorlutik Oqartussanut, kommunimut imaluunniit pisinnaatitsissummik pigisaqartumut nutaamut tunniussimasaannik piiaanngissinnaalluni, aalajangersaanissaq aalajangersakkami akornuserneqanngilaq.

Sumiiffinni kallarneqartuni iluarseeqinnissaamut, pisinnaatitsissummik pigisaqartup ingerlaavartumik saliinissamut pisussaaffeqarnera apeqqutaatinnagu, sanaartukkanik pilersinneqarsimasunik piiaanermut ilanngullugu annertunerusumik saliisoqarnissaa, nalinginnaasumik pisariaqartussaavoq,.

Imm. 3-imut

Aalajangersagaq Inatsisartut inatsisaanni § 13, imm. 3-imi aalajangersakkamik ingerlatitseqqiineruvoq.

Aalajangersakkami allassimavoq, pisinnaatitsissummik pigisaqartup siunnersuummi § 17, imm. 2 malillugu pisussaaffiisa naammassineqarnissaasa qulakkeerneqarnissaanut, siunnersuummi § 3, § 4 imaluunniit § 8 malillugu akuersissummi atugassarititaasunik aalajangersaasoqassasoq, ilanngullugu tamakkiisumik ilaannaasumilluunniit qularnaveeqqusiinissaq pillugu atugassarititaasut.

Aalajangersagaq malillugu taamaalilluni atuinissamut akuersissummi, pisinnaatitsissummik pigisaqartup ingerlatat unitsinneqarneranni sanaartukkanik pilersinneqarsimasunik piiaanissamut aammalu saliinermik suliaqarnissamut pisussaaffeqarnerata qulakkeernissaanut, atugassarititaasunik aalajangersaasoqassasoq. Ilanngullugu tamakkiisumik

ilaannaasumilluunniit qularnaveeqqusiinissaq pillugu atugassarititaasut aalajangersarneqassapput. Aalajangersakkami assersuutigalugu Naalakkersuisut aningaaserivimmi qularnaveeqqusiinissaq pillugu imaluunniit ingerlatseqatigiiffiup sinneqartoorutaasa ilaannik iluarseeqqinnissamut aningaasaateqarfimmut assigisaanulluunniit ukiumoortumik illuartitsarnissaq pillugu atugassarititaasunik aalajangersaanissaat periarfissiissutigineqarpoq.

§ 19-imut

Aalajangersagaq Inatsisartut inatsisaanni § 14-imi aalajangersakkamik ingerlatitseqqiineruvoq itisiliinerullunilu.

Aalajangersagaq malillugu Naalakkersuisut siunnersuummi § 3, § 4 imaluunniit § 8 malillugu akuersissuummi pisinnaatitsissummik pigisaqartup saniatigut allat sumiiffiup akuersissuteqarfiusup iluani ingerlatanik suliaqarnissamut periarfissaqarnerat pillugu atugassarititaasunik aalajangersaasinnaapput. Atugassarititaasuni aalajangersarneqarsinnaavoq, pisinnaatitsissummik pigisaqartup saniatigut allat pisinnaatitsissummik pigisaqartup akuersissuteqarfiata sumiiffiata iluani nammineq atugassaminnik sermimit imermillu isumalluutinit atuinissamut periarfissaqassasut.

Tamatumunnga assersuutitut taaneqarsinnaapput illoqarfimmi illoqarfiit aamma illut ataasiakkaat, sumiiffimmit imermik atuisut, aammalu sumiiffimmi nalinginnaasumik angalaarneq, ilanngullugit paasisassarsiornerit aamma takornariat. Aamma aatsitassanut suliassaqarfiup iluani ingerlatat sumiiffimmit imermik pisariaqartitsisinnaapput, ilanngullugit aatsitassanik aamma ikummatissiassanik misissuinermut piiaanermullu tunngatillugu ingerlatat.

Tamatumunnga atugassarititaasut akuersissutini ataasiakkaani aalajangersarneqarsinnaapput, ilaatigut sumiiffiup akuersissuummi ilaatinneqartup annertussusaa inissisimaffialu eqqarsaatigalugit.

§ 20-mut

Aalajangersagaq Inatsisartut inatsisaanni § 15-imi aalajangersakkamik ingerlatitseqqiineruvoq.

Aalajangersagaq malillugu siunnersuummi § 3, § 4 imaluunniit § 8 malillugu akuersissutip annaaneqartarnera utertinneqartarneralu pillugit atugassarititaasunik Naalakkersuisut aalajangersaassapput.

Piginnaatitaaffinnik annaasaqarneq aamma utertitsineq pillugit atugassarititaasunik aalajangersaaneq, pissutsit attuumassuteqartut tamaasa ataasiakkaatigut nalilersorneqarnerat tunngavigalugu pissaaq.

Piginnaatitaanermik annaasaqarnermut taamaalillunilu akuersissutip atorunnaarneranut, aallaaviatigut siunnersuummi tamanna pillugu aalajangersakkanik aalajangersaasoqarsimanissaa imaluunniit akuersissummi tamanna pillugu atugassarititaasunik aalajangersaasoqarsimanissaa, pisariaqarpoq. Pisinnaatitsissummik pigisaqartup akuersissummi atugassarititaasut imaluunniit akuersissuteqarnermi atugassarititaasut malillugit pisussaaffiit ilaannik aalajangersimasunik imaluunniit pisussaaffinnik tamaginnik sumiginnaanera, akuersissutip annaaneqarneranik taamaalillunilu atorunnaarneranik malitseqassasoq, akuersissummi atugassarititaasuni aalajangersarneqartuni erseqqissarneqartariaqarpoq. Aammattaaq siunnersuut malillugu akuersissutip annaaneqarnera akuersissummi imaluunniit akuersissuteqarnermi atugassarititaasut sumiginnarneqarnerisa kingorna ingerlaannaq pissasoq, pillugu atugassarititaasunik aalajangersaasoqarsinnaavoq.

Naalackersuisut aallaaviatigut pisinnaatitsissummik pigisaqartup siunnersuummi aalajangersagaq malillugu akuersissutip imaluunniit akuersissummi atugassarititaasut atuutsiinnarnissaannut piumasaqaatit naammassisimangippagit, imaluunniit utertitsinissamut pisinnaatitaaneq akuersissummi atugassarititaasut malillugit atuussimappat, aatsaat akuersissut utertissinnaavaat.

Aalajangersagaq malillugu Naalackersuisut aammattaaq, atuinissamut akuersissut malillugu misissueqqaarnissamut akuersissutip annaareernerata imaluunniit utertinneqareernerata kingorna pisinnaatitsissummik pigisaqartup pisussaaffii qanoq annertutigisumik atuutiinnassanersut, pillugu atugassarititaasunik aalajangersaasinnaapput.

Akuersissutip tunniunneqarnerani, qanoq pisoqarnerani akuersissut utertinneqarsinnaanersoq aammalu pisinnaatitsissummik pigisaqartup akuersissutip annaareernerani imaluunniit utertinneqareernerani pisussaaffii suut atuutiinnassanersut, pillugu atugassarititaasunik aalajangersaareertarnissap qulakkeerneqarnissaa, aalajangersakkami siunertaavoq. Assersuutigalugu akuersissutip annaaneqarnerani imaluunniit utertinneqarnerani pisinnaatitsissummik pigisaqartoq siunnersuummi § 15 malillugu unitsitsinissamut pilersaarutip piviusunngortittussaanageranik pisussaaffeqarunnaarsinneqanngitsoq, pillugu atugassarititaasut aalajangersarneqarsinnaapput.

§ 21-mut

Aalajangersagaq Inatsisartut inatsisaanni § 16-imi aalajangersakkamik ingerlatitseqqiineruvoq itisiliinerullunilu.

Aalajangersakkami Naalackersuisut misissueqqaarnissamut akuersissummi aamma atuinissamut akuersissummi isumaqatigiissitsiniartarnek pillugu atugassarititaasunik erseqqinnerusunik aalajangersaanissaat inatsimmi tunngavissalerneqarpoq.

Aalajangersagaq malillugu Naalackersuisut aamma pisinnaatitsissummik pigisaqartup akornanni akuersissut imaluunniit ingerlatat imaluunniit akuersissummut atatillugu pissutit pillugit aaqqiagiinngissuteqarnerit eqqartuussivimmi isumaqatigiissitsiniartartumut suliaqqiinneqarsinnaasut imaluunniit suliaqqiinneqassasut aalajangiiffigineqarsinnaasullu imaluunniit aalajangiiffigineqassasullu, pillugu atugassarititaasunik Naalackersuisut aalajangersaasinnaapput. Taamaattoqarsimappat eqqartuussiviup isumaqatigiissitsiniartartup aalajangiinera inaarutaasuusaaq aammalu qaffasinnerusumut suliaqqiinneqarsinnaassanani.

Isumaqatigiissitsiniarnermik atuinissamik periarfissaqarneq pillugu aalajangersakkami ilaatigut, aaqqiagiinngissutaasimasinnaasut sukkasuumik aammalu inunnit suliaasaqarfiup iluani immikkut ilisimasaqartunit aalajangiiffigineqarsinnaanissaat, periarfissiissutigineqarpoq. Akuersissummi Naalackersuisut aamma eqqartuussiviup isumaqatigiissitsiniartartup pilersinneqarnera, katitigaanera, inatsisinik toqqaasarneq aamma isumaqatigiissitsiniarnermi suliaassat suliarineqartarnerat ilaalu ilanngullugit pillugit atugassarititaasunik aalajangersaasinnaapput.

§ 22-mut

Imm. 1-imut

Aalajangersagaq Inatsisartut inatsisaanni § 17, imm. 1-imi uniffimmi siullermi aalajangersakkamik ingerlatitseqqiineruvoq erseqqissaanerullunilu.

Aalajangersagaq malillugu Naalackersuisut pisinnaatitsissummik pigisaqartut allallu ingerlataannik aammalu pissutsinik siunnersuummi pineqartunut ilaasunik nakkutilliisussaapput.

Aalajangersakkami qulakkeerneqarpoq, pisinnaatitsissummik pigisaqartup allallu suliami pineqartut pisinnaatitsissummik pigisaqartumit allaanerusut, ingerlataqarnerat aammalu pissutsit atugaat siunnersuummi pineqartunut ilaasut, siunnersuummut aamma aalajangersakkanut aamma atugassarititaasunut siunnersuut malillugu aalajangersagaasunut naapertuuttumik iliuseqarnerisa nakkutigineqarnissaa.

Tamanna inatsisit allat malillugit pisussaappat, kommuni aamma taamatut nakkutilliisinaavoq nakkutiginnissinnaallunilu. Assersuutigalugu avatangiisinik allanngutsaaliuineq pillugu Inatsisartut inatsisaat malillugu kommunalbestyrelsi nakkutilliisuvoq.

Imm. 2-mut

Aammattaaq aalajangersagaq malillugu Naalakkersuisut siunnersuutip aamma aalajangersakkat aamma atugassarititaasut siunnersuut malillugu aalajangersagaasut naammassineqarnissaat aammalu taakkua malillugit pisussaaffiit naammassineqarnissaat pillugit aalajangiisinaasut, ilanngullugu peqqusissuteqarsinnaallutik.

Nakkutilliinermi, misissuinermi allatulluunniit paasineqarpat, siunnersuut imaluunniit aalajangersakkat aamma atugassarititaasut siunnersuut malillugu erseqqinnerusumik aalajangersagaasut unioqqutinneqartut, siunnersuut imaluunniit aalajangersakkat aamma siunnersuummi atugassarititaasut unioqqutinneqartut malinneqassasut Naalakkersuisut aalajangiisinaapput, ilanngullugu peqqusissuteqarsinnaallutik.

Inatsit malillugu Naalakkersuisut taamaalillutik pisinnaatitsissummik pigisaqartunut aamma allanut Inatsisartut inatsisaanni pineqartunut ilaasunut peqqusissuteqarsinaapput.

Aalajangersagaq malillugu nakkutilliinermi aamma nakkutiginninneq § 17-imi taaneqartoq pineqartunut ilaavoq. Naalakkersuisut taamaalillutik pisinnaatitsissummik pigisaqartup ilaatigut sermimut imermullu imigassatut, nerisassiornermut ilaalu ilanngullugit atorneqartussamut imaluunniit atorneqarsinnaasumut pitsaassutsimut tunngasut aamma peqqinnissamut tunngasut pillugit atugassarititaasut aalajangersagaasut malinnerai, nakkutigisussaavaat.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu Naalakkersuisut siunnersuutip atuuffissaasa iluanni suliassat namminersortunut imaluunniit nunatsinni oqartussanut sullissivinnullu allanut inississinnaavaat. Taakkua tamatuma kingorna aalajangersimasumik annertussusilimmik siunnersuutip atuuffissaasa iluanni nakkutilliinermik suliaqarneq, nakkutiginninnermik suliaqarneq aamma paasissutissiinermik suliaqarneq ingerlassinnaavaat.

Taamaalilluni aalajangersagaq malillugu Naalakkersuisut assersuutigalugu sermimik imermillu imigassatut, nerisassiornermut, inuussutissanik piareersaanermut, allanut illup iluani siunertanut assigisaannulluunniit atorneqartussamik imaluunniit atorneqarsinnaasumik

atuinnermi pitsaassusissanut tunngasut aamma peqqinnissamut tunngasut pillugit nakkutiginninnermi suliassat namminersortunut imaluunniit nunatsinni oqartussanut sullissivinnullu allanut inississinnaavaat. Ilaatigut tamanna tassaasinnaavoq sermeq imaluunniit imeq atorpeqartoq, tunisassianik imaluunniit akuutissanik inuussutissanik tunisassiornermut atorpeqartussanik sanaartornermut, suliarinninnermut imaluunniit asiunaveersaanermut inuussutissalerinermik ingerlataqarnernut atorpeqartussaq imaluunniit atorpeqarsinnaasoq.

Imm. 4-mut

Aalajangersagaq Inatsisartut inatsisaanni § 17, imm. 1-imi uniffiit aappaanni aalajangersakkamik ingerlatitseqqiineruvoq erseqqissaanerullunilu.

Aalajangersagaq malillugu nakkutilliinnermut oqartussat aamma nakkutiginninnermut oqartussat sulisui aamma imm. 2-mi aalajangersagaq malillugu inuit tamatumunnga immikkut piginnaatinneqartut, sukkulluunniit eqqartuussivimmi aalajangiinertaqannigsumik aammalu peqqissaartumik kinaassutsiminnik takutitsillutik suliffeqarfiup ingerlatallu ilaannut tamaginnut isersinnaatitaapput. Taamaattoq suliffeqarfimmut ingerlatanullu isersinnaaneq taanna, suliffeqarfiup ingerlataannik siunnersuummi pineqartunut ilaasunik nakkutilliinermik imaluunniit nakkutiginninnermik isumaginninnermut pisariaqartillugu taamaallaat atorpeqartussaataitaavoq.

Oqaaseq "sulisut nakkutilliisutut sulisutut" uppernarsaasinnaasut killeqartuinnaat, aalajangersagaq taanna malillugu isernissaminnik piumasaqarsinnaanerit erseqqissarniarlugu, "Naalakkersuisut" atornissaanut taarsiullugu "nakkutilliinnermut oqartussat sulisui" atorpeqartussatut toqqarneqarpoq.

Nakkutilliineq assersuutigalugu, pisinnaatitsissummik pigisaqartoq sioqqutsisumik ilisimateqqaarnagu ingerlanneqarluni, misissugassanik tigusilluni misissuinikkut ingerlanneqarsinnaavoq. Nakkutilliineq aamma tamanna sivikitsumik piffissaliilluni ilimasaarinikkut imaluunniit akuttunngitsumik, pisarneq malillugu misissuinikkut ingerlanneqarsinnaavoq. Nakkutilliinnermut oqartussat aamma nakkutiginninnermut oqartussat sulisui aamma inuit tamatumunnga immikkut piginnaatitaasut, aamma matuma siuliani taaneqartut saniatigut allatut ilusilinnik nakkutilliinernik aamma nakkutiginninnermik ingerlatsisinnaapput.

§ 23-mut

Imm. 1-imut

Aalajangersagaq malillugu Naalakkersuisut pisinnaatitsissummik pigisaqartup imaluunniit

alla siunnersuummi pineqartunut ilaasup peqqusissuteqarneq Naalakkersuisunit nalunaarutigineqartoq malinngippagu, Naalakkersuisut ingerlatanik imaluunniit iliuusissanik aalajangersimasunik suliaqarsinnaapput. Naalakkersuisut ingerlatassat imaluunniit iliuusissat taakkua pisinnaatitsissummik pigisaqartup imaluunniit suliami pineqartup allap akiligassaanic annaasaqaatigisinnaasaanillu suliaritissinnaavaat.

Aalajangersakkami qulakkeerneqarpoq, ingerlatassanik imaluunniit iliuusissanik pisinnaatitsissummik pigisaqartumit imaluunniit allamit siunnersuummi pineqartunut ilaasumit suliarineqanngitsoortunik, tamatuminnga peqqusissuteqareernerup kingorna aammalu peqqusissuteqarneq naammassineqanngippat, Naalakkersuisut suliaqarsinnaanerit. Taamaattoqarpat Naalakkersuisut, ingerlatassat imaluunniit iliuusissat pisinnaatitsissummik pigisaqartup imaluunniit allap suliami pineqartup akiligaanic annaasaqaatigisinnaasaanillu, suliaritissinnaavaat. Assersuutigalugu pisinnaatitsissummik pigisaqartup iliuusissat piviusunngortinneqarnissat pillugu peqqusissuteqarneq naammassisimannngippagu, Naalakkersuisut ilaatigut avatangiisinut isumannaallisaanermullu tunngasut pillugit atugassarititaasut siunnersuummi § 17 malillugu akuersissummi aalajangersagaasut, piviusunngortissinnaavaat.

Aalajangersagaq malillugu, pisinnaatitsissummik pigisaqartup § 22, imm. 1 malillugu peqqusissuteqarneq malinngippagu, pisinnaatitsissummik pigisaqartup imaluunniit allap suliami pineqartup ingerlatat akuersissummi imaluunniit siunnersuummi pineqartunut ilaasut piaartumik imaluunniit piffissamut killiliussap aalajangersimasup iluani unitsinneqassasut, Naalakkersuisut peqqusissuteqarsinnaapput. Peqqusissuteqarneq naammassineqarpat aatsaat ingerlatat suliareqqinneqarsinnaalissapput.

Aalajangersakkami aammattaaq, sermeq aamma imeq atorneqartoq nalunaaqutsersorneqassasoq, imerneqarsinnaajunnaarsinneqassasoq, arsaarinnissutigineqassasoq imaluunniit suujunnaarsinneqassasoq, aammalu pisinnaatitsissummik pigisaqartup sermeq aamma imeq atorneqartoq kaaviiartitsivinni kingullermit utertissagaa, imaluunniit pisinnaatitsissummik pigisaqartup sermimik imermillu atuneq imaluunniit tuniniaaneq unitsikkallassagaa, pillugu peqqusissuteqarnissamut Naalakkersuisut periarfissinneqarput.

Aalajangersagaq ilaatigut sermimut imermullu atorneqartumut, imigassatut, nerisassiornermut, inuussutissanik piareersaanermut, allanut illup iluani siunertanut assigisaannulluunniit atorneqartussamut imaluunniit atorneqarsinnaasumut immikkut pingaaruteqarsinnaavoq, tassani ilaallutik sermeq imaluunniit imeq atorneqartoq, tunisassianik imaluunniit akuutissanik atugassanik tunisassiornermut atorneqartussanik sanaartornermut, suliarinninnermut imaluunniit asiunaveersaanermut inuussutissalerinermit

ingerlataqarnermut atorneqartussaq imaluunniit atorneqarsinnaasoq. Sermeq imaluunniit imeq atorneqartoq, imerneqartussatut, nerisassiornermut, inuussutissanik piareersaanermit, allanut illup iluani siunertanut assigisaannulluunniit atorneqartussaq imaluunniit atorneqarsinnaasoq, imigassatut atorneqarnissamut ilaalu ilanngullugit aarlerinaateqartoq imaluunniit allatut naleqqutinngitsoq paasineqarpat, Naalakkersuisut immikkut annertusisamik peqqusissuteqarnissaat pisariaqarpoq naleqqullunilu.

Imm. 2-mut

Aalajangersakkami allassimavoq, § 22, imm. 1 malillugu peqqusissuteqarneq pisinnaatitsissummik pigisaqartup taarsiivigineqarsinnaatitaaneramik imaluunniit Naalakkersuisunut allanik piumasaaqateqarsinnaatitaaneramik imaluunniit piginnaatitaaneramik, malitseqassanngitsoq.

§ 24-mut

Imm. 1-imut

Aalajangersagaq Inatsisartut inatsisaanni § 18, imm. 1-imi aalajangersakkamik ingerlatitseqqiineruvoq.

Aalajangersakkami aalajangersarneqarpoq, pisinnaatitsissummik pigisaqartut aamma suleqataasut allat, ingerlataat akuersissummi imaluunniit siunnersuummi matumani pineqartunut ilaasut, ingerlataqarnertik pillugu paasissutissanik pisariaqartunik Naalakkersuisunut aamma oqartussanut allanut tunniussinissamik pisussaaffeqartut. Paasissutissiinissamik pisussaaffeqarnermi paasissutissat uppernarsaatillu pineqartunut ilaapput, ilanngullugit elektroniskimik paasissutissat aamma uppernarsaatit.

Aalajangersakkami taamaalilluni pisinnaatitsissummik pigisaqartut aamma allat siunnersuummi matumani pineqartunut ilaasut paasissutissiisussaataitanermik pisussaaffilerneqarput.

Aalajangersakkami paasissutissat, assersuutigalugu siunnersuut manna malillugu akuersissummik qinnuteqaatip suliarineqarneranut atatillugu oqartussat suliarinninnerannut pisariaqartut imaluunniit paasissutissat siunnersuut manna malillugu ingerlatanik nakkutilliinermut atugassat, pineqartunut ilaapput.

Naalakkersuisut aalajangersagaq malillugu, inuit imaluunniit pisinnaatitaallutillu pisussaataasut aalajangersakkami pineqartunut ilaasut paasissutissanik, Naalakkersuisut suliassamik nalilersuinerannut atugassatut Naalakkersuisunit pisariaqartinneqartunik, nassiussinissamik pisussaaffiliinissaannut periarfissiisoqarpoq. Nassiussineq

aalajangersimasumik ilusilimmik pissasoq, ilanngullugu CD-ROM-imi, elektroniskimik paasissutissat filimiitillugit imaluunniit allatut immiullugit, aalajangernissaanut periarfissaqarput.

Imm. 2-mut

Aalajangersagaq Inatsisartut inatsisaanni § 18, imm. 2-mi aalajangersakkamik ingerlatitseqqiineruvoq.

Aalajangersagaq pisinnaatitsissummik pigisaqartut Naalackersuisunut nalunaarusiortarnissaannut tunngassuteqarpoq.

Aalajangersagaq malillugu pisinnaatitsissummik pigisaqartoq ukiut tamaasa siunnersuut malillugu ingerlatat suliarineqartut aammalu ingerlatat inernerit pillugit ataatsimik arlalinnilluunniit nalunaarusianik tunniussisassaaq, ilanngullugit ingerlatat avatangiisinut sunniinerat pillugu. Tamanna pissaaq tamatumunnga nalunaarusianik ataatsimik arlalinnilluunniit Naalackersuisunut tunniunnerisigut.

Tassani nalunaarusiornerit akulikissusaannut piumasaqaatit minnerpaaffissaat pineqarput. Taamaattumik Naalackersuisut aalajangersagaq malillugu nalunaarusiornerit akulikissusissaat pillugu atugassarititaasunik akuersissummi aalajangersaasinnaapput. Aammattaaq paasissutissanik uppersaatinillu Naalackersuisunut tunniussisarneq pillugu atugassarititaasunik erseqqinnerusunik allanik akuersissummi aalajangersaasoqarsinnaavoq, ilanngullugu assersuutigalugu nalunaarusiornerit inerniliussallu ilaalu ilanngullugit ilusissaat, imarisassaat, isertuussassaanerat pillugu.

Imm. 3-mut

Aalajangersagaq Inatsisartut inatsisaanni § 18, imm. 3-mi aalajangersakkamik ingerlatitseqqiineruvoq.

Aalajangersagaq malillugu, pisinnaatitsissummik pigisaqartup, taassuma nioqqutissanik kiffartuussissutinillu pilersuisuata ingerlatat aamma avammut nioqquteqarneq akuersissummi imaluunniit siunnersuummi pineqartunut ilaasut pillugit paasissutissanik uppersaatinillu tunniussinissaa qulakkiissagaa, Naalackersuisut aalajangersinnaavaat. Naalackersuisut atugassarititaasunik erseqqinnerusunik akuersissummi imaluunniit akuersissuteqarnermi aalajangersaasinnaapput imaluunniit tamanna pillugu aalajangiisinnaallutik.

Aalajangersakkami pisinnaatitsissummik pigisaqartup nioqqutissanik kiffartuussissutinillu ilaalu ilanngullugit pilersuisui, taamaalillutillu aamma isumaqatigiissuteqarfigineqartut isumaqatigiissuteqarfigisai aammalu isumaqatigiissuteqarfigineqartut isumaqatigiissuteqarfigisaasa isumaqatigiissuteqarfigisai ilaalu ilanngullugit, pineqartunut

ilaapput.

Imm. 4-mut

Aalajangersagaq Inatsisartut inatsisaanni § 18, imm. 4-mi aalajangersakkamik ingerlatitseqqiineruvoq.

Siunnersuummi imm. 3-mi aalajangersagaq malillugu, pisinnaatitsissummik pigisaqartup, taassuma nioqqutissanik kiffartuussissutinillu pilersuisua, ingerlatat aamma avammut nioqquteqarneq akuersissummi imaluunniit siunnersuummi pineqartunut ilaasut, qulakkiissagai Naalackersuisut aalajangersinnaavaat.

Imm. 4-mi aalajangersagaq, pisinnaatitsissummik pigisaqartup nioqqutissanik kiffartuussissutinillu pilersuisui ingerlatat aamma avammut nioqquteqarneq akuersissummi imaluunniit siunnersuummi pineqartunut ilaasut pillugit paasissutissanik uppersaatinillu tunniussissasut, Naalackersuisut nalunaarutikkut erseqqinnerusunik aalajangersakkanik aalajangersaanissaannut tamatuminngalu aalajangiinissaannut, inatsimmi tunngavissamik imaqarpoq.

Aalajangersakkami pisinnaatitsissummik pigisaqartup nioqqutissanik kiffartuussissutinillu ilaalu ilanngullugit pilersuisui, taamaalillutillu aamma isumaqatigiissuteqarfigineqartut isumaqatigiissuteqarfigisai aammalu isumaqatigiissuteqarfigineqartut isumaqatigiissuteqarfigisaasa isumaqatigiissuteqarfigisai ilaalu ilanngullugit, pineqartunut ilaapput.

Paasissutissanik uppersaatinillu tunniussinissamik pisussaaffeqarnermi, ingerlatat aamma avammut nioqquteqarneq akuersissummi siunnersuummi § 3, § 4 imaluunniit § 8 malillugu tunniunneqartumi pineqartunut ilaasut aamma ingerlatat aamma avammut nioqquteqarneq, akuersissummik pisariaqartitsiviunngitsunik suliarineqartut, siunnersuummi pineqartunut ilaasut, pineqartunut ilaapput.

Imm. 3-mi aalajangersagaq malillugu Naalackersuisut paasissutissat imaluunniit uppersaatiit attuumassuteqartut piniarsinnaappatigit, tamannalu nakkutiginninnerup sunniuteqarluarnerani aamma nakkutilliinerup sunniuteqarluarnerani annertuunik annaasaqaataannngitsunik pisinnaappat, periaaseq taanna malinneqartariaqarpoq. Naalackersuisut ataatsimut isigalugu § 24, imm. 4-mi aalajangersakkap atornissaa tunuarsimaarfigisariaqarpaat.

Imm. 5-imut

Aalajangersagaq Inatsisartut inatsisaannut atuuttumut sanilliullugu nutaajuvoq.

Inatsisit sunniuteqarluartumik, ataqatigilluartumik paasiuminartumillu allaffissornikkut aqunneqarnissaata qulakkeernissaa, Naalakkersuisut ataatsimut isigalugu tunngaviummik pingaartippaat. Tamanna aamma siunnersuut manna malillugu akuersissummik tunniussisarnermut tunngatillugu atuuppoq.

Taamaattoq aalajangersagaq malillugu pisuni aalajangersimasuni, suliffeqarfiit aamma inuit siunnersuut malillugu akuersissummik qinnuteqarnissamik isumaliutersuuteqartut eqqarsaatigineqarnissaat isumaginiarlugu, isertuussinissaq pillugu Naalakkersuisut aalajangiisinnaapput. Pisuni aalajangersimasuni, soqutiginninneq paasinarsisinniarlugu aammalu suliap ingerlanerata ingerlaqqinnissaa siuarsarniarlugu, suliffeqarfiit aamma inuit siunnersuut malillugu qinnuteqarnissamik aallarniutaasumik isumaliutersuuteqarnissaasa eqqarsaatigineqarnissaa pingaaruteqartarpoq. Taamaaliornikkut isertuussinissamik periarfissaqarnermi aamma inuiaqatigiit aningaasaqarnikkut ineriartortinneqarnissaasa eqqarsaatigineqarnissaa, isumagineqartarpoq.

Aalajangersagaq, pissutsit suliame pineqartup akuersissummik tunineqarnissaq pillugu qinnuteqaammik tunniussisinnaaneranut tunngasut oqallisigineqarneranni atorneqassaaq, qinnuteqaat § 3 malillugu misissueqqaarnissamut akuersissummut imaluunniit § 4 imaluunniit § 8 malillugu atuinissamut akuersissummut tunngassuteqarnersoq apeqqutaanani. “Akuersissummik qinnuteqaat” paasineqassaaq tassaasoq, siunnersuut malillugu akuersissummik tunineqarnissamik qinnuteqaammik tunniussineq.

Isertuussinissaq, suliame pineqartup akuersissummik tunineqarnissamik qinnuteqaammik tunniussisinnaanera pillugu suliame pineqartup aamma Naalakkersuisut oqaloqatigiinnerannut atatillugu, paasissutissanut allakkianullu suliarineqartunut, tunniunneqartunut imaluunniit Naalakkersuisunit tiguneqartunut tunngassuteqarpoq.

Aalajangersakkami paasissutissat allakkiallu, Naalakkersuisuni iluminni atugassatut suliarineqartut aamma paasissutissat allakkiallu Naalakkersuisut aamma suliame pineqartup akornanni paarlaasseqatigineqartut, pineqartunut ilaapput, paasissutissat imaluunniit allakkiat Naalakkersuisunit imaluunniit suliame pineqartumit suliarineqarsimanerat imaluunniit taakkunanngaaneernerat apeqqutaanani.

Aalajangersagaq malillugu, suliame pineqartup Naalakkersuisunik oqaloqateqarnerata aallartinnissaa sioqqullugu, aammalu Naalakkersuisut aamma suliame pineqartup akornanni oqaloqatigiinnerup aallartinnerani, paasissutissat allakkiallu pillugit isertuussinissaq pillugu Naalakkersuisut aalajangiisinnaapput.

Isertuussinissami pineqartup suliame pineqartup aallarniutaasumik soqutigisaannik paasinarsisitsiniarnermut atatillugu paasissutissat allakkiallu, soorlu assersuutigalugu

siunnersuut, nalunaarutit inatsimmi tunngaveqartumik aalajangersagaasut, akuersissummut atugassarititaasut imaluunniit allatigut killissaliussani atugassarititaasut malillugit aalajangersakkat pillugit paasinarsisitsiniarneq. Isertuussinissaq aamma assersuutigalugu aallarniutaasumik misissuinerit aamma Naalakkersuisunik oqaloqateqarnermut atatillugu attaveqatigiinnermut aamma paasissutissanik tunniussinnermut, qinnuteqaammi siunertaasooq paasinarsisinniarlugu Naalakkersuisunut suliami pineqartup atugassiissutigisaannut, tunngassuteqarsinnaavoq.

Isertuussinissaq paasissutissanut allakkianullu, qinnuteqaammik tunniussisinnaaneq pillugu aallarniutaasumik oqaloqatiginninnermut atatillugu suliarineqartunut, tunniunneqartunut imaluunniit Naalakkersuisunit tiguneqartunut, tunngassuteqarpoq.

Taamaattumik isertuussinissaq paasissutissanut allakkianullu, tamatuma kingorna qinnuteqaammik tunniussisoqarneranut atatillugu suliarineqartunut, tunniunneqartunut imaluunniit Naalakkersuisunit tiguneqartunut, tunngassuteqanngilaq.

Isertuussinissaq pillugu Naalakkersuisut aalajangiisimappata, paasissutissanik allakkianillu taakkunanga pissarsiniarneq aamma allagaatinik takunninnissaq pillugu qinnuteqaat Naalakkersuisut itigartissavaat.

Isertuussinissaq pillugu Naalakkersuisut aalajangiisimappata, paasissutissanik allakkianillu pineqartunut ilaasunik isertuussinissaq, suliami pineqartup misissuinerisa aamma Naalakkersuisunik oqaloqateqarnerisa kingorna ukiut 3-t qaangiunneranni atorunnaassaaq. Suliami pineqartup misissuineri aamma Naalakkersuisunik oqaloqateqarneri unissapput, suliami pineqartoq siunnersuut malillugu akuersissummik tunineqarnissamik qinnuteqaammik tunniussippat, imaluunniit suliami pineqartup taamatut qinnuteqaammik tunniussiniarani Naalakkersuisut nalunaarfigippagit. Akuersissummik tunineqarnissaq pillugu qinnuteqaammik tunniussisoqarsimangikkaluartoq aammalu suliami pineqartoq qinnuteqaammik tunniussisoqassanngitsoq oqariartuuteqarsimangikkaluartoq, suliami pineqartup misissuineri aamma Naalakkersuisunik oqaloqateqarneri unittut, aalajangiinissamut Naalakkersuisut missingersuinissamut piginnaatitaapput. Suliami pineqartup misissuinerit aamma Naalakkersuisunik oqaloqateqarnerit naamassereersimanerai, tamanna pillugu Naalakkersuisut aalajangiinissaat sioqqullugu, Naalakkersuisut suliami pineqartumut naleqquttumik sutigut tamatigut misiliisimassapput. Tamatumani allaffissornermi suliami paasissutissiinissap isumagineqarnissaa pisussaaffigineqartoq, tunngavigineqarpoq, aamma taaneqartartoq pisortani tunngaviusooq.

Isertuussinerup atorunnaarnerata kingorna tamat paasissutissanik allakkianillu pissarsisinnaanerit, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq kingusinnerusukkut allannguuteqartartoq aamma pisortat ingerlatsineranni suliassat suliarineqartarnerat pillugu Inatsisartut inatsisaat

nr. 8, 13. juni 1994-imeersoq kingusinnerusukkut allannguuteqartartoq malillugit allagaatinik takunninnissaq pillugu maleruagassanit nalinginnaasunit maleruagassaqartinneqassaaq.

§ 25-mut

Imm. 1-imut

Aalajangersagaq Inatsisartut inatsisaanni atuuttumi § 26-mik ingerlatitseqqiineruvoq itisiliinerullunilu.

Aalajangersagaq, Kalaallit Nunaanni sermimit isumalluutininik aamma imermit isumalluutininik atuinnermut akiliummik akiliuteqarnissamik Naalakkersuisut piumasaqaateqarsinnaanerannut inatsimmi tunngavissamik, imaqarpoq. Aalajangersagaq ataatsimut isigalugu aatsitassanut ikummatissanullu inatsimmi § 17, imm. 1-imut assinguvoq.

Siunnersuummi § 25, imm. 1-imi aalajangersagaq malillugu, Naalakkersuisut akiliutininik erseqqinnerusumik aalajangerneqartunik ataatsimik arlalinnilluunniit akiliinissaq pillugu atugassarititaasunik aalajangersaasinnaapput. Atugassarititaasut taamaattut atuinissamut akuersissummi imaluunniit atuinissamut akuersissummut tapiliussami aalajangersarneqarsinnaapput.

Pisinnaatitsissummik pigisaqartoq sumiiffiup atuinissamut akuersissummi pineqartunut ilaasup annertussusaa tunngavigalugu naatsorsugaasumik akiliummik akiliissasoq, pillugu aalajangersakkanik Naalakkersuisut aalajangersaasinnaapput (nunaminertamut akiliut). Naalakkersuisut aamma, pisinnaatitsissummik pigisaqartoq sermip aamma erngup ilaalu ilanngullugu annertussusaa imaluunniit nalinga tunngavigalugu naatsorsugaasumik akiliummik akiliissasoq, pillugu atugassarititaasunik, aalajangersaasinnaapput (tunisassiornermut akiliut). Naalakkersuisut aammattaaq pisinnaatitsissummik pigisaqartoq ingerlatanit akuersissummi pineqartunut ilaasunit aningaasaqarnikkut pissarsiat ilaannik Namminersorlutik Oqartussanut akiliissasoq, pillugu atugassarititaasunik aalajangersaasinnaapput (pissarsianut akiliut).

Pisinnaatitsissummik pigisaqartoq akiliutininik arlalinnik imaluunniit tamaginnik akiliissasoq pillugu atugassarititaasunik Naalakkersuisut aalajangersaasinnaapput. Naalakkersuisut taamaalillutik nunaminertamut akiliummik, tunisassiornermut akiliummik aamma pissarsianut akiliummik akiliissasoq pillugu atugassarititaasunik aalajangersaasinnaapput. Taamaattoq suliaqarnermi amerlanertigut akiliut 1 imaluunniit 2-t pillugit atugassarititaasunik aalajangersaanissaq naapertuutissasoq, ilimanarpoq.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Imm. 1-imi aalajangersagaq malillugu Naalakkersuisut, pisinnaatitsissummik pigisaqartut akitsuutitut ilusilimmik akiliuteqarnissaat pillugu atugassarititaasunik aalajangersaasinnaapput, ilanngullugu akitsuutinik taamaattunik akiliuteqarneq tunisassiornerup annertussusaa aamma nalinga tunngavigalugit naatsorsorneqassasoq.

Imm. 2-mi aalajangersakkami Naalakkersuisut pisinnaatitsissummik pigisaqartup piffissani aalajangersimasuni akuersissummik tunniussinermi piffissamit akiliummik akiliisussaatisnginnissaanut, inatsimmi tunngavissaq aalajangersarneqarpoq. Pisinnaatitsissummik pigisaqartup imm. 1 malillugu oqartussanut akiliummik akiliuteqarnissaanik aalajangersaanermi, taamaalilluni imm. 1 malillugu piffissami pisinnaatitsissummik pigisaqartup akiliuteqartussaannnginnissaa akuerineqarsinnaavoq.

Naalakkersuisut Kalaallit Nunaanni sermimik imermillu niuernikkut iluaquteqarnermi aamma avammut nioqquteqarnermi akitsuutitut akileraarutitullu ilusilimmik aamma nunamut akitsuutitut ilusilinnik akiliutinik akiliinissamut eqaannerusumik unammillersinnaassuseqarnerusunillu ilusilianik atuutsitsilernissamut piginnaatinneqarnerat, imm. 2-mi aalajangersakkami imm. 3-mut ataqatigiissillugu qulakkeerneqarpoq. Taamaalilluni imm. 2-mi aalajangersagaq, assersuutigalugu pisinnaatitsissummik pigisaqartup aallarnisarnerata nalaani, ilaatigut sanaartukkani attaveqarnermilu akisuunik aningaasaliisussaasinnaanerani, eqaassuseqartitsinissamut iluaqutaassaaq.

Pisinnaatitsissummik pigisaqartoq pisinnaatitsissummik pigisaqartoq tamatumunnga taarsiullugu akitsuutinik akiliisussanngortinneqarpat, minnerpaamik akileraarusiinertut nammagassiisumik, akileraarutinik akiliisussaatinneqannginnissaa pillugu atugassarititaasunik Naalakkersuisut aalajangersaasinnaasut, aatsitassanut ikummatissanullu inatsimmi aalajangersagaq assingusoq takuneqarsinnaavoq.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Imm. 3-mi aalajangersagaq imm. 2-mi aalajangersakkamut ataqatigiissillugu isigineqassaaq. Imm. 3-mi aalajangersakkami imm. 2-mi aalajangersakkamut assingusumik qulakkeerneqarpoq, pisinnaatitsissummik pigisaqartoq ingerlatanut akuersissummi pineqartunut ilaasunut tunngatillugu, piffissami akuersissutip tunniunneqarnera aallarnerfigalugu, tamatumunnga inatsit malillugu akileraarutinik akitsuutinillu tamakkiisumik ilaannaasumilluunniit akiliisussaannnginnissaa, Naalakkersuisut akuerisinnaagaat.

Taamaattoq aalajangersagaq akuersissut siunnersuummi § 9, imm. 2-imi pineqartunut

ilaasimappat siunnersuummi §§ 4 imaluunniit 8 malillugu atuinissamut akuersissut malillugu pisinnaatitsissummik pigisaqartumut atuutissanngilaq, takuuk § 25, imm. 4. Takukkit siunnersuummi § 9, imm. 2, aamma § 25, imm. 4, aamma taakkununga nassuiaatit.

Imm. 4-mut

Aalajangersagaq Inatsisartut inatsisaannut atuuttumut sanilliullugu nutaajuvoq.

Aalajangersagaq malillugu akuersissut siunnersuummi § 9, imm. 2-imi pineqartunut ilaasimappat, imm. 3 §§ 4 imaluunniit 8 malillugu atuinissamut akuersissut malillugu pisinnaatitsissummik pigisaqartumut atuutissanngilaq. § 25, imm. 4 malillugu pisinnaatitsissummik pigisaqartoq, § 9, imm. 2-imi pineqartunut ilaasoq, aammattaaq §§ 4 imaluunniit 8 malillugu atuinissamut akuersissut malillugu pisinnaatitsissummik pigisaqartumut akileraarutit aamma akitsuutit pillugit aalajangersakkani immikkut ittuni allani pineqartunut ilaanngilaq.

Siunnersuummi § 25, imm. 4-imi aalajangersagaq, siunnersuummi § 25, imm. 3-imi aalajangersakkami ilaatinneqanngitsunut tunngavoq, aammalu aalajangersakkanut aamma siunnersuummi § 9, imm. 1-imi aamma 2-imi aalajangersakkanut ataqatigiissillugu isigineqassalluni. Takukkit aalajangersakkat taaneqartut aammalu taakkununga nassuiaatit.

Siunnersuummi § 25, imm. 3-imi aalajangersakkami, Naalakkersuisut atuinissamut akuersissummut piffissami akuersissuteqarfiusumi ukiumi siullermi aningaasaqarnikkut atugassarititaasunik pilerinaateqarnerusunik aningaasaliisartunut neqerooruteqarnissamut periarfissinneqarput. Siunertaavoq nalinginnaasumik sermimik aamma imermik atuinerup iluani Kalaallit Nunaanni pilerinaatilinnik aningaasaliisoqartarnissaanik siuarsaanissaq. Taamaattumik ingerlatseqatigiiffik pisinnaatitsissummik pigisaqartuusoq aamma sermimik imermillu atuinermiit allaanerusunik allanik ingerlatassanik suliaqarpat, aalajangersagaq atuutissanngilaq. Takukkit immikkoortuni 2.2.2-imi aamma 2.2.5-imi nassuiaatini nalinginnaasuni tamanna pillugu nassuiaatit erseqqinnerusut.

Imm. 5-imut

Imm. 3-mi aalajangersakkami piginnaatitsissuteqarnerup atornerqarnissaanut, pisuni ataasiakkaani tamaginni, tamakkiisumik ilaannaasumilluunniit akileraaruteqartitsinnginnissamik akuersinissaq sioqqullugu aningaasanut inatsimmi oqaasertaliussamik ilanngussisimanissaq, piunasaqaataavoq. Pisinnaatitsissummik pigisaqartup akileraarutitigut nammagassinneqarnerata maleruagassinneqarnissaata inatsisitigut aammalu ataasiakkaatigut inatsimmi tunngaveqarnissaa, aalajangersakkami qulakkeerneqassaaq.

§ 26-mut

Aalajangersagaq ataatsimut isigalugu Inatsisartut inatsisaanni atuuttumi § 27, imm. 1-3-mi aalajangersakkamik ingerlatitseqqiineruvoq itisiliinerullunilu.

Siunnersuummi § 26-mi aalajangersagaq, siunnersuut malillugu oqartussat suliarinninnerannut atatillugu aningaasartuutunik akiliinissamut tunngassuteqarpoq.

Aalajangersagaq malillugu pisinnaatitsissummik pigisaqartut allallu siunnersuummi pineqartunut ilaasut, siunnersuut malillugu suliassamik suliarinninnermut allatullu oqartussat suliarinninnerannut atatillugu aningaasartuutunik akiliisussaapput.

Imm. 2-mut

Aalajangersagaq, Naalakkersuisut akiliutissaq akiliutitut imaluunniit aningaasartuutunik utertitsinertut akilersissinnaagaat, inatsimmi tunngavissamik, imaqarpoq. Aalajangersagaq aamma Naalakkersuisut tamanna pillugu aalajangersakkanik erseqqinnerusunik aalajangersaasinnaaneranannut inatsimmi tunngavissamik, imaqarpoq, ilanngullugu assersuutigalugu nalunaarummi. Aalajangersagaq taamaalilluni Naalakkersuisut aningaasartuutunik siunnersuut malillugu suliassamik suliarinninnermut atatillugu oqartussat suliarinninnerannut atatillugu Naalakkersuisunit aamma Naalakkersuisuni oqartussat immikkoortortaannit akilerneqartunik tamaginnik akiliinissamik piunasaqaateqarsinnaanerannut inatsimmi tunngavissiiuvoq. Aalajangersakkami assersuutigalugu suliassamik suliarinninnermut, nakkutilliinermut, allatut oqartussat suliarinninnerannut, sulilluni angalanernut aamma siunnersortinut avataaneersunut aamma siunnersuisartunut ilaalu ilanngullugit aningaasartuutit pineqartunut ilaatinneqarput. Assersuutit taaneqartut tamakkiisumik allattukkanut takussutissaanngillat.

Naalakkersuisut akiliutunik imaluunniit aningaasartuutunik utertitsinissamik, annertussutsimikkut aningaasartuutinit aningaasartuutaasunillu tamarmiusunit, Naalakkersuisut suliassamik suliarinninnermut imaluunniit suliami allatut oqartussat suliarinninnerannut atatillugu akilersimasaannit imaluunniit akiligassatut naatsorsuutigisaannit, annertunerusunik akiliisitsisoqarsinnaanngilaq.

§ 27-mut

Imm. 1-imut

Aalajangersagaq Inatsisartut inatsisaanni § 23, imm. 1-imi aalajangersakkamik ingerlatitseqqiineruvoq.

Aalajangersagaq siunnersuut malillugu akuersissutip allamut tunniunneqarnissaanut

periarfissaqarnermut tunngassuteqarpoq. Akuersissummik toqqaannartumik imaluunniit toqqaannangitsumik allamut tunniussineq sunaluunniit Naalakkersuisut akuersissuteqarfigisussaavaat. Toqqaannartumik allamut tunniussineq paasineqassaaq tassaasoq, akuersissutip pisinnaatitsissummik pigisaqartumit allamut tunniunneqarnera. Toqqaannangitsumik allamut tunniussineq paasineqassaaq tassaasoq, ingerlatseqatigiiffimmi pisinnaatitsissummik pigisaqartumi piginneqataassutinik allamut tunniussineq sunaluunniit, ingerlatseqatigiiffiup pisinnaatitsissummik pigisaqartup aalajangiisumik sunniuteqarneranut sunniuteqartussa.

Akuersissutip allamut tunniunneqarnissaa akuerineqanngippat, taanna siunnersuut malillugu inatsisitigut atuutissanngilaq.

Pisussaaffiit pisinnaatitsissummik pigisaqartup pisussaaffigisaasa naammassineqarnissaannut tunngaviusut, allamut tunniussinermi ajornerulersinneqannginnissaat imaluunniit atuukkunnaarsinneqannginnissaat, Naalakkersuisut akuersissuteqarneranni ilaatigut qulakkeerreqartussaassaaq.

Aalajangersagaq aamma suliami pineqartut arlallit, ataatsimoorlutik akuersissummik pigisaqartuusut, akornanni iluminni tunniussinerannut atuuppoq.

Suliami pineqartut iluminni tunniussinissaq pillugu isumaqatigiissuteqarneranni, atugassarititaasut oqartussanit akuerineqartussaanerannik, aalajangersagaq malitseqanngilaq. Taamaattoq tunniussineq Naalakkersuisunit akuerineqarsinnaanersoq, suliami pineqartut iluminni isumaqatigiissutaanni atugassarititaasut pisut ilaanni pingaaruteqarsinnaapput.

Imm. 2-mut

Aalajangersagaq Inatsisartut inatsisaanni § 23, imm. 2-mi aalajangersakkamik ingerlatitseqqiineruvoq.

Aalajangersakkami allassimavoq, akuersissut akiitsoqarfinnit qanorluunniit malersuinerimi ilaatinneqassanngitsoq.

Taamaalilluni assersuutigalugu siunnersuut malillugu akuersissummi allat akiliisitsisinnaanngillat, aammalu akuersissut akiliisinnaajunnaarnermi pigisanit allamut tunniunneqarsinnaassanngilaq. Akuersissutip akiitsoqarfinnit malersorneqarnikkut allamut assersuutigalugu § 21-mi aalajangersakkanik naammassinngitsumut, imaluunniit Naalakkersuisut i imm. 1-imi aalajangersagaq malillugu Naalakkersuisunit akuerineqartussaannngitsumut, tunniunneqannginnissata qulakkeernissaanut, aalajangersagaq ilaatigut pisariaqarpoq.

§ 28-mut

Imm. 1-imut

Aalajangersagaq Inatsisartut inatsisaanni § 24, imm. 1-imi aalajangersakkamut allanngortitsineruvoq.

Siunnersuummi § 28, imm. 1-imi aalajangersakkap atuunnerani, ajoqusernermut sumulluunniit, ingerlatani akuersissuummi pineqartunut ilaasuni pilersinneqartumut, kinaassusersiunngitsumik akisussaaffeqarneq atuutsinneqalerpoq.

Inuiaqatigiinni eqqarsaatigisassat pingaarnertit aammalu agguaasarnermi tunngaviusut aallaavigalugit, pisinnaatitsissuummik pigisaqartut ilaalu ilanngullugit, siunnersuut malillugu ingerlatanut akisussaasuusut imaluunniit suliaqartuusut, aammalu nalinginnaasumik ingerlataminni aningaasaqarnikkut isertitaqartartut, ajoqusernertut ingerlatanut akuersissuummi pineqartunut ilaasunut ilaatillugu ajoquserneqartunut, taarsiillutik akiliisariaqarput.

Aammattaaq kinaassusersiunngitsumik akisussaasuuneq pitsaaliuineramik sunniuteqassasoq ilimagineqartariaqarpoq, tassami pisinnaatitsissuummik pigisaqartut ajoqusiinerit taarsiinissamillu akisussaaffeqarneq pinngitsoorniarlugit killilerniarlugillu iliuusissanik naleqquttunik iliuuseqarnissamut kajumissuseqalissammata. Kinaassusersiunngitsumik akisussaasuuneq aamma, tamanna atuutereersimanngippat, ajoqusernut inatsisitigut pisinnaatitaaffiisa pingaarutilimmik pitsanngorsarneqarnerannik malitseqassaaq. Kinaassusersiunngitsumik akisussaasuunermi taamaalilluni qulakkeerseqassaaq, ajoqusertoq siunissami aamma ajoqusernertit peratarsinnaasunik pissuteqartuni aamma ajoqusiisumut taarsiivigineqarnissamik piumasaqaateqarsinnaanissaa.

Tamatuma saniatigut kinaassusersiunngitsumik taarsiinissamut akisussaasuuneq pillugu maleruagassani inatsisini teknikkimut tunngasut assigiinngitsut naammassineqarput. Inatsisartut inatsisaat atuuttoq malillugu ajoqusernut pisuni aalajangersimasuni uppersartussaavaa, ajoqusiisoq kukkusimasoq imaluunniit sumiginnaasimasoq. Uppersartaat taanna amerlanertigut ajoqusiisumut saqqummiukkuminaattarpoq. Kinaassusersiunngitsumik akisussaasuunermik aqqissuussinermi, ajoqusiisoq kukkusimasoq imaluunniit sumiginnaasimasoq uppersartaassalluni pisariaarutissaaq. Pissutsit taakkua ilaatigut, ajoqusernut maannamut pisartunit annertunerusumik ajoqusiisup taarsiisussaataanera pillugu eqqartuussivimmi suliakkiinissat pinngitsoorsinnaalersinnaanerannut, iluaqutaassapput.

Akisussaasuunerup sukannernerunera ilaatigut, ingerlatat maleruagassanut atuuttunut naapertuuttumik aammalu annertuumik mianersuussilluni ingerlanneqanngippata, annertuunik ajoqusiisoqarsinnaalluni, ingerlatassat niuerneramik tunngaveqartut Kalaallit Nunaanni pinngortitami sunnertiasumi imaluunniit taassuma qanitaani ingerlanneqartussaasarnat, eqqarsaatigalugu isigineqassaaq.

Aalajangersakkami ajoquserneq sunaluunniit ingerlatanit pilersinneqartoq pineqartunut ilaavoq. Taarsiisussaataitanermi taamaalilluni assersuutigalugu pitsaaliuilluni iliuusissanik aammalu avatangiisini ajoqusiinerni saliinernik iliuusissanik suliaqarnermut aningaasartuutit aamma pineqartunut ilaapput, ilanngullugu ilaatigut pinngortitami uumasunilu iluarseeqqinneq. Pigisat aamma illuutit aalaakkaasut ajoquserneri aamma taarsiinissamut akisussaasuunermit pineqartunut ilaapput. Taarsiinissamik akisussaasuunermit aammattaaq malittaasumik ajoqusernerit, ajoqusernerit sunniutaat aammalu aningaasaqarnerinnakkut ajoqusernerit annaasaqarnerillu pineqartunut ilaapput.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami ajoquserneqartup nammineq pisuussutigisaanik taarsiissutissap annikillilerneqartarnera maleruagassiivigineqarpoq.

Ajoqusertoq ajoqusernermut pisooqataasimappat, ajoqusernermut taarsiissutissap annikillisinneqarsinnaanera imaluunniit atorunnaarsinnaanera, aalajangersakkami aalajangersarneqarpoq. Taamaattoq ajoqusertup piaaraluni imaluunniit mianersuaalliorujussuarluni iliuuseqarnera imaluunniit iliuuseqanngitsoornera, kisimik taarsiissutaasussap atorunnaarneranik imaluunniit annikillisinneqarneranik malitseqarsinnaapput.

Imm. 3-mut

Aalajangersagaq Inatsisartut inatsisaanni § 24, imm. 2-mi aalajangersakkamik ingerlatitseqqiineruvoq itisiliinerullunilu.

Aalajangersakkami, pisinnaatitsissummik pigisaqartup akisussaaffiani sillimmasiissummik matussutissaqarneq imaluunniit allatut qularnaveeqqusiineq pineqartunut ilaassasoq, Naalakkersuisut siunnersuummi § 3, § 4 aamma § 8 malillugit akuersissummi aalajangersaanissaannik periarfissinneqarput.

Aalajangersakkap atuunnerani, pisinnaatitsissummik pigisaqartup taarsiinissamut akisussaaffeqarnera sillimmasiissummi imaluunniit allatut qularnaveeqqusiissummi ilaatinneqassasoq akuersissummi aalajangerneqarsinnaavoq. Qularnaveeqqusiineq allatut

iluseqartoq assersuutigalugu tassaasinnaavoq ingerlatseqatigiffiup qullersaqarfiata qularnaveeqqusiinera, aningaaserivimmi kontumi toqqorsiviusussami aningaasanik toqqorsineq imaluunniit aningaaseriviup qularnaveeqqusiinera. Naalackersuisut aalajangersagaq malillugu sillimmasiissutip aamma allatut qularnaveeqqusiinerup ataqatigiissinneqarnissaat pillugu atugassarititaasunik aalajangersaasinnaapput.

Imm. 4-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu imm. 1-3-mi aalajangersakkat taamaaqataanik ingerlatanut allanit suliarineqartunut siunnersuummi pineqartunut ilaasunut atuutissapput. Assersuutigalugu imm. 1-3-mi aalajangersakkat taamaaqataanik suliame pineqartut allat, siunnersuummi § 2, imm. 1 malillugu tamatumunnga akuersissummik tunineqaratik, ingerlatanik siunnersuummi pineqartunut ilaasunik suliaqartunut, atuutissapput.

Imm. 5-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu Naalackersuisut siunnersuut malillugu akuersissummi aalajangersinnaavaat, pisinnaatitsissummik pigisaqartup nioqqtissanik kiffartuussissutinillu pilersuisuisa taarsiinissamut akisussaaffeqarnerat, sillimmasiissummi imaluunniit allatut qularnaveeqqusiinermi pineqartunut ilaatinneqassasoq. Sillimmasiissut imaluunniit allatut qularnaveeqqusiineq pilersuisut ingerlatani akuersissummi pineqartunut ilaasuni taarsiinissamut akisussaaffeqarneranni ilaatinneqassaaq.

§ 29-mut

Imm. 1-imut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami siunertaavoq oqartussat, innuttaasut aamma inuussutissarsiortut piffissamut killiliussap naleqquttup iluani inaarutaasumik inatsisini pisinnaatitaalernissaasa qulakkeerreqarnissaa. Pisinnaatitsissummik pigisaqartut allallu siunnersuummi pineqartunut ilaasunik ingerlatanik suliaqartut, taamatutaaq suliassap piffissap sivilunerusup kingorna eqqartuussivinnut suliakkiunneqarsinnaanera allanngortinneqarsinnaaneralu ernumaginagu, aalajangiineq tatigalugu iliuuseqarsinnaanissamik pisariaqartitsipput. Aalajangersakkat assingusut aatsitassanut ikummatissanullu inatsimmi takuneqarsinnaapput.

Aalajangersagaq aalajangiinerpiamut tunngatillugu suliakkiussinernut, ilanngullugit assersuutigalugu aalajangiinerup atuunera imaluunniit sunniuteqarfissai pillugit

eqqartuussivimmi misiliinissaq, aammalu taarsiivigineqarnissamik piumasqaateqarluni suliakkiussinernut akiliinissamik piumasqaatinut allanut imaluunniit aalajangiinermut tunngasunut imaluunniit tassunga atatillugu piumasqaatinut, atuuppoq.

Aalajangersakkap atuunnerani aalajangiinerup eqqartuussivinnut suliakkiunnissaanut ukiumik ataatsimik piffissamut killissaliussaq aalajangersarneqarpoq.

Piffissamut killiussaq, aalajangiineq suliami pineqartumut nalunaarutigineqarsimappat, ulloq aalajangiinerup suliami pineqartumut nalunaarutigineqarneranit, naatsorsorneqassaaq. Taamaattoq aalajangiineq tamanut nalunaarutigineqarsimappat, piffissamut killiliussaq ulloq tamanut saqqummiussineq aallarnerfigalugu tamatigut pisassaaq.

Aalajangersagaq taamaalilluni piffissamut killiliussap aallartinnera pillugu maleruagassanik marlunnik imaqarpoq. Aalajangiineq suliamut pineqartumut nalunaarutigineqarsimappat, naammagittaalliornissamut piffissamut killiliussaq nalunaaruteqarnermi ulloq taanna aallarnerfigalugu naatsorsorneqassaaq. Taamaattoq aalajangiineq tamanut ammasumik nalunaarutigineqarsimappat, naammagittaalliornissamut piffissamut killiliussaq ulloq tamanut saqqummiussiviusoq aallarnerfigalugu naatsorsorneqassaaq.

Piffissamut killiliussaq arfininngornermi, sapaammi imaluunniit nalliuttumi naappat, piffissamut killiliussaq ulluinnarmut tullermut siullermut sivitsorneqassaaq. Piffissamut killiliussaq nalinginnaasooq arfininngornermi, sapaammi imaluunniit nalliuttumi naappat, piffissamut killiliussaq ulluinnarmut tullermut sivitsorneqassaaq.

Imm. 2-mut

Inatsisartut inatsisaannut atuuttumut sanilliullugu aalajangersagaq nutaajuvoq. Aalajangersakkami aalajangersarneqarpoq, Naalakkersuisut allamik aalajangiisimangippata, eqqartuussivinnut suliakkiussineq aallaaviatigut kinguartitsinermik sunniuteqassanngitsoq.

Eqqartuussivinnut suliakkiussineq kinguartitsinermik kinguneqarpat, suliaq aalajangiineq atorunnaarsinnagu imaluunniit allanngortinnagu aalajangerneqarpat, imaluunniit suliaq itigartinneqarpat, taamaatinneqarpat imaluunniit allatut atorunnaarpat, aatsaat aalajangiineq atuuttussanngussaaq.

Aalajangersakkami, aalajangiineq kinguartitsinermik kinguneqassasoq, pillugu Naalakkersuisut aalajangersakkanik aalajangersaasinnaaneranunut imaluunniit aalajangiisinaaneranunut, inatsimmi tunngavissaliisoqarpoq. Aalajangiineq kinguartitsinermik sunniuteqassanersoq pillugu Naalakkersuisut aalajangiisussanngorneranni, Naalakkersuisut ilaatigut aalajangiineq inuiaqatigiinnut, avatangiisinut imaluunniit pissutsinut

pingaaruteqartunut allanut annertuunik sunniuteqarnerlussanersoq, eqqarsaatigisinnaavaat.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami aalajangersarneqarpoq, aalajangiineq eqqartuussivinnut suliaqqiunneqassappat, Kalaallit Nunaanni Eqqartuussivik siullertut suliarinnittussatut suliamik suliarinninnissamut eqqartuussivittut piginnaatitaasoq.

Imm. 4-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersakkami qulakkeerneqarpoq, akuersissut pillugu aalajangiinerit pillugit aaqqiagiinngissutaasut imaluunniit aaqqiagiinngissutaasut aalajangersimasut eqqartuussivimmumut isumaqatigiissitsiniartartumut suliaqqiunneqassasut tassanilu aalajangiiffigineqassasut pillugu siunnersuummi § 3, § 4 imaluunniit § 8 malillugu akuersissuummi atugassarititaasunik aalajangersaasoqarpat, imm. 1-3-mi aalajangersakkat taamaaqataanik atuutissasut. Taamaattoqarpat aatsaat aalajangiineq taamaattoq piffissamut killiliussap ukiumik ataatsimik sivisussuseqartup iluani eqqartuussivimmumut isumaqatigiissitsiniartartumut suliaqqiunneqarsinnaavoq. Piffissamut killiliussaq imm. 1-imi uniffinni 2.-4.-mi aalajangersakkani allassimasutut naatsorsorneqassaaq.

Assersuutigalugu aatsitassanut ikummatissanullu inatsit malillugu aatsitassanik (ikummatissiassat ilaanatik) misissuinissamut akuersissutinut atugassarititaasut nalinginnaasut malillugit, Naalakkersuisut aamma pisinnaatitsissuummik pigisaqartup nalilersuilluni aalajangiineq pillugu aaqqiagiinngissuteqarnerat eqqartuussivinnut suliaqqiunneqartussaavoq tassanilu aalajangiiffigineqartussaalluni. Aammattaaq atugassarititaasut malillugit Naalakkersuisut aamma pisinnaatitsissuummik pigisaqartup akornanni aaqqiagiinngissutaasut allat eqqartuussivimmumut isumaqatigiissitsiniartartumut suliaqqiunneqassapput tassanilu aalajangiiffigineqassallutik.

Atugassarititaasut matuma siuliani allassimasunut assingusut siunnersuut malillugu akuersissuummi aalajangersarneqarpata, aammalu aalajangiineq pillugu aaqqiagiinngissuteqarneq eqqartuussivimmumut isumaqatigiissitsiniartartumut suliaqqiunneqartussaappat tassanilu aalajangiiffigineqartussaalluni, taamaaqataanik aalajangiineq pillugu aaqqiagiinngissutaasup eqqartuussivimmi isumaqatigiissitsiniartartumut suliaqqiunneqarneranut tunngatillugu imm. 1-3-mi aalajangersakkat atuutissapput.

Piffissamut killiliussaq imm. 1-imi aamma tassunga nassuiaatini allassimasutut

naatsorsorneqassaaq.

§ 30-mut

Aalajangersagaq Inatsisartut inatsisaanni § 20-mi aalajangersakkamik ingerlatitseqqiineruvoq itisiliinerullunilu.

Aalajangersagaq malillugu Naalackersuisut, siunnersuummi § 3, § 4 imaluunniit § 8 malillugu akuersissummik tunniussisoqarsinnaalinnginnerani, kommuunimut kalluarneqartumut imaluunniit kommuuninut kalluarneqartunut tusarniaasussaapput. Siunnersuut malillugu akuersissummik tunineqarnissamik qinnuteqaammi kommuunimi sumiiffik ilaasimappat, Naalackersuisut taamaalillutik suliami aalajangiisinnaalinnginneranni, Naalackersuisut kommuunimut tusarniaassapput. Taamaaqataanik kommunit aggornerisa avataanni sumiiffimmut akuersissummik tunniussisoqassappat, aammalu sumiiffik innuttaasut siunnersuisooqatigiit piginnaatitaaffiini pineqartunut ilaappat, innuttaasut siunnersuisooqatigiivinut tusarniaasoqassaaq. Sumiiffik kommunit aggornerisa avataanniippat, aammalu sumiiffik innuttaasut siunnersuisooqatigiit piginnaatitaaffiini pineqartunut ilaangippat, Naalackersuisut tusarniaassanngillat. Ilaatigut imermik imerneqartussamik pilersuinerup pilersaarusiorneqarnissaa eqqarsaatigalugu, atuinissamut akuersissut niuernermik tunngaveqartumik atorneqartussanngorlugu akuerineqannginnerani, kommunit imaluunniit innuttaasut siunnersuisooqatigiivi kalluarneqartut tusarniaaffigineqarnissaat ilaatigut pingaaruteqarpoq. Taamaalilluni aalajangersagaq § 10-mut aamma § 19-imut ataqatigiissillugu isigineqassaaq, taakkuami malillugit pisinnaatitsissummik pigisaqartumut akuersissutip sumiiffiata iluani sermimik imermillu atuinissamut allanut pisinnaatitsissummik pigisaqartumit allaanerusunut akuersissummik tunniussisoqarsinnaammat. Ataatsimut isigalugu siunnersuummi § 10 aamma § 19 aammalu taakkununga nassuiaatit innersuussutigineqarpoq.

§ 31-mut

Aalajangersagaq Inatsisartut inatsisaanni § 28-mi aalajangersakkamik ingerlatitseqqiineruvoq.

Naalackersuisut pigisanik aalaakkaasunik taarsiissutitalimmik arsaarinnissuteqarnikkut pisinnaatitsissummik pigisaqartunut aamma Naalackersuisunut pigisamik aalaakkaasumik pissarsititsinissamut piginnaatitaanissaaq, aalajangersakkami qulakkeerneqarpoq. Pigisanik aalaakkaasunik taarsiissutitalimmik arsaarinnissuteqarneq ingerlatanik siunnersuummi pineqartunut ilaasunik suliaqarnissamut pisariaqarpat, aatsaat aalajangersagaq atorneqassaaq. Aalajangersakkami taamaalilluni siunertaavoq, ingerlatanut akuersissutit siunnersuut malillugu tunniunneqartut killissaasa iluanni ingerlataqarnernut atatillugu pigisanik

aalaakkaasunik taarsiissutitalimmik arsaarinnissuteqarnermik suliaqarnissamut, inatsimmi tunngavissaqalersitsinissaq.

Pigisanik aalaakkaasunik taarsiissutitalimmik arsaarinnissuteqarneq pigisanik aalaakkaasunik arsaarinnissuteqartarneq pillugu Inatsisartut inatsisaanni maleruagassat malillugit pissaaq.

§ 32-mut

Imm. 1-imut

Aalajangersagaq Inatsisartut inatsisaanni § 30, imm. 2-mi aalajangersakkamik ingerlatitseqqiineruvoq.

Aalajangersagaq malillugu sermimut imermullu tunngatillugu avammut nioqquteqarnissamut akuersissutit siunnersuut malillugu suliarineqassapput aammalu kalaallit tunisassiaasa avammut nioqqutigineqartarnerat pillugu akuersissuteqartarnermut Inatsisartut peqqussutaat malillugu suliarineqassanatik.

Imm. 2-mut

Aalajangersagaq Inatsisartut inatsisaanni § 30, imm. 3-mi aalajangersakkamik ingerlatitseqqiineruvoq.

Aalajangersagaq malillugu pisinnaatitsissummik pigisaqartut ingerlatanut taakkualu inernerinut tunngatillugu nalunaarusiaat tunniunneqartut, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni pineqartunut ilaanngillat. Nalunaarusiat isertuussassaanerat tamatumunnga pissutaavoq, suliffeqarfimmi aningaasaqarnermut unammilleqatigiinnermullu tunngasut tunngavilersuutaallutik.

Imm. 3-mut

Inatsisartut inatsisaannut atuuttumut sanilliullugu aalajangersagaq nutaajuvoq.

Aalajangersagaq malillugu Kalaallit Nunaannut, Kalallit Nunaannit Kalaallit Nunannilu usinik imaatigut assartuineq pillugu inatsisit, ingerlatanut siunnersuut malillugu akuersissummi tunniunneqartumi pineqartunut ilaasunut atatillugu imaatigut assartuussinermut, atuutinngilaq.

§ 33-mut

Imm. 1-imut

§ 2, imm. 1, aamma imm. 2, oqaaseqatigiit aappaat, § 24, imm. 1, oqaaseqatigiit siulliit, aamma imm. 2, oqaaseqatigiit siulliit, § 28, imm. 1-imi unioqquitsinerit Kalaallit Nunaanni Pinerluttulerineq pillugu Inatsimmi malittarisassat naapertorlugit pineqaatissiinermik akiliisitsinikkut kinguneqartinneqarsinnaapput.

Imm. 2-mut

Piomasagaatinik § 14, imm. 1, oqaaseqatigiit aappaat, § 15, imm. 2, oqaaseqatigiit siulliit aapaallu, § 16, imm. 2, § 17, § 18, § 24, imm. 1, oqaaseqatigiit aappaat aamma imm. 2, oqaaseqatigiit aappaat, aamma imm. 3, aamma imm. 4-mi aalajangersakkanik unioqquitsinerit Kalaallit Nunaanni Pinerluttulerineq pillugu Inatsimmi malittarisassat naapertorlugit pineqaatissiinermik akiliisitsinikkut kinguneqartinneqarsinnaapput.

Imm. 3-mut

§ 22, imm. 2 aamma § 23, imm. 1 najoqqutaralugit peqqussutinik nalunaarutigineqartunik unioqquitsinerit Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinermik malitseqarsinnaavoq.

Imm. 4-mut

Peqqussutinut § 13 naapertorlugu aalajangersagaasunut Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinerit aalajangersarneqarsinnaapput.

Imm. 5-imut

Inatsisartut inatsisaat imaluunniit peqqussutit Inatsisartut inatsisaat naapertorlugu aalajangersagaasut akiliisitsinissaq inatsimmi tunngavissaqartippassuk, Kalaallit Nunaanni pinerluttulerinermut inatsimmi maleruagassat malillugit pisinnaatitaasut pisussaataasullu akiliisitaanissamut pisussaaffilerneqarsinnaapput.

Imm. 6-imut

Akiliisitsinerit, Inatsisartut inatsisaat imaluunniit aalajangersakkat Inatsisartut inatsisaat malillugu aalajangersarneqartut malillugit pineqaatissiissutigineqartut, Nunatta Karsianut nakkartassapput.

§ 34-mut

Imm. 1-imut

Aalajangersagaq piffissamut siunnersuutip atuutilerfissaanut tunngassuteqarpoq.

Aalajangersagaq malillugu siunnersuut 1. januar 2019 atuutilerpoq.

Imm. 2-mut

Aalajangersagaq malillugu sermip erngullu avammut nioqputissatut atorneqarnissat pillugu Inatsisartut inatsisaat nr. 7, 31. maj 2001-imeersoq siunnersuutip atuutilerneranut peqatigitillugu atorunnaarsinneqarpoq.

§ 35-mut

Imm. 1-imut

Aalajangersagaq Inatsisartut inatsisaanni § 31, imm. 1-imi aalajangersakkamik ingerlatitseqqiineruvoq itisiliinerullunilu.

Aalajangersagaq akuersissutinut, akuersissutit taamaattut malillugit pisinnaatitsissummik pigisaqartunut aammalu ingerlaturanut siunnersuummi pineqartunut ilaasunut, siunnersuutip atuutilernerani pioreersunut imaluunniit ingerlanneqartunut imaluunniit ingerlanneqarsimasunut, tunngassuteqarpoq. Aalajangersakkami qulakkeerneqarpoq, taakkua atuutiinnarnissat, aammalu taakkua siunnersuummi pineqartunut ilaatinneqalernissat. Taamaattorli tassunga ajoqutaalersinnaasumik inatsisip nutaap nassatarisaanik atuinissamik akuersissutimini pisinnaatitsissummik pigisaqartoq annertuunik allannguuteqaqqusaasinnaangilaq.

Imm. 2-imut aamma 3-imut

Siunnersuutip ingerlaturanut, Inatsisartut inatsisaanni pineqartunut ilaasunut aammalu siunnersuutip atuutilernissaa sioqqullugu suliarineqarsimasunut, atuunnissaa, aammattaaq aalajangersakkami qulakkeerneqarpoq. Taamaalilluni inatsimmut atuukkunnaartumut naleqqiullugu atuinissamik akuersissummik atuuttumik pigisaqarfigisaani pisinnaatitsissummik pigisaqartoq atugaqalersinneqassanani. Taamaalilluni pisinnaatitsissummik pigisaqartut inatsisini inissisimaffigisaanik qularnaariniarluni taanna Inatsisartut inatsisaannut tassunga ikorfarteqarsinnaavoq. Taamaattorli tassunga ajoqutaalersinnaasumik inatsisip nutaap nassatarisaanik atuinissamik akuersissutimini pisinnaatitsissummik pigisaqartoq annertuunik allanngortinniarneqarsinnaangilaq. Tamanna nalinginnarnik aqutseriaatsimi inatsisitigut tunngavigisanit malinneqartarpoq. Assersuutigalugu pisinnaatitsissummik piginnittoq atuinissamik akuersissutip nassatarisaanik kisermaassisisinnaatitaanera arsaarutaasinnaangilaq.

Imm. 4-imut

Aalajangersakkami aammattaaq aalajangersarneqarpoq, pissutsit siunnersuummi pineqartunut ilaasut pillugit siunnersuutip atuutilernissaa sioqqullugu aalajangiinernut, siunnersuut atuutissasoq. Taamaattoq aalajangersagaq siunnersuutigineqartoq malillugu, eqqartuussivinnut aamma eqqartuussivimmuut isumaqatigiissitsiniartartumut suliamik

suliakkiussinissamut piffissamut killiliusaaq, takuuk siunnersuummi § 29, imm. 1 aamma 4, aatsaat siunnersuutip atuutilerana aallarnerfigalugu naatsorsorneqassaaq.

Imm. 5-mut

Aalajangersagaq Inatsisartut inatsisaanni § 31, imm. 2-mi aalajangersakkamik ingerlatitseqqiineruvoq.

Aalajangersagaq malillugu siunnersuummi § 2, imm. 1-imi oqaatigineqartut ingerlatassanuk akuersissummik qinnuteqaatip suliarineqarnera, siunnersuutip atuutilerani naammassillugu suliarineqarsimanngitsoq, siunnersuummi aalajangersakkat malillugit Naalakkersuisunit suliarineqarnera ingerlateqqinneqassaaq.

§ 36-mut

Siunnersuummi § 34, imm. 2-mi, sermimik imermillu avammut nioqquteqarnissamut inatsit maannakkut atuuttoq, siunnersuutip atuutilerana peqatigisaanik, atorunnaarsinneqarpoq. Siunnersuummi § 36-mi aalajangersakkami, allaffissornikkut peqqussutit atuuttut sermimik imermillu avammut nioqquteqarnissamut inatsit maannakkut atuuttoq malillugu aalajangersarneqartut, atorunnaarsinneqarnissaasa tungaanut, Inatsisartut inatsisaat malillugu allannguuteqartillugit atuutiinnarnissaat, qulakkeerneqarpoq.